



BIBLIOTECA NAZIONALE

110

B

28


NAPOLI

110

B

28





POETARVM
ELEGIACORVM

STILO, ET SAPORE

OVIDIANO

SCRIBENTIVM,



ADHVC PLERORVMQVE ANECDOTORVM

COLLECTIONIS


PARS ALTERA.



VINDOBONAE,

TYPIS JOSEPHI NOBILIS DE KVRŽBEK,
AULAE TYPOGRAPHI, ET BIBLIOPOLAE.

MD CCLXXXIX.





P r a e f a t i o

R E C E N T I O R.


Quae in fronte Partis prioris apparet Praefatio, jam eadem ad hanc quoque alteram pertinet, utramque ea propter circumplexa, quod uno putabam volumine hanc me totam Collectionem, uti mihi in mundo tum quidem fuerat, editurum. At ubi aliquanto



postea prelum animadverti latius excurrere, quam ut ne legendi commoditas desiderari ob molem posset, si unum in librum tota carminum supellex compingeretur: jam consilium omnino fuit, eandem in duo partiri codicillos, atque etiam quasdam, quae se mihi inter edendum obtulerant, suppetias haud gravate admittere. Interim cum causae sit nihil, quam ob rem Praefatio prior hic antiquetur; sed ea compendii potius largiatur copiam, ne sint eadem bis mihi repetenda: hinc ibi declaratis omnino et isthic stabo, eodemque pertinere illa velim; cum eo duntaxat, ut partitionis hic modum

dum

dum quoque (causa jam reddita) impertiam. Secreveram igitur priorem in partem Collectionis Scriptores eos omnes, quicunque ad aliquam rationem temporis five indicio quodam aetatis, five auditione saltem aliqua adduci ex ordine poterant: qua in re postremus ad me ipsum respicere locus debuit, qui ultimus desierim Collectioni manum adhibere. Sed supererant ex priore, quem congefferam, promptu anonymica duo carmina, de quorum mihi aetate nulla erat relicta significatio ullius temporis, Haec igitur rite videor in altero jam codicillo, a chronotaxi ceterorum sejuncta, proxime ante meas accessiones in-



fruere: in quibus quidem et ipsis temporis, quo eas lucubraveram, rationem habui; sic tamen, ut ad suas antea classes referrentur; quae tres mihi Elegiacorum libros fecerunt.



ELE.



ELEGIA A N O N Y M I

Punicerus queritur Melampo Medico
aegritudinem suam, opemque ejus ex-
poscit.

Elegiam hanc, itemque proximam ab eodem, quem pag. 188 laudavi, ex Bohemia Amico indeptus, si manus, quae litteras exaravit, indicium sequar, eidem utramque Auctori reddidero: quem character jam paulo antiquiorem subindicat. Ac diversorum quidem Auctorum monumenta ita



non raro venditare posteris descriptorum manus
 queat, ut unius inde existimentur originis: et ve-
 ro subolere mihi hic quoque descriptio debuit, cum
 sphalmata ibidem deprehenderem, quae Auctoris
 ipsius imperitiae non poteram imputare; sed multo
 facilius referre ad Amanuensem. At enim stili,
 indolisque ratio, et certi quidam cursus ingenio-
 rum multo praebent propiorem analogia sua con-
 jecturam. Itaque dissimili licet in argumento
 maxima tamen ejusdem venae poeticae germanitas
 in istam me adduxit sententiam, ut, qualia ad
 me perferebantur haec scripta, ejusdem esse Auc-
 toris nihil jam dubitarem. Multum mihi sum
 gratulatus, fortuito hisce partis suppetiis, quae
 in pulvere forsitan erant aeternum dormiturae,
 cum ingenii tamen strieturas quasdam insignes
 prodant. Interim erat in utriusque argumenti
 lucubratione, praeter describentis lapsus, etiam
 aliquid non raro negligentiae, quae non parum
 mihi ad eliminandum negotii exhibuit: ut haec
 quoque elegiae non mediocri ex parte recentius ad
 aevum rescribi possent, nisi argumenti potissimum
 habenda ratio foret, quod est in eisdem a me re-
 tentum ferme ex integro cum iis omnibus, quae
 felix Auctoris ingenium etiam sine cultu, ac ju-
 dicii

dicii cura suapte bene profuderat. Quamvis dictionis Ovidianae proprietatem, munditiamque, ac Latinitatis, qualis in Mülleri, Seidelii, ac Grebmeri carminibus, aliisque exsplendescit, florem non perinde videbatur attigisse: istas tamen aliis pensabat virtutibus, mira praesertim simplicitate, qua rerum tenuissimarum inductiones persequitur.

* * *

Haec, tibi quae Laribus deferretur epistola nostris

Alterius scripta est, cernis ut ipse, manu.
Vin' causam? Febris heu! qua non atrocior ulla,

Corripuitque pedes, corripuitque manus.

5. Decumbo affixus strato, ceu truncus inanis,

Nil ago; sed patior corpore multa miser.

Auricomus medio seu fulgeat aethere Titan;


Pallida seu lentos Cynthia flectat equos:

Nervosus saevit per languida membra Tyrannus,

10. Intima avernalis torquet et ossa dolor.

Culcitra, quae sanis est portus, et ara quietis,

Haec aegro cippus, cruxque, rogosque mihi est.



Stragula, pulvillos conferto ab olore tumentes,

Cuspidibus cinctas arbitror esse vepres.

15. Quo morbo crucier, sat conijcis inde, Melampe:

Arthritis nempe, haec dira, nefanda lues,
Tempora quam pressi sat longa, diuque negavi,

Haec se se indiciis prodidit ipsa suis.

Nil ultra dubito, perquam nam sentio, quantum

20. Arthritis natum fit Phlegethonte malum,
Haec, haec me cruciat, querulam haec tibi mittere chartam,

Suppliciterque tuam poscere cogit opem,
Exprimere o utinam tibi, quae nunc perfero, possem!

Exprimere at nec vox, penna nec ulla potest.

25. Objice quaeque tibi dira, horrida, qualia quondam

Corpore torti homines sustinuere suo:

Quos lento succensa foco sartago cremavit,

Quosque suus fixo perluit ense cruor:


Quos ferratae acies terebrarunt, atque sagittae,

30. Et secuit rapidis aëta quadriga rotis:

Quos faculae usserunt, pix ignea, lampas, et olla,

Membratim et forceps carpsit adusta foco.

Fac



Fac, videas medios ferram descendere in artus,

Et scissa in partes hircere membra duas.

35. Cernere succentos oleo te finge lebetes,

Et Siculo fusos aere sonare boves;

Quos ferus invenit Scyron, Busiris et atrox,

Ipseque barbaries ingeniosa modos:

Quas Nemesis poenas nocuas decernit in umbras:

40. Si lubet, ante oculos has tibi pone, velim.

In mentem veniat superi fur callidus ignis,

Qui nunquam saturam viscere pascit avem;

Sacrilego Titius correptus amore recurat,

Cujus vultureo carpitur ungue jecur.

45. Thesalus et mentem subeat | Dux, noxia
cujus

Membra agit in gyrum, dilaniatque rota.

His non absimiles cruciatus inter olorum

Exuvias natitans me tolerare reor.

Ut variat lictor trux scenam, jamque mucrones,

50. Jam chordas adhibet, jam flagra, jamque faces:

Sic variis, et mille modis me pessima febris

Lancinat: hora novo nulla dolore vacat.

Jam siquidem tundit manuumque, pedumque
rubentes

Malleus, aut rostri cuspis acuta fibras:

55. Jam



55. Jam fax scintillans, admotaque lamina
candens

Ustulat et venas, intima et ossa cremat.

Jam caro non secus, ac rigidis laceratur ab
uncis,

Tollunturque velut forcipe frustra mihi:

Jam ducta huc illuc, quae nescio, subula cun-
ctos

60. Perforat articulos, perterebratque sinus.
Nullum cerno quidem Vulcani e rupe Cyclo-
pem;

Nec mihi, quem videam, vultur aduncus
adeft:

Nullus adeft Scyron, Procrustes nullus, et
Atreus;

Nullaque tartareo bellua missa sinu:

65. Cyclopum validos tamen ictus artubus
imis,

Vultureos unguis, cerbereumque canem,
Tortorum gladios, nervos, faculasque, cru-
cesque

Ferre mihi videor, sustineoque miser,

Carnificum nempe haec cunctorum fungitur
una

70. Munere, quae nervos torquet acerba
febris.

Absint mucrones, scuticae, flammae, atque
catastae:

Aequatur febris haec omnibus una malis.



O quanti hinc gemitus erumpunt faucibus
imis!

Circumfusa queis personat aura procul.

75. Tantos, quem patior, dolor edit pectore
planctus,

Excipere ut nemo hunc, quin gemat ipse,
queat.

Ut lupus esuriens ululat, rugitque Neimeaea

Sancius infixio fente per antra leo:

Taurus ut horrifonis mugitibus aëra complet,

80. Quem rabido prensus dente Lycisca
tenet:

Sic clamans ululo, sic ejulo, mugio saepe,

Cum per membra lues plus inimica furit.

Nocte licet voces hominum, pecudumque
quiescant,

Nostra tamen querulis vox ferit astra sonis.

Jam siquidem tollens oculos caeli invoco Nu-
men,

Hujus et imploro flebilis aeger opem.

Jam, ceu mota foret mens, dentibus infre-
mo, diris

Devoveo furiis natam Acheronte luem.

Incultas hanc ad cautes, ad lustra ferarum,

90. Ad Stygias, queis est orta, relego
plagas.

Quidquid respiciam, quamvis arriserit ante,

Displicet, offendit, moestitiamque parit.

Quam



Quam prius arcessiebam ultro in mea tecta
coronam,

Haec si fors veniat, jam mihi grata parum
est.

95. Ipse etiam tenero mihi junctus amore
Misettus

Delicias oculis non dat, ut ante, meis.
Assiduus, fateor, thalamo noctuque, diuque
Nostro adstat, famulas promptus obitque
vices \

Jam nempe is defert sitibundis dulcia labris

100. Pocula, et artificis fercla parata manu:
Molles jam strati pulvillos, pressaque vertit
Stragula, quo melius, commodiusque cu-
bem;

Linea jam cautus manuumque, pedumque re-
solvit

Vincula, prunarum membra vapore fovens:
105. Jam tumidos iterum fasciis obvolvitur
artus,

Nequa vel afflatu concitet aura malum.
Omnibus officiis morbum lenire Misettus
Contendit: nulla hunc lenit arte tamen:
Nani si vel tenui me Pusio pollice tangat:

110. Hem dolor increfcit, mox ululoque
mifer

Plumula siqua levis forte huc labatur ab alto,
Aut atomus tenuis: grande videtur onus.

Et,

Et, velut ighivomis veniens pila faucibus effet,

Sic lapsu sensus afficit, atque ferit.

115. Os hebes est, positaeque movent fastidia mensae,

Et queror, invisi cum venit hora cibi.

Obveniat, quidquid mare, tellus, quidquid et aër

Educat; inde nihil, quod cupiatur, erit.

Si tamen ingeritur modicum quid: non fecus, atque

120. Aut stipula, aut fenum, aut stramen inane sapit.

Insuper, affusa pingui ceu Pallade flamma,

Crudescit vino nostra, ciboque febris.

Is quoque, qui vegeto cibus est in corpore, somnus

Non alit officio membra sopita suo.

125. Hinc vigilo, vigilantque mei [sine fine dolores,

Temporis et moesti taedia longa fero

Dura mihi (nam nil recreat) tua Cynthia lux est:

Sed tua, quae sequitur, plus mihi dura Soror.

Jam decies namque exhibuit sua cornua mundo:

130. Exorto toties cesserat illa tibi.



Ex quo non ullus mea clausit lumina som-
nus,

Deferuit thalamum Morpheus atque meum.
Saepius hunc multum ingeminans sum questus
abesse;

Saepius optavi conciliare mihi.

135. Somne, quies animi, morborum dulce le-
vamen!

Talia ad absentem verba, precesque dedi:
Ah ubi, Somne, lates? huc o! huc lenis ad-
esto:

Tange soporifera lumina nostra manu.

Ipse feram tenerum placita tibi nocte papaver,

140. Unde tuis nectam ferta gerenda comis;

Ipse tibi laudes, votivaque carmina solvam:

Tu modo ne desis laudibus, oro, tuis.

Membris tu amissum nostri renovare vigorem:

Tu famulas aptas ad nova pensa manus.

145. Tu nostri infando lenimen ferre dolori:

Tu morbis gravibus corpora fracta levas.

Haec ego jam quoties singultus inter amaros;

Sed lurdo, aut lapidi perdita verba dedi!

Illuxit toties Titan redivivus ab undis:

150. Attamen haud rediit, qui dedit inde
fugam.


Hucusque insomnes vivo noctesque, diesque,

Et nostrum refugit Morpheus uique torum.

Cur ita? flexissent nostra hunc, puto, vota,
precesque:

Est etenim mitis, flexibilisque Deus:

155. Dis-



155. Discessit culpa, non nostra, offensus ab-
unde:

Ad nos hinc pennas flectere pronus erat.
Sed quem saeva lues procul hinc excedere ius-
sit,

Tormentis arcet, nec remeare finit.
Hic status, haec rerum facies est nempe mea-
rum:

160. Nec iuvor ullius, qui medeatur, ope.
Sed miser absque ullo lenimine quo usque ja-
cebo?

Taleque supplicium quo miser usque feram?
Nullamne ergo ferat terra herbam; nullaque
dentur

Pharmaca, lugentem quae recreare que-
ant?


165. Tamne altas egit radices intima pestis,
Evelli ut medica vix queat arte febris?
Tentavi propriae seu quae mihi cura salutis
Suggestit, seu quae svasit amica cohors.
Quos ego, prô! succos multum obsistente
palato

170. Potaram, medicas glutieramque mo-
las!

Far quoties tostum ad prunas, tostumque Mi-
fettus

Applicuit nervis, articulusque meis!
Pulverem is Angelicum cum pulvere praecipi-
tato,

Paeonium panaces, mandragoramque dedit
Pars II. B 175.



175. Hic centauream, et malvis colophonia
mista,

Mentham hic, et urticae femina parva tulit.
Nil horum renuo: quin circumquaque ligantur

Pulvillisque manus, panniculisque pedes.
Non membris thermae, cataplasmata, balsa-
ma defunt,

180. Suffitum quoties halat acerra calens:
Quis tamen effectus? Glaciata ut crusta calore

Solvitur; ut cellis fumo abiguntur apes:
Sic ego sollerti cura hac me posse putabam
Atrox offilega pellere sede malum.

185. Nil tamen est actum: spes me delusit in-
anis.

Imis haeret adhuc pestis acerba fibris.
Hoc quin conatu magis irritata per artus
Grassatur, cunctos permeat atque sinus.

Mercuriali qualis inest natura metallo:

190. Talem nodosae testor inesse lui:
Jam scapulas etenim, jam dextrum, jamque
sinistrum

Haec latus aggreditur; jam caput, atque
manus.

Laetabar, laevo pede decessisse dolorem

Nuper: at hoc sensit mox vitata manus.

195. Sic vagabunda febris cruciatu membra
pererrat;

Expelli sese quin sinat inde tenax,

Hofis nempe inftar, qui cum femel occupat
urbem,

Extrudi nulla jam ratione queat.
Aut inftar taxi, fcrube quem abditore laten-
tem

200. Incaffum tentant prolicere inde canes.
Juftane deftituit graviter me caufa querendi,

Qui cogar jugis tam grave ferre malum;
Qui tantas inter poenas noctesque, diesque
Totos, mille ferrens fchemata mortis agam?

205. Percurfant agiles alii fora, compita, vi-
cos,

Et procul in latos exfpatiantur agros:
Cum fociis ludos, convivia lauta frequentant,
Bacchantes patri thyrfigeroque litant;
Infelix at ego manibus, pedibusque ligatis!

210. Ceu vepribus cinctus, cinctus et igne
cubo.


Atque utinam faltem mala noftra agnofceret,
aedes

Qui crebro noftras hofpes adire folet!
Hoc ipfum at mentem affligit vehementius us-
que

Quod, mifer ut re fim; non tamen effe
puter,

215. Dum gemo, fubrident alii, noftrasque
querelas

In fallos vertunt ore procace jocos.



Obtendunt mihi percelebrem , quem nescio ,
coetum :

Infertum huic ajunt nomen et esse meum.
Sortem hanc gratantes suffultos vellere foccos ,

220. Pulvillos , manicas , linea vincla ferunt ,
Porro ocreas ampli calycis , fellasque curules ,
Saevique objiciunt commoda flenda mali.

Quin etiam exhibito coetus diplomate , clarum
Me fore divinant ordine in hocce decus.

225. Sunt imo , qui ceu pigrum ausint carpere ,
molli

Delicias thalamo quaerere meque ferant.
Hinc stimulant , urgentque , ut plumea te-
gmina linquam :

Ad nemus , ad campos , ludum , epulasque
vocant

Sicne , ajunt , decet usque dies hoc vere ja-
cendo

230. Perdere ? Proh quantum dedecus hoc-
ce chori !


Boeotum aut patria es , crassoque sub aëre na-
tus ;

Aut pigra te in lucem forte Vacuna dedit.
Talia nempe mihi lingua petulante sodales ,

Quos morbi nostri vis truculenta latet.

235. Et quem non feriant fannae hae ? Quis
corpore stratus

Cum gemit , implacida non ferat aure jocos ?



O mea quam promptus rābulis his credere vel-
lem

Commoda, quae tanta garrulitate crepant!
Dent utinam Superi, quae nunc fero commo-
da morbi,

240. Haec una saltem fannio nocte ferat!
O quam longe aliter piscator sentiet ictus!
Quam cito damnabit, quos dedit ante, sales!
Quos prō! rugitus tum faucibus ille profun-
det!

Flebilibus quam tum planctibus astra petet!
245. Mavolet, haud dubito, versare rotas-
que, molasque,


Quam molli mecum sic piger esse toro.
Non ita te reor ignarum febrium esse, Melam-
pe,

Ut hocce eludat te, lateatve genus.
Nec tam difficilis, reor, es; tam durus, et
asper,

250. Ut, quae penna refert, absque dolore
legas.

Ad te igitur supplex juxta, fidensque recurro,
Cujus Apollinea nomen in arte viget.
Te Phoebus docuit succos dignoscere, et her-
bas:

Hic tibi detexit pharmaca nota sibi.
255. Imperium morbos ab eo tu nactus in
omnes,
Quaelibet istius numine monstra domas.



Non minus infestas elidis pollice pestes;
 Ac olim Alcides prodigiosus Hydras.
 Innumeros, scio, profligasti e corpore morbos:
 260. Profuit innumeris arsque, manusque
 tua.

Quorum conclamata fuit jam vita, salusque:
 His vita, atque salus te medicante rediit.
 Tantum in letiferis ars est tua cognita mor-
 bis:

In nostram poterit num minus ista febrim?
 265. Ergo si quis amor, si qua et miseratio no-
 stri

Te tangit, misero, quam potes, affer opem.
 In te praecipue mea spes innixa recumbit,
 Quae sibi solamen poscit, opemque tuam.
 Virtutem tot aliis spectatam impendito nobis:
 270. In nobis vires experiare tuas.

Sat mea membra diu adstrinxit Phlegethontia
 compes:

Torqueri ne me longius, oro, finas.
 Per studii precor id communia federa nostri,
 Et non vile tibi nomen amicitiae.

275. Miscueris quaecunque mihi; sint fellea
 quamvis

Pharmaca; prensabo, mox avideque bi-
 bam.

Ipse fores veluti caelo delapsus Apollo:
 Sic ego pendebo totus ab ore tuo

Nec

Nec mercede sua virtus impensa carebit:

280. Obsequii meritum lingua, manusque
colet.

Acceptam gratus gaudebo referre salutem,

Nec parcam laudes amplificare tuas

Nominis ante mei venient oblivia, grato



Quam tua labetur pectore cura mei.

285. Spiritus hic tenues citius vanescet in au-
ras

Gratia quam fiat tempore nostra minor.

Ergo veni, primumque mali restinque furo-
rem:

Post etiam totus spero valere. Vale!



E L E G I A,

qua Collinus Cardelino discedenti valedicit.

Ergo dividimur complexu, quodque dolorem

Exacuit, nunquam fors rediturus abis.

Saepe mihi (scio) dixisti procul inde migrabo,

Et toties cordi vox ea mucro fuit.

5. Nunc tamen expansis dum me complecteris ulnis,

Dum nostris defers basia summa genis;

Supremam abscedens tremula mihi voce salutem


Dum dicis, quanto heu! vulnere corda feris!

Erumpunt lacrymae, nec nostro parciore imber
10. Lumine, quam verna de nive manat aqua.

Me miserum, quam nulla diu sibi gaudia constant!

Ouam facile in ventos dissipat illa dolor!

Haec



Haec, scio, fatorum lex est, nil tempore
longo

Ut dure, varias cuncta habeantque vices.

15. Non semper nitidus fudo aethere ridet A-
pollo:

Saepe tegunt atro hunc nubila foeta peplo.
Ver fugit aestates; aestatum terga laceffit

Pomifer autumnus; quem cito bruma pre-
mit.

Aequius hinc abitum ferrem; velut ista re-
cursant,

20. Si reditus esset spes mihi certa tui.

Si brevis ut fuerat, praesentem habuisse, vo-
luptas:

Sic brevis atque foret te caruisse dolor.

Hoc ipsum at cruciat, felix quod nescio num
fit,

Quae te olim revehat, lux oritura mihi.

25. Fors ego te nunquam, mi Cardeline, vi-
debo,

Nullaque nos junget forsan in orbe dies.

Sol quoties cursu remeabit signa peracto,

Flava Ceres quoties caesa jacebit agris;

Cum te divulsum tellus peregrina tenebit;

30. Interea sciderit stamina Clotho mihi.

O yates utinam vanus mihi verba dedisses!

O utinam quis iter praepediisset obex!

Convixisse tibi modico quid tempore prodest,

Tam cito si nobis eripiendus eras?



35. Paene erat optandum, nobis ne cognitus
esses:

Est minor ignotis poena carere donis.
Sed quae causa tamen te nostris abripit oris,
Et Latii in veteris pellicit ire solum?
Nempe vir est Italo multum celebratus in or-
be,

40. Antiqua merito quem pietate colis.
Huic tua, qua praestas, sapientia, celsaque
virtus

Pluribus exemplis, indiciisque patet.
Insitor ut puras, quas parturit India, gemmas,
Sic animi dotes aestimat ille tuas,

45. Hic, hic te caras Patriae vult linquere
terras,

Discat ut Oenotriae te quoque nosse plaga.
Hinc nihil obluens natales deferis oras,
Promptus et Adriaci littoris arva petis.

Illius haud equidem Vatis tibi terra petenda
est,

50. Quem fecit Latii Caesaris ira Scytham:
Nec tibi fors horum est, quos aut Rhamnusia
vindex,

Aut livor Patrio cogit abire solo.
Quam petis e superum nutu; non Pontica
terra est,

Qualem luctifono carmine Naso canit:
55. Taurica non Nefos, non Haemus, Cauca-
sus, Otris,

Perpetua quorum culmina tecta nive.

Eu-

Europae at regio, qua non felicior ulla,

Quae superat terras, Inde Sabaee, tuas.

Mitis ibi tellus, indutaque floribus arva,

60. Thymbra, thymusque viret; fragrat
odore crocus.

Alta maritales ibi populus implicat uvas,

Missurus tumidis Massica prima cadis.

Culta Ceres gravidis semper flavescit aristis,

Hesperidumque inibi carpere poma datur.

65. Ipsa locum toto si quaerat in orbe volu-
ptas,

Non alium toto mallet in orbe locum.

Nec tibi, cui tuto te credas, deêrit amicus;

Qui vero credat se tibi, multus erit.

Namque velut ferrum magnes, delphinas Ari-
on;

70. Sic et tu quovis pectora capta trahis.

Ingenium tibi pro cythara, et facundia lin-
guae:

Hac aures mulces, Orpheus utque moves.

Prenfabunt hinc te certatim, crede, nec ullus,

Qui tecum viso vivere nolle, erit.

75. E cunctis unus te jam praecessit in oras,

Quas petis, amplexu stringere teque parat.

Haec ergo Patriae remorantis vincula rum-
punt;

Haec addunt alas, subjiciuntque faces.

Vir praestans animi non uni affigitur orae:

80. Totus, ubi degat, Patria mundus, ais.

Nec



Nec tam sacratīs obstrinxit Czechia vinclis
 Me sibi, quae pietas solvere nulla queat.
 Diverſo duxiſſe juvat ſub climate vitam,
 Et mundi varias incoluiſſe plagas.

85. Nil horum inficior. Sed vultus cerne tuorum:

Quam tuus hic abitus ſit gravis, oro, vide.
 Vix gemitus retinent: vix flumina falſa coërent,

Et mihi jam lacrymis lumina moeſta mandent:

Non ſecus, ac nivium, quas mollit aquaticus Auſter,

90. Gutta per irriguas deſluit acta genas.
 Et cur non doleam, cum te diſcedere cerno,
 Qui fueras oculis carior uſque meis?

Non ſic Euryalum Niſus, non Caſtora Pollux
 Ardebat, Theſeum Pirithouſque ſuum:

95. Ut te ego, qui minimus ſum, Cardeline,
 tuorum,

Pars noſtri o cordis, maxima parsque mei!
 Sed quid amaſſe juvat, ſi, quem vix noſſe fruendum

Coepi, a principiis ſurripit atra dies.
 Tanto nunc dolor eſt gravior, conjunctior ante

100. Quo tibi amor fuerat; quo cupit eſſe tibi:

Quoque tenace magis ſibi nexu corda cohaerent,

Hoc minus avelli ſe, graviusque ferunt.

He-

Heroum liceat per te hic mihi tangere fastos;

Hi, quae sit caros perdere plaga, docent.

105. Senferat Herois Trojani hanc hospita,
cum se

Defereret Princeps regna Latina petens.

Senferat hanc Phyllis Rhodopeia : Siccine ,
clamat,

Demophoon subito mi fugitivus abis?

Siccine terga levis mihi vertis? siccine nostra,

110. Qua tam laute habitus, viluit aula
tibi?

Senferat hanc pariter Sappho, linquente Pha-
one

Cum caperet madidis oscula maesta genis.

Quantus formosae fuerat dolor ille Calypsus,

Dulichius coeptum Dux ubi carpsit iter!

115. Dissimilis sunt haec, fateor, divortia se-
xus,

Nostra nec Idalius pectora jungit amor.

Quam vehemens tamen has urebat amorque,
dolorque;

Tam vehemens meus est natus amore dolor.

Tantamque inferri mihi nunc vim sentio, quan-
ta est,

120. Cum membrum a membro falx inimi-
ca fecat:

Aut cum glandifera a pinu divellitur ornus,

Quarum olim fuerant brachia juncta sibi:



Tu fine me, sic credo quidem, novus incola
terrae

Sub Latio poteris vivere sole dies.

125. Nil opus obsequiis tibi nostris, nilque
favore:

Invenies alios, qui tua, teque colant.

Nec tam praeclarae mihi dotes. tantaque vir-
tus

Est mihi, queis ego sim dignus amore tuo.
At tua quam mihi profuerit propensa voluntas,

130. Expertus nemo, prout ego, scire queat.

O mihi quam largum tua fontem absentia clau-
det!

Haerebit lympa deficiente mola.

Languescunt nati, terrestria sidera, flores,

Quos gelida Alcinous non recrearit aqua.

135. Flaccescunt segetes, imbrem ut negat
aeneus aether:

Talis nunc heu me! fors mea forsan erit.

Solus ut obscuro mihi vivere cogar in antro,

Vix, licet abfueris tu mihi, credo fore.

Vivam inter socios: dabitur, spero, unus, et
alter,

140. Qui moestum recreet, pauperiemque
levet.

At tibi, Cardeline! parem qui se mihi praestet;

Qui praestare queat, vix, reor, ullus erit.

Tu rerum fueras facundus praeco mearum,

Inque animo semper, semper in ore fui.

145. Tu dux, tuque comes, tu Confus, tu-
tor, et altor:

Tu magnes cordis, delictumque meum.

O nostri quoties haerebas liminis hospes,

Ut demonstrares, quae tibi cura mei!

Impallescentem quoties chartisque, librisque

150. Alloquio scieras exhilarare tuo!

Affixus mensae, innascens velut ostrea saxo,

Ne bona contererem tempora more meo;

Neque nimis sensus sibi flagrans carperet ae-
stus,

Ardoris cursus sistere cura fuit.

155. Siccine, dicebas, chartis noctuque, diu-
que,

Ceu gallina ovis, incubuisse decet?

Non ego conatus tam pulchros damno, politae

Hae Musae nunquam non placuere mihi.

Quod tamen his studiis te iusto impensius ab-
dis:

150. Hoc bene mens cupiens nulla proba-
re queat.

Quod caret alterna requie, durable non est:

Inde novas vires membra refecta trahunt.

Membra veget requies; mens et veges inde
novatur:

Neutra sed assiduo carpta labore vigent.

165. Nec durare diu fas est. Citus occidet
ille,

Qui prior in circo semper ovabit equus.



Cernis, uti nervus tento usque relangueat arcu,

Et nimium burres passa fenescat humus.
Sic acies tua constanti dum cote politur,

170. Frangetur, damnis attenuata tuis.
Ergo jube paulum, Colline, valere Camoenas,

Teque aliqua studiis subtrahe, quaeso, mora.

Sat tibi jam facies curis impalluit istis:

Fac, color ut redeat, fac, redeatque vigor.

175. Quam placide en ridet laetissimus aethere Titan!

Nubila nec tristes ulla minantur aquas.
Quid vetat, in campos paulum exspatiemur apricos?

Sic per membra calens bulliet ima cruor.
Sic pes; sicque manus; sic laxabuntur et artus;

180. Adjiciet vires viribus aura recens.
Haec tu saepe mihi, memini. Majoris at hercle

Affixum libris abstrahere artis erat.
Tanto haud nempe suos studio legit Euclio nummos,

Quanto ego verso meos, numina muta, libros.

185. Audiſt ſuadentem reverens, ſed cara
ſupellex

Addictum et nimius me retinebat amor.

Nec meus hic, in te quo, Cardeline, flagra-
bam

Hunc fuit, ut vehemens, exſuperare potis.
Saepius hinc tibi me ſtudi ſubducere, vultus

190. Declinare tuos, terga reliſta ſequi :

Saepius obtentus (fateor; ſed parce) dolosus

Quaeſieram: evaſi vincula ſaepe tua,

Integer utque mihi ſoli, Muſisque vacarem,

Aegri ſcenam aeger mimicus ipſe dedi.

195. Et ſane poterant haec ſuffocare favorem,

Sic te itidem ut gereres, ſubtraheresque
mihi :

Namque tibi ars tandem patuit verſuta fuga-
cis;

Prodidit indiciis ſe dolus ipſe ſuis.

Perſtitit aſt a me tua nil deſlexa voluntas;

200. Largifluus patuit fons, velut ante,
mihi.

Laudaſti ardorem, ſed ne vehementior aequo


Is foret, huic fines ponere mente ſtetit.

Quo magis elabi ex oculis, manibusque para-
bam;

Hoc minus elapſus, te remorante, fui.

205. Si tamen excideram: fraude, effugioque
reperito

Carcere, ſed ſuavi, culpa luenda fuit.



Excusso quoties calamo, librisque remotis
Otia rupisti deliciosa mihi!

Plenis, esto, etiam cyathis Aganippidos undas

240. Potarem, flueret venaque larga mihi:
Tu tamen occurfu subito, sitientis adhucdum
Dextra abstraxisti, nil miserante, labra,
Mox aut alloquio solitus divertere mentem,
Camporum aut mecum ferre in aprica pedes.

215. Scilicet in patula prout exercetur arena,
Ne diu agonalis stando pigrescat equus:
Sic ne Pieridum corrumpant otia corpus,
Jussisti motu membra frequente quati.

Id tu mente quidem recta: nimis attamen ista
haec,

220. A Genio visa est res aliena meo.
Ut, cum deliculus depellitur ubere matris,
Flet puer, haud aliter saepe querebar ego.
Ergo ne querulas mens concita fergat in iras,
Hanc miris placuit conciliare modis.


225. Hoc tibi praestabant medicae praeconia
linguae;

Nectareae hoc phialae, deliciaeque gulae.
Herbipotens mani nectar, post prandia coctas
Detuleratque fabas officiosa manus.

Cum discumbenti tibi lautior offula venit:

230. Pars, velut ex pacto, venit et inde
mihi.

Sic,



Sic, si cum parvis fas est componere magna,

Illiciis cicurem nutrit Alexis avim.

An majora sibi spondere a Castore Pollux

Officia, aut frater fratre ab amante quaeratur?

235. Sed quibus infuevi (nam primum affuescere gratis)

Erepta heu tecum commoda multa quaeratur.

Nemo ita pauperiem Maecenas porro levabit:

Nemo, qui lassum sic recreabit, erit.

Nemo propinabit toties mihi nectare cocuto

240. Pocula plena, orbo deliciasve dabit.

Sunt equidem haec inopis tantum solatia vitae;

Nec tu non magis me, quam tua dona, moves:

Cum tamen abfuerint, quam durum erit hisce carere,


Quae fuerant usu quotidiana mihi!

245. Tunc ego prolixos discam pensare favores:

Te mihi tum primum quid sit abesse, sciam.

Illecebras, quibus est imbuta, reposcet ore xis,

Tam cito nec dantis desinet esse memor.



Nota feret quoties via praeter limina, vi-
vax

250. Se toties oculis reddet imago tui.
Comptures, dicam, hic actae sermonibus ho-
rae :

Hic sua profudit dona Sabaea focus.
Et fors nonnunquam, velut essem ad pocla
vocatus,

Errante ingrediar limina sueta pede.
255. Denique ut altorem quaerensque, ge-
mensque catellus

Exposcit, cum fors extulit aede gradum:
Sic ego te tacito mecum sermone requiram:
Altior ubi, ah, meus est? Ah meus Altior
ubi est?

Sed nil te nunc ista movent: discedere fixum
est.

260. Longius haud lacrymae te retinere
queunt.

Unum ergo liceat votis ardentibus a te
Poscere, germanus quo sine nullus amor:
Scilicet ut, quo te praestabas pectore sem-
per,

Absens et talem tempus in omne geras.
265. Vellem ego me comitem, vellemque
adjungere servum

Me tibi, et extremis confociare plagis.
Sed quando id Superi haud dederunt: haec
pergat imago

Tecum, quae nostra est effigiata manu.

Non

Non haec Parrhasium, fateor, non spirat Apellem:

270. Nec tibi tam hoc artis, quam fit amoris opus.

Ergo pium capito carituri munus amici:

Tecum abeat, nostras sustineatque vices:

Ast ego, qui neque te visu, neque corpore possum

Inde sequi, votis usque, manuque sequar.

275. Cardeline, vale! tua te laus inclyta nobis

Eripit, aucturus te Superumque favor.

Non tamen eripiet cordi: comitabor euntem:

Per juga, per silvas, per loca vasta sequar.

jamque iter ingredior tecum; jam cerno Tirolis

280. Quae tollunt Alpes sidera ad alta caput:

Jam conscendo rates, Adriae jam tergora fulco,

Et jam Laureti culmina cerno procul.

Jam nimis abstractum a patriis Oenotria terris

Me tenet, et civem non negat esse suum.

285. Fas erit hic notas audire, et reddere voces,

Multa loquar praesens hic tibi, tuque mihi.



Hic laetos, semperque alacres agitabimus an-
nos;

Hic mihi facundo fas erit ore frui.

Quos bene junxit amor, non distrahit ultima
Thule,

290. Nec circumfusus, undique Pontus a-
quis.

CAROLI MICHAELER

C A R M I N U M

E L E G I A C O R U M

L I B R I I I I ,

Q U O R U M P R I M U S E S T


E L E G I A R U M ;

A L T E R

E P I S T O L A R U M ;

T E R T I U S


C A R M I N E D I D A C T I C O .





I N P O M P A M
FESTO THEOPHORIAE DOMINICAE
INGOLSTADII 1757.

Cum Elegiarum nomine non querimoniae tantum, sed et varii generis jam apud Veteres argumenta alia sensim inscriberentur: hic quoque ista ab appellatione abesse invidiam, ac severitatem oportebit. Ceterum in sacra maxime quavis materia meminisse Lectorem velim, me tum, quando in his stilum exercebam, nulla etiamnum doctrina imbutum theologica, aut theosophica penitior, non nisi catecheticam spirare traditionem, nec proin nisi vulgi veluti ore loqui potuisse. Post illud demum, quo haec carmina pleraque concepta erant, sexennium jam Theologos non audii modo, sed et ipse evolvi, atque inter se contuli: quo factum, ut multa haud paulo liquidius, quam adhuc antea, ar-



bitrari possem. Neque eo secius tamen, quae olim effuderam, novis interpolare assumentis jam supersedi; tum quia vix vacabat; tum quod manus in alias, atque ita velut in publicum jam quaedam dilapsa erant; tum nequid nativo amorum juvenili color diffideret. Imae tamen postmodum non nullis, atque expolitionis quidpiam; pauculis etiam ad integritatem aliquid accessit.



Impariles Elegi, patri gratissima vestro
Pignora, adhuc infans, et sine dente co-
hors,
Est animus vobis hodiernae gaudia lucis
Pandere, sub tacito nunc quoque quanta
sinu!

5. Fessa tamen multo sunt visu lumina; sen-
sus

Usibus innumeris succubuerē mei,
Namque adeo sacra libuit me pascere pompa,
Dum non suppetērent res mihi, rebus ego.
Vix ubi jam valido dedit aes tria signa canore,
10. Tympanaque, et festae percerepuere tu-
bae;

Quis-

Quisque movent pompae sese undique lege
frequentes,

Ipseque concursu mox coit ordo suo,
Sic celerant, tanquam certi deducere spon-
sum:

Fronte probant studium, laetitiamque Dei.
15. Agmina ducentem teneri comitantur alum-
ni,

Qui Genios simulant, virgineosve choros.
Quam recreant oculos toga candida, lilia,
crines!

Cuncta recens vestis, dignaque veste gena
est.

Artificum excipiunt paribus collegia junctis,
20. Atque etiam aetatum conspicienda gra-
du.


Vexillis, nexisque insignibus edere certant,
Ecqua magis festo sit studiosa tribus.

Omnia quis numerare? Quis indumenta Vi-
rorum

Noscere, quos mittit curia, quosque fo-
rum?

25. Mox etiam docti flos ordinis, atque Ly-
cei

Agmine pullato turba verenda subit.
Parte alia grex virgineus vestigia servans
Spectaculum pompae posterioris adest.



Quam superant hodie mage fuda fronte Lacae-
nas!

30. Quamque puellari membra decore ni-
tent!

Ecce petaurigeri, nexi qui tempora fertis
Frugibus ex hornis spicea dona ferunt!

Ecce faces, albaque nitentes veste ministri!

Ecce senes treviri, praevia turba Dei! (*)

35. Hi crotalum sine fine rotant, quod et
undique duci.

Tinnitu celebri pertica structa finit.

Tum juvenes cantare boni, moderante ma-
gistro.

Tympana qui pulsant, quam puer ille de-
cens!

Jamque coronatos calices grex proximus aris

40. Virginea portant, munia prima, manu.

Mox et sacrificio veniunt in firmate Sacris

Jamjam operata cohors, cum pare quisque
suo.

Ipse venit tandem, lucis quem gaudia spe-
ctant,

Ipse venit parvo magnus in orbe Deus.

45. Ipse Pater rerum (Dignum est in genua
revolvi!)

Tam bene qui nobis vultque, facitque,
venit.

Hunc

(*) Tres enim tantum hoc cultu seniculos videram.

Hunc gerit aurata spectandum in fede Sacer-
dos;

Nec tamen in tanto pondere sentit onus.
O Pater! o generi nimium tractabilis Au-
ctor!

50. Nonne igitur talem talia festa decent?
Hunc super intexto pandunt vela edita lim-
bo;

Sic, ut idem Domino testata sequantur iter,
Qua graditur, rorata vias huic gramina si-
gnant,

Nec magnum est tritis faxa rubere rosis.
55. Addit et his mirum nova betula ruris
odorem;

Nullus ut a puris sensibus absit honos.
Nec defunt, pretiosa solo qui tegmina ster-
nant,

Nec metuant duos veste jacente pedes.
Accinxit lateri sese Mavortia pubes:


60. Non alio vidi rectius arma loco.
Nam placido cum Rege chalybs certabit oli-
vae;

Quando magis tutae pignora pacis habet.
Inde ubi jam gressu processit pompa secun-
do,

Dispositis jacuit civica turma viris.
65. Nam simul ac rerum Domino fuit obvia,
versis

Procubuit telis: signa, ducesque jacent.

Sed



Sed litui, dulcique simul modulamine buxi,
 Quorum acuit tereti rostra canore labrum;
 Cornuaque, et tibiae, et sambucæ multa sonantes,

76. Et subito incessit musica plena choro.
 Dum Christi tantum mecum commentor amorem,

Quem pro tot meritis plebs sua sustulerat:

Jam suaves lacrymae mihi primo in limine stabant,

Nec fuit has facilis continuasse labor.

75. Scilicet huncce meum spectant hi iucis honores!

Sic colit emeritum postera terra Patrem!

Vix bona dicta precis: quatit auras saevus elater;

Omina ceu laeva dextera parte sonent.

Congeminans miles jaculatur in aëra nubem;

80. Dum natat in liquidis altera nulla vis.

Nec satis est plaussisse semel. Bona nuncia Christi

E sacro quoties codice Mystra canet:

Fulmineis grates resonabunt faucibus aera.

Nempe quis armatas has neget esse preces?

85. Quam volupe est hodie tanti partem esse triumph!

Atque utinam ex animo promere cuncta queam!

Sed

Sed quid sollicitae fodicatis pectora curae?

Vos hodie Cretum sub mare ferte pedem.
Seria cras redeant: elegis impune jocari

90. Fas hodie, atque animi simplicitate
frui.

Nil ago: jurgatur nimis ambitiosa Sophia,

Ni vel lineolam vesperis addat opus.


Illa suo tantum cupit usque includere lu-
do,

Nugarumque elegos mandat habere loco.

95. Esto: aliquid facili quando tamen impete
lusi,

Ad Physicae redeo transtra relicta lubens.





QUERIMONIA


AD AMICUM,

CUM IN AMORES DILABERETUR.

Ingolstadii 1758.

Facta erat haec elegia a me arrepta magis, quam vera quadam in causa, exercitationis potissimum opere; et hinc Amico, cui inscribebatur, perquam jucunda est visa; placuit enim tum ex contrario captata laudis opportunitas, tum et allusio varia, dum veris ficta, et mulcentia pungentibus commode intexebantur, illi tantum plenius nota, cui haec scribebantur; interim nec aliis Lectoribus admodum peregrina.

Pauca



Pauca tibi, fueto cum vix sermone, quod
opto,

Assequar, in versus ipse locutor agam.

Dic mihi, quid censes? Tamne est resolutibile
parvo

Fedus amicitiae, si bene juncta fuit?

5. Cornicumne oculos configere posse putasti,
Et fieri ludos me magis usque pati?

O satis est dudum, subeant ut taedia; quan-
do

Pertaesum est itidem, poenituitque mei.

Jamque nec ulla subest deceptio. Tota refri-
xit,

10. Quae fuit ante, fides: nec simulare
vales;

Nec simulas. Ipsa arescant tibi verba loquen-
ti:

Quamlibet haec aliis gratis ab ore fluant.

Quid tua tunc plenis diducit labra cachinnis?

Lumina quid flectit? Quid jubet ire manus?

15. Dulcia mellito quid verba papavere con-
dit?

Quid facere officium, praeque venire do-
cet?


Cur ibi cuncta decet perferre, ignoscere cun-
cta?

Cur finis hosce tuos usque tenere forem?

Pars II.

D

Cur



Cur placet ingenium temere nugantis alumni?

20. Nil etenim tuimet conscius ille timet.

Aufit idem, caveatve; tuus peccabit amicus:

Ni faciat, piger est; si faciatque, procax.
Quidquid agunt illi, loqueris, sentisque modeste.

Luscus ero, si non hoc movet acer amor!
25. Haud procul a fumo distant incendia nempe;

Saepeque quod cinerem diximus, ignis erat.

Non erit ergo cinis saltem, quod flamma videtur,

Quodque ciet radios, id neque fumus erit?
Fumus is est, fateor, qui nos ut fascinet, optas.

30. Flamma sed indicio foetet operta suo.
Debilius Canace licet, atque modestius arsit;

Dum vidit nutrix, Aeoli, dixit, amas.

Nec tamen ipse negas, si sic convinceris; etsi,
Dum te stringo minus, tu fateare minus.

35. Si scio, non celas: notos mihi pandis amores.

Sed neque me cordis parte carere, refers.
Nam geminos uno sub pectore fingis amores:

Alter at est petulans; alter honorus amor.

Ac ut es exemplis res illustrare peritus,

40. Ingenio veniunt hic quoque multa tuo.

Ecce

Ecce parens binos magno discrimine natos,

Hunc tenere, ast illum ceu sapienter amat.

Aestimât hunc; favet alterius prolixior annis.

Si quaeras: puerum pluris habere neget.

45. Tota domus grata est domino, cui tota tenetur.

Sed tamen hanc omnem non colit ille domum.

Cella placet certe; placet, etsi nigra, culina:

Et simul in cella est rarior, adque focum.

Nec tamen haec (urges, o praedite nare sagaci!)

50. Esse petunt illo, quo penetrâle loco.

Tu quoque pascis adhuc, queis et te pascis, alumnos.

Quid vetat hos praeter me quoque posse dari?

Hi venient, quando Genium curare lubebit.

Me repetes, quoties porro severa placent.

55. Utilitas ego sum: sunt illi blanda voluptas.

Haec tu cum risu munia nempe dabas.

Munia quanta! fero Pylades sim mitis Orestis;


Telemacho Mentor, Gallicus ille quidem.

Irato Senecam vis, et finis esse Neroni.

60. Tune igitur statuis protinus esse Nero?

Unde tibi frontem, si me finis ista rogare,

Nec tibi fors noster cornua fecit amor?



Altera nota tibi sunt munia , praeter amici ?

Queis , rogo , me teneas ipse tenendus
item.

65. Quid fedus mutas ; quod nos ubi junxi-
mus ambo ,

Totus amicus eras ; totus amicus eram ?
Si grave non fuerit ; tibi nam gravis esse ve-
rebor ,

Quod nosti , dicam ; quod neque nosse ne-
gas.

Tu me , tu quondam duxisti in federa pri-
mus ,

70. Atque alii laudes increpuere meas :
Non ego quod praestans ; tu nil praestantior
esses ;

(Nam cur me peteres , nunc quoque causa
fugit)

Sed dotes quod nemo tuas tam saepe videret ,
Nec , mihi quantus eras , conspicerere meis.

75. Nunc dum vota tenes ; dum toto es cor-
de potitus ;

Tu quod eras , ego sum ; dum tua vota
tenes.

Nunc agis , ut de te nobis amor advena cer-
tet ,

Meque , ut ne vincar , nempe timere cupis.
Nunc petis ipse coli , qui sic vix ante colebas.

80. Nonne ad prima queror summa quadra-
re parum ?

Dum

Dum puppo intentus me spectes, limina fer-
vem ?

Plumbeus an non sit, qui probra tanta fe-
rat ?

Hos inter pullos partes discamus amici ?

Nunc tibi sint illi, nunc tibi major ego ?

85. Quis neget hoc nimium cordatis posse vi-
deri ?

Qui nimis at carum se putat, ille negat.

Herculis Omphalee capti dum sensit amorem,
Ancillas inter ducere fila jubet.

Illa tamen nimium negat hoc sibi posse videri:

90. Insuper ad scuticas, ni velit, ille tre-
met.

Tu servum; servam sed plus ego carpo juben-
tem ;

Quod fuerit tanto turpiter usa Deo,

Ausa gynaeceo (cave, ne sub imagine nar-
rem)

Multiplicem meritis aequiparare vtrum.

95. Tu quoque jam nostri certus dominaris
amoris :


Et placet iste jocus, dum jocus esse potest.

Nam (quid dissimulem ?) placidi, infontesque
lepores

Officiis ipsis praeplacuisse solent.

Nec tua libertas, neque me fiducia laesit :

100. Quin precor, ut tali jure fruiare diu.



Sed tu, quam liceat, pergis, dum munia confers.

Atria sint alii pulchra, caminus ego?
Deprecor hoc unum; tibi dum subjungor amico,

Ne tuus hinc ultra mergere certet amor.
105. Quid nisi te satias cepit bonitatis amicæ?

Si te laevissem, mitior inde fores.
Cessantem sequeris, cessasque favere sequenti.
Hei mihi, si tali lege tenendus amor!
Nonne vel ipse dolor placet; an plus incitat iras?

110. Qui sic offendit, laedere tene potest?
Te totum posco: nunc indignare fatenti.
Pars aliis petitur. Quæ tibi causa placet?
Judice vix opus est, Salomon, i, divide, dixit.

Quæ totum voluit, vincere digna fuit.
115. Atque ita si scindas partes, lacereris in illas,

Obtineat pretium quo sibi quisque suum.
Dispesci non vis: ne divide munia, nec tu
Delicias aliis defer, honesta mihi.

Triste nimis munus tibi dicere seria solum:

120. Nec mihi sunt semper grata, nec illa tibi.

Namque tu Epictetum te sat trivisse reponis,
Nec Senecam citra ferre cavilla soles.

Quin

Quin si me Senecam mentiri, improvide, cogis:

Delicias illum carpere nempe mones.

125. Et male conveniunt diviso pectora regno;

Et male conveniunt alter, et alter amor.
Sensimus o nimium, dum vix est tacta cicatrix,

Quantum sub tacito pectore vulnus hiet.

Jam patet, et frustra res dissimulata tenetur.

130. O mihi quam bello fraus patefacta modo est!

Dudum equidem sensi, sed tu mihi verba dedisti:

Alter erat petulans; alter honorus amor.

Nunc, age, fac, repetas. Petulans superavit honestum;

Et patrem puero plus tribuisse patet.

135. Nec queror ista: modo cessisses lentius irae!

Tunc poteram noxas extenuare tuas.

Debueras niti; non rumpere lora repente.

Qui cito deseritur, vix amor ille fuit.


Mox ubi rem totam constantior ipse refeci,

140. Tu tibi ringendi nactus es inde locum;
Damnanti similis visus, similisque tenenti.

Scilicet est aliquid, si licet esse trucem.

Tum quoque me toto statuisti corde movendum;

Et vox debuerat ponderis esse loco.



145. Néque minus fureres, mox plura prioribus addis:

Quos risi puppos, arctius inde tenes.

Quis furor, invita mentiri mente protervum?

Ad nuptum furias quis stimulare furor?

Nunc reputa, si tunc satis haec ego singula norim,

150. Arbitrium mentis quale fuisse putes.

Conticui sane, stupefactus imagine rerum.

At scis: non semper, qui tacet: ille tacet.

Execror ex illo Puerum, qui concitat ignes

Immodicos; te dum sustulit ille tibi.

155. Quod lubet, audebit; quisquis se novit amari.

Si lubet irasci, quaelibet ansa finit.

Non equidem Patroclo sic est trux usus Achilles;

Hos at nempe pares fecerat alter amor.

Nunc aliquis curat, toto ut sit vertice supra;

160. Nunc surgit, qui tunc ima legebat amor.

Ille quidem gaudet, quando sua fulmina mittit,

Atque suis rixis pondus inesse putat.

Gaudet, si fugiunt; si dicant mollia, gaudet.

Non est indicium nominis hocce boni.

165. Vidi ego grassantem per compita quassa juvencum.

Quid fuit? hunc nemo qui prope staret, erat.

Multa

Multa ferunt homines : demum patientia cessat :

Et qui non repetit, nec repetendus erit.
Tunc mihi tu vultusque truces, cursusque
feroces,

170. Utque voles, totam Gorgona fronte
refer.

Hic licet, ut taceas: hic dissimulato, quid
optes :

Blandius hic alios (quando videre) voca.
Hic tibi mille nigros animo depinge colores.
Ira erit in toto haec fabula multa foro.

175. Non foedus rancor, non me civilis
Erynnis

Hic agit. Eumenidum vos procul este faces!
Toxica quid nobis, quid fellea balnea profunt?
Quid Genium Furiis propitiare lubet?
Vindictam spiro: mihimet plus nempe dolendum est.


180. Tunc ego sum mitis, dum tibi faeva
placent.

Forfitan et lepidis instauro federa dictis.

O qui laesus adest, verus amicus erat.
Quid juvat at risus intervallare dolendo?
Quid simul hinc gravis es? quid simul inde
bonus?

185. Quid demoliris, quem vix exorsus amorem es?

Est malus? Unde, doce: sin bonus: ergo
tene.



Quid vertis tua vela retro, dum fistere portu
Jam licuit? Quid mox poenitet esse pro-
bum?

O mihi si quanti est tua gratia, tanta pate-
bit:

190. Prorsus in immensum tunc meus ibit
amor.

Indole tam praestans, et honoris mente ca-
paci

Fac sine felle merus jam videaris amor.

In te, quod vires, amor, ingeniumque va-
lebant,

Congessi quondam; congero laetus adhuc.

195. Experiar, quaedamne fides consistere
possit.

Et puto, ficubi quis, tu mihi stator eris.






I N F E S T U M
SS. ANGELORUM CUSTODUM.
IN RUSTICATIONE HELMONTIANA
PROPE INGOLSTADIUM.

anno 1758.

Nemo sibi inusitata quaedam hic dona affectari, aut eis fidem aliquam ascisci opinetur: nam exansa duntaxat tenerioris cujusdam affectionis cetera poëtice contexuntur; uti res tum quidem et loco, et tempori, et opinionibus congruebant. Ornamenta haec sunt, sine quibus squalere, et languescere nostra carmina necessum foret, aliquando ex re nata conjecturam, aliquando interpretationem arbitrariam admittentia; sed neutiquam ad veri fidem serio exigenda. Ubi cum Jano, Marte, ac Venere amicissime in Fastis suis collo-



*colloquitur Naso, nemo utique veram suo animo
sermocinationem subjiciet. Quando porro Chri-
stiano Poetae Mythologiam Graecam in materia
sacra paene omnem cum Rolliano non pauci sub-
latam volunt: non ita constringenda erunt in-
genia, ut non eis fas sit, alia sibi apte informare
commenta.*



Angele mi frater, quam possum fingere,
pulcher!

Esie tamen juvenem, si finis ipse: rear.
Gratior in pulchro veniet nam corpore virtus:
Rursus et haec pulchrum reddere corpus a-
mat.

5. Ast alas non jungo tibi; ceu flectere sues-
ses

Retro; pharetratus ne videaris Amor.
Sed neque parvus eris: paribus namque utor
amicis.

Nec te stringam ullo corpore. Mens mera
fis.

Angele mi juvenis, comes Angele, et Angele
frater!

10. Seu cum carne velis, seu sine carne
placet:

Huc

Huc ades, ac tibimet fociae suspiria mentis
Excipe, sintque aliquo quantulacunque loco.

Res certa est, me multa tibi debere ministro:
Quidquid es, et quidquid fortis, opisve
tibi est.

15. Hoc nequedum Sophiae potuit mihi prodere lampas.

Haec etiam in nostra mente pependit inops.
Quod subtile magis est, quam vis electrica, nescit:

Fallit eam cerebri nerveus ipse fluor.

Sed tamen o major virtus! o civis Olympi!

20. O Princeps multi numinis instar habens!

Et simul Arge vigil, cui sunt mea tenuia curae;

O semper vitae Praestes amice meae!

Ah sine, pauca querar de me tibi: namque
pudendum est

Certe, tot meritis non retulisse vicem.

25. Tu pueri sine noxa inopes moderatus es annos,

Cum mea nec ratio, nec comes ullus erat.

Te duce sana, veges, satis inculcata juven-
tus,

Lubricitasque omnis casta cavente fuit.

Haec possim meminisse licet: tamen oscula
contra

30. De grato veniunt pectore rara nimis.

Ah



Ah pudet: et fateor! Sed si caufarier ultro
 Hic, citroque aliquid me finis: istud habe.
 Nempe homines visu dum dūcimur, huncce
 quod altum

Effugit, haud tanti pendere posse datum
 est.

35. Dic mihi, quemnam opis occultae bene-
 facta movebunt,

Si tamen obsequiis mutuus usus abest?

Si, clam qui interfit, non observabilis ulli
 est,

Credibilisne oculo muta patrantis amor?

Hei mihi! me contra causas commentor ina-
 nes:

40. Culpa patrocínio concidit iēta suo.

Nonne vel immemores constantia sponte juvan-
 di,

Et se dissimulans gratia major erit?

Consequitur duplici deberi nomine grates;

Majorisque subit cognitionis amor.

45. Nam desiderium cujū est magis; illius
 ecquid,

Qui placide succo victitat ipse suo;

An magis illius, qui pendet ab auspice for-
 tis?

Hic, puto, quaerat opem, se faciatque pa-
 rem.

Quae

Quae nimium distant, nunquam coalescere possint.

50. Hinc etiam est, quod nos altior ordo fugit.

Non penes est Superos divortii culpa, sed ipsos
Nos penes: a medio labimur usque statu.

Hinc gradus esse nequit scansuris altius: at
nec

Faex descensuris congrua nostra foret.

55. Non caruit, candore bono dum quaerit
honestum,

Affiduo Socrates ad latus usque deo.

Ah sibi quis tantum nimis audax postulet?
Aequa

Praestat cum reliquis conditione frui.

Si bene naturam sequimur, fatis esse propin-
qui

60. Possumus officiis pro vice quisque suis.

Sic mihi tu frater fueris; sic ipse vicissim:

Involvet sese mens mea mente tua.

Oscula libabo non pervenientia contra:


Quae licet haud redeant: par erit inde sa-
por.

65. Vel sine voce potest se mutua jungere
furtim

gratia. Nec dubium: sensimus istud heri.

De dape caelesti, quam lux mihi postera fer-
ret,

Premeditantis ubi lumina somnus habet:



O quasnam species mihi tum sopor obtulit ille,
80. Ceu thalamo peterer, ceu thalamusque
forem!

Ut capreas saltu vici, cursuque gigantem!

Caesaries guttis humida noctis erat.

Nam mihi tam leni quassata est flamine nubes;

Quam Zephyri corylos exagitare solent.

85. Sic mihi sunt tota Salomonis carmina no-
cte

Lusa; uti si scenam trudere scena paret.

Strata relinquenti bona mens sese injicit ultro.

Tam mihi lux laeta est, quam fuit ante
quies.

Exporrecta acies, mentisque innube serenum,

90. Temperiesque omni limpida visa sinu.

Mirabar, tam plena boni cur vena mearet;

Quid vellet linguae reddita lingua meae.

Et poteram, censor modo tum mihi scitus a-
desset,

Quis fuerim, nosci: frons redamantis erat.

95. Dum mihi Myrta legit: Pueri ne spreveris
annos:


Tutor adest illi, qui videt ora Patris:

Hei mihi, clamabam! Geniorum festa colun-
tur.

Quinam me latuit tam mihi sacra dies?

Non latuit: non ille finit, cui tradita nostri
est

100. Cura, parentali sanctior illa fide.



Me fatis admonuit, ceu qui bene prodat amo-
rem:

Riteque concepi nescius ipse faces.

Sympathos, ac id, quod vis est magnetica:
durum

Quod proli ignotae non finit esse patrem:

105. Gratia quod praestat naturae mystica;
quodque

Ordine quo corpus congruit, ordo facit:

Scilicet hoc etiam nobis admoverat ignes.

Cor caluit, dum nec, sic quod amaret,
erat.

Nam neque corpus erat; neque corporis um-
bra; sed ordo

110. Nescio quis dulcis: cetera nosse ne-
fas.

Causa simul fugit: veluti fugis ipse videri.

O tamen haud totum dissimulare velis!


Cum didici primum; cum coepi scire, quod
esses;

Emicuit caeco carcere clausus amor.

115. A puero teneros alui de te, Angele, sen-
sus.

Saltem erit haec festis annua cura tuis.





G E M I T U S


AUGUSTINI, ETIAMDUM MANICHAEI,
IN OBITU AMICI INOPINATO.

Ingolstadii 1758.

Argumentum
ex lib. IV Confessionum, cap. IV. seqq.

*In illis annis quo primo tempore in municipio,
quo natus sum, docere coeperam, comparaveram
amicum societate studiorum nimis carum, coae-
vum mihi, et conflorentem flore adolescentiae.
Mecum puer creverat, et pariter in scholam
ieramus, pariterque luseramus. Sed nondum sic
erat amicus, quanquam ne tunc quidem sicuti
est vera amicitia, quia non est vera, nisi cum
eam tu adglutinas inter inhaerentes tibi cari-
tate diffusa in cordibus nostris per Spiritum
Sanctum, qui datus est nobis. Sed tamen
dul-*


*dulcis erat nimis, cocta fervore parilium studio-
rum. Nam et a fide vera, quam non germa-
nitus, et penitus adolescens tenebat, deflexeram
eum in superstitiosas fabellas, et perniciosas,
propter quas me plangebatur Mater. Mecum jam
errabat in animo homo ille, et non poterat a-
nima mea sine illo. Et ecce tu imminens dor-
so fugitivorum tuorum, Deus ultionum, et
fons misericordiarum, simulque convertens nos
ad te miris modis: ecce abstulisti hominem de
hac vita; cum vix dunum explevisset in amicitia
mea, suavis mihi super omnes suavitates il-
lius vitae meae. Cum laboraret ille febribus,
jacuit diu sine sensu in sudore letali: et cum
desperaretur, baptizatus est nesciens, me non
curante, et praesumente, id retinere potius ani-
mam ejus, quod a me acceperat, non quod in
nescientis corpore fiebat. Longe autem aliter
erat; nam recreatus est, et sanus factus. Sta-
timque ut primum cum eo loqui potui; potui
autem, mox ut ille potuit, quoniam non disce-
debam, et nimis pendebaris ex invicem, ten-
tavi apud illum irridere, tanquam et illo irri-
juro mecum Baptismum, quem acceperat mente,
atque sensu absentissimus; sed tamen se jam ac-*



cepisse didicerat. At ille ita me exhorruit, ut inimicum, admonuitque mirabili, et repentina libertate, ut, si amicus esse vellem, talia sibi dicere definerem. Ego autem stupefactus, atque turbatus distuli omnes motus meos, ut convalesceret prius, essetque idoneus viribus valetudinis, cum quo agere possem, quod vellem. Sed ille abreptus dementiae meae, ut apud te servaretur consolationi meae, post paucos dies me absente repetitur febribus, et defurgitur. Quo dolore contenebratum est cor meum, et quidquid aspiciebam, mors erat. Et erat mihi patria supplicium, et paterna domus infelicitas, et quidquid cum illo communicaveram, sine illo in cruciatum immanem vertebatur. Expetebant eum undique oculi mei, et non dabatur mihi, et oderam omnia, quia non haberent eum. Nec mihi jam dicere poterant, ecce veniet, sicut cum viveret, quoniam absens erat. Et factus eram ipse mihi magna quaestio, et interrogabam animam meam, quare tristis esset, et quare conturbaret me valde, et nihil noverat respondere mihi. --- Solus fletus erat dulcis mihi, et successerat amico in deliciis animi mei.

Cap. V. Et nunc, Domine, jam illa transierunt, et tempore lenitum est vulnus meum. --- Dicas mihi, cur fletus dulcis sit miseris. --- Unde igitur suavis fructus de amaritudine vitae carpitur, gemere, et flere, et suspirare, et conqueri? --- Recte illud in precibus, quae desiderium perveniendi habent. Nunquid in illo dolore amissae rei, et luctu, quo tunc operiebar: neque enim sperabam reviviscere illum, aut hoc petebam lacrymis, sed tantum dolebam, et flebam: miser eram enim, et amiseram gaudium meum. An et fletus res amara est, et prae fastidio rerum, quibus prius fruebamur, et tunc, dum ab eis abhorremus, delectat?

Cap. VI. --- Sic -- ego eram illo tempore: et flebam amarissime, et quiescebam in amaritudine, ita miser eram, et habebam cariorum in illo amico meo vitam ipsam miseram: nam quamvis eam mutare vellem, nollem tamen amittere magis, quam illum, et nescio an vellem vel pro illo: sicut de Oreste, et Pylade traditur, si non fingitur, qui vellent pro invicem, vel simul mori; quia morte pejus eis erat non simul vivere. Sed in me nescio quis affectus nimis huic contrarius artus erat, et taedium vivendi erat




in me gravissimum, et moriendi metus. Credo, quo magis illum amabam, eo magis mortem, quae mihi eum abstulerat, tanquam atrocissimam inimicam oderam, et timebam, et eam repente consumenturam omnes homines putabam, quia illum potuit. Sic eram omnino, memini. --- Mirabar enim ceteros mortales vivere, quia ille, quem quasi non moriturum dilexeram, mortuus erat, et me magis, quia ille alter eram, vivere illo mortuo mirabar. Bene quidam dixit de amico sua dimidium animae meae; nam ego sensi animam meam, et animam illius unam fuisse animam in duobus corporibus; et ideo mihi horrore erat vita, quia nolebam dimidius vivere: et ideo forte mori metuebam, ne totus ille moreretur.

Cap. VII. O dementiam nescientem diligere homines humaniter! O stultum hominem immoderate humana patientem, quod ego tunc eram. Itaque aestuabam, suspirabam, flebam, turbabar; nec requies erat, nec consilium: portabam enim conscissam, et cruentam animam meam, impatientem a me portari, et ubi eam ponerem, non inveniebam: non in amoenis nemoribus, non in ludis, atque cantibus, nec in suaveo-

veolentibus locis, nec in conviviis apparatis, neque in voluptate cubiculi, et lecti, non denique in libris, atque carminibus acquiescebat. Horrebant omnia, et ipsa lux, et quidquid non erat, quod ille erat, improbum, et odiosum erat, praeter gemitum, et lacrymas: nam in eis solis aliquantula requies. Ubi autem inde auferebatur anima mea, onerabat me grandis sarcina miseriae meae. --- Quo enim cor meum fugeret a corde meo? Quo a me ipso fugerem? Quo me non sequeretur? Et tamen fugi de patria. Minus enim eum quaerebant oculi mei, ubi videre non solebant, atque a Tagastensi oppido veni Carthaginem.

Ex Retractionum lib. II, cap. VI.

In quarto libro, cum de amici morte animi mei miseriam confiterer, dicens, quod anima nostra una quodammodo facta fuerat ex duabus, et ideo, inquam, forte mori metuebam, ne totus ille moreretur, quem multum amaveram: quae mihi quasi declamatio levis magis, quam gravis confessio videtur, quamvis



utcunque temperata sit haec ineptia, quod additum est forte.

Supplementa poëtica.

Cum me exercitationibus poëticis darem, visum est alieno in argumento experiri artis facultatem; ubi nulla rerum praesentia fulciret ingenium, copiamve sufficeret; sed imaginatio magnam materiae partem utcunque suppeditaret, cum historia conciliandam. Atque in hac quidem commentarii fide stare pronunciatorem sincerum oportere scimus. At in poematio nemo sane requiret, ut sint omnia jam in autographo expressa, nec Poëtae fas sit de suo affingere, quae desiderantur, siqua modo similitudo veri adjungi ea patietur: cujus rei in Graecis, Latinisque passim constant exempla id sibi sumentium. Neque nimium hocce in genere contendisse arcum facile videamur, quando Augustinus ipse sua tum alacerrimi juvenis pathemata describit, quae postmodum in Retractionibus paulum perstrinxit. At quanquam hic quondam solutior: inspicienda tamen et S. Ambrosii oratio in fratris Satyri funere, et ipsa commo-
tio-

tionum luminibus perlita : quanquam hic non modo gravius est philosophatus, sed etiam christianis institutionibus, atque perceptis ad dolorem obfirmatior fuit. Illud permirum, Amici nomen ab Augustino expressum non fuisse. Nobis commodum placuit Charidemum appellare. Ac materiam quidem partim versu, partim prosa jam tum mihi totam descripseram. Sed expletis integratam lacunis alio postea in otio reconcinnavi.

* * *

Nonne ego frustratus sum, si quis, funditus? Ille,

Ille meus non est! Esse nec ipse velim!

Ille meus penito tuleram quem pectore : qui me


In gemino penitum rursus et ipse tulit.

5. Quid sine me tibi, te sine, quid mihi dulce videri,

Aut ullum poterat nomen habere boni?

Lux mea; nunc mea nox! Tecum juvet ire sub umbras,

In tenebris saltem si simul esse queam.



Quis non communis fuerat limesve, gradus-
ve?

10. Nec tuus unus eras; nec meus ipse
fui.

Sederat in socio nostri pars altera major

Semper: et absque isto quis sibi totus erat?
Quod fuit arbitrium dispar, nec mente sub
una;

Relligio nisi quid surripuisse queat?

15. Nunc mihi qualis ades! Vix frigida mem-
bra tueri

Paulum etiam fas est. Sed meus ille fuit!
Eja age, dic aliquid: nostris et age utere pa-
ctis;

Utere jure tuo: des mihi iussa, rogo.
Manda, quidquid aves: nil me dictanda gra-
vabunt.

20. Cuncta solens faciam: tu modo iussa
dato.

Me miserum! Ille tacet! Sapidi plena ora le-
poris

Mutescunt: glacies lumina tristis habet.
Nunc quid agam, mea vita, tibi, qua vivo,
superstes;

Ast et vitae expers, funeris atque tui?

25. Hic ego, quas risi, fidei constare vetu-
stae

Fabellas optem, plusque valere Mane.
Carmine si, aut quavis flectilex Ditis avari,
Portaque recludi ferrea posset ope:

Non

Non Erebi dominum dubitem pervincere suada :

30. Certe aliquas vires suppeditaret amor ;
Orphea queis aequum voti sine corde potitum.

O ! videor minimo cautior esse metu.

Ah ibi tam quondam praestans nunc spiritus
haeret

In nudis pavidus , pallidulisque locis.

35. Corpus adhuc praesto est, vestigia moesta
reservans,

Quid nuper fuerit, dum Charidemus erat.
Hoc ego dum stringo ; dum suavior : ah dolet
altum,

Quod nil quidquam illi jam mea flamma te-
pet,

Non est, quod quondam sic ad praecordia pres-
si,

40. Ut nollem costas pectus habere meum.
Attrahit heu miserum me funus, idemque re-
pellit :

Cernere quando brevi est fas modo ; moxque
piget.

Jam me, quem teneo, tuor amisisse : prioris

Dat mihi privignum mors inopina loco.


45. Vah inopina nimis, dum spe male freta
salutis

Cura revivendi non satis acris erat !

Ah quod perdideram tempus, quando ultima
junctim

Spiritu adhuc poterant verba morante feri ?

Non



Non mihi fas oculos fuerat clausisse notantis,
 50. Nec fugientem animam colligere ore
 meo.

Gratia, supremos possem si fugere saltem
 His labiis ductus, quanta futura fuit!
 Quid miser hoc opto? tanto magis inde dole-
 rem.

Sed tamen et dolor hic quam relevare que-
 at!

55. Mitia nil profunt miserabile vulnus habent-
 ti:

Est fatius nullum fletibus esse modum.
 Indulgere juvat; quin et refricare dolorem.
 Ulcus hiat manans; fonsque perennis ad-
 est.

Non equidem luctu porro revocabilis ille est,
 60. Quem fleo, nec lacrymis hunc revo- /
 care paro;

Sed volupe est me flere; juvat quia, quidquid
 amarum est;

Quando boni aequiparant taedia moesta fu-
 gam.

Vincet amarities, major tamen usque mino-
 rem:

Dum nequeo damni non meminisse mei,
 65. Quid juvat gelidum paulum vitasse cada-
 ver?

Solvitur hic etiam, ceu cataracta, dolor.
 Cur nequeo me ferre, simul nequeoque levare
 Ipse nimis factus quaestio magna mihi?

Qua-

Qualibet insequitur, velut umbra, loquentis
imago:

70. Undique, restet ubi, lumina nostra ro-
gant.

Ad positum rursus pes ipse revertitur. At
nec,

Quod quondam imbuerat lumina nostra, vi-
dent.

Non est ille prior, tenebris quem certus in
ipsis.

Distinxi. Quam nunc fallor ab ipse die!

75. Ah nimium vultus, vox, atque incessus
inhaerent:

Vellicor admonitu temporis, atque loci.

Quis sibi mente queat tantum exturbare ni-
torem

Corporis, atque animi tam mihi molle la-
tus?

Omnes nunc nostris fixi sunt artubus artus.


80. Tu quod eras, ego sum. Me fugere
ipse queam?

Et quo me fugiam? Nonne huc tamen afferro
memet,

Et sequor? Ah quî cor cedere corde po-
test?

Cur facies tibi tam splendens, tam lubrica
cerni,

Mellea vox paribus ludere sueta genis?



85. Cur tua caefaries etiam non comta decebat?

Cur tibi pellaci lumina fronte duo?

Cur humeri tam tornati poft lactea colla?

Cur domus ingenii daedala forma meri?

Ut ftupui! Ut melius caneres tute ipfe lepores

90. Hosce tuos; alium fi quererere parem?

Quis mihi nunc hominum toto fit in orbe fuperftes

Tam deamandus amans, tam redamandus item?

Cetera fors reddat: mecum fed quis tamen iffet

In ludum inde puer, conciliante fchola?

95. Quis mihi municipem, paribusque inveniit annis?

Quis ftudiis ifdem, thematibusque parem?

Ut multum in variis partem comprehendere fas eft.

Pèrdidi in hoc plures, eximiosque viros.

Hei mihi! poft demum fubit actos pendere foles;

100. Quando carenda hora eft, qua caruiſſe nequis.

Nempe ego, quod fugerem prius, exoptare miſello

Nunc mihi cogor, ut hoc liber amore forem.

Ah utinam (quamquam durum est infanda
precari)

Non junctus tanta sis, Charideme, fide!

105. Atque utinam alterius deprensus amore
levasses

Non satis obnixum suspicione caput!

Atque utinam possem tibi, perfide! dicere!
Diras

Exsecror ah rursus par male ferre meas!

Ast utinam vel forma minor, vel rustica lin-
gua,

110. Temporis aut grati crebra fuisset hi-
ems!

Incauti aut vitiis scatuisses plenus amici,

Ut rimas ageret, quem taciturna decent;

Aut me delicias faceret, ludosve frequenter,
Mendacive semel garrula lingua sono!

115. At nihil istorum passus superesse dolori
Frangendo, exacuis plus bonitate malum.

Offibus inde meis magis insanabilis haeret,
Et raptum frustra quaerere cogit amor.

Quin etiam, dum tento tuum irridere lava-
crum,


120. Quod mihi tam subita fronte severus
ades:

Nil haec libertas, nil me constantia laesit:

Ex illo potius tempore pejus amo.

Nicetam mihi fingo velut. Reverentia juncta
est,

Et pretium adverso traxit ab inde metu.



125. Hoc querar; hoc tantum grave: quod
tam ferus amavi.

Et tamen a pueris gratia semper erat.
Nunc in amore novo spatium vix labitur anni.
Quantus hic a crebro vere futurus erat!
Quid prohibebat enim? Non dissensere paren-
tes,

130. Sive tui ut, Thisbe; Pyrame, sive
tui.

Non epulis illi lucem sumfere coruscant,
Quin festi in partem nempe vocarer ego.
Quae de me laudes sonuerunt aure paterna!
Nec poterat matri dissimulare faces.

135. Dein age, natalem quo pompae exege-
rat auctu

Ille meum, dubias me referente vices.
Ah in me certe ingenium studiosus amator
Contendit, coleret qua ratione magis.
Dilexit certe. Quoties, ubi fabula de me,

140. Sublegi tacitus verba loquentis a-
mans;

Atque superveniens tento pede laneus illi
Auribus his hausi quam mihi dulce melos!
Quid fuit istud, ubi suavem illum Morphea
vidi,

Cum mecum e thalamo luderet ille loquax?
145. Cesserunt tandem vibrata per oscula som-
ni,

Victaque mox veris schemata rebus erant.

Ast

Ast ubi rescivit, quid nescia labra subisset:

Quam gratus captae mentis hic error erat!
Nunc mihi vah mendax tantum mea gaudia
somnia

150. Reddet abortiva quam breviora fide!
Reddet complexus; dabit oscula, et oscula
frustra:

Nam simul evigilans omnia cassa gemam.
Et tamen hic, quondam nostri interruptor a-
moris,

Nunc pretium reliqua majus habebit ope.
155. Certe erit hic praesto, qui semper ima-
gine versa

Affolitis eadem ter, quater ora refert.
Saepe et de dudum tricanti funere rapti
Verba dabit, veris falsa priora ferens.
Namque ubi convincet, manibus praesentia
tangi,

160. Usurpari oculis, diluet ille necem:
Quin et splendidius mihi forte impertiet illum,
Ac veluti telo pectora fossus ero.

Ast heu quam gravius dolet irritata voluptas;
Mox ubi suspirat luce nitente magis:

165. Dum desiderio nil jam responsat amantis;
Sic ut, quae tenui, non reditura sciam.
Ergone spes omnis summo mihi fine peremta
est?

Nec lux me dulcis porro, nec hora manet?



Vivam ergo effetus, nervisque jacebo reci-
fis,

170. Et nihil ingenio porro micante loquar.
Jam mihi dic aliquis gravium de gente Sopho-
rum,

Mensuris, numero, pondere cuncta geri:
Usque vel invitam reparari in fenora rerum
Naturam, ac fetu vincere damna novo.

175. Ah isthaec jactura bono reparabilis haud
est

Aut aequo, immodicum vel minuente ma-
lum

Momentis caret illa suis, caret ordine justo:
Perpetua haec nullo vere fenescet hiems.
Omnia dispereunt uno pereunte vicissim:

180. Nec numeros aetas hujus, et hujus
habet.

Concidit ipsa fides, quam pangere fuetus u-
terque

Perque sui focii est oscula, perque manum.
Non jus juratum sibi constitit arctius unquam,
Vel Zeus per stygias cum rata firmat aquas.

185. Gratia tam vivax memori fuit oris a-
moeni;

Dextera Thesea tam pretiosa fide.

Jamque equidem puero nonne arrisere magi-
stri?

Quidnam huic invidiae, quando praeibat,
erat?

Quis

Quis non indulſit? Quis ſuccenſere ſiniſter

190. Poſſe? Nec in vultus haecerit ante
mora?

Dum mihi praecipue fert blandimenta, queis-
nam

Pupilla eſt gyris, malaque flexa plicis!

Cernere non iſthaec Mors lumine caſſa va-
lebas;

(Arbiter inſcitus vel nimis inde fores)

195. Namque pepercifſet capiti tua falcula
bello,

Ac certe hoc volucer tranſiluifſet equus.

Sed metere haud viſos rerum diſcrimine nul-
lo

Barbarus heu nimium eſt hic tamen ipſe
furor!

Hinc ego te nequeo non atrox ducere mon-
ſtrum,

200. Quod vel ut expeterem: rurfus at
horror obeſt.

Eſſe quidem nolim, caſu tam ſtratus acerbo,


Qui citat auctorem te mihi nempe fuum.

Te tamen in nihilum nolim exſtinguente re-
verti,

Aut ſtygios lenta puppe ſubire lacus.

205. Nam quid amanti amens faceres, ſi talis
amato,

Et nimium digno, qui redametur, eras?



Hunc, quem jure pati nil hic mortale decebat,

Si poteras subita contenebrare manu :
Non te ego, dic, hominum totum genus ire
peremtum,

210. Atque ictu celeri tollere velle putem?
Quinam igitur poteram superesse e strage relictus,

Communi obtrivit quem pede turbo tuus?
Nam mens nostra, diu dum jam mage vixit in illo,

Quicum concreta est, non sine morte fuit:
215. Dimidiumque fui, sensit, quo corda dolore

Divellat, scissas parte trahente fibras.
Ast simul una itidem mens haec in corpore nostro

Vixit, et hinc spolium jure profecto timet.
Nam metuit sibi tota mori; pars altera vitae

220. Cum queat in socii porro latere sinu.
Non Strophio [genitus, famae si credere fas est,

Fratri Agamemnonio se superare tulit.
Et rursus Pylade haud sine vivere certus Orestes

Obstitit indicii candidiore fide.
225. Incertumque Thoanta tenent, utrum ense feriret,

Dum stans pro socio certat uterque mori.

Sci-

Scilicet alterutri, vel utrique excedere vita
 Stabat, ubi haud una vivere porro queant.
 Sed me diversum rapit ingens funeris hor-
 ror.

230. Vivere quam triste est, tam quoque
 triste mori.

Quo mage dilexi, tanto mihi acutius illud,
 Quod fudit in gemino corpore Parca, fuit.
 Et tanto fuga major, et horror, idem accadat
 ut ne

Et mihi, ficque omnis vivere cesset amor,
 235. At vivusne queam tantum perferre do-
 lorem,

Quem nullis didici dimidiare modis?
 Quaenam equidem iniecit moderatio semper
 habenas,


Ne tamen effrenis tam foret acer amor?
 Attamen haec nimia est, quae protinus omnia
 tollit.

240. Invidiae haec speciem, forte latentis,
 habet.

Dulce bonum, Charideme, mihi! Quo tem-
 pore nostra

Gratia constat, erat femina dulce malum.
 Nunc mihi nil somnos praeter, tumultumque
 superfit,

Et quae contuear mutq̃a dona diu?



245. Hei mihi! nil isthaec solamina languida
profunt:

Viva ubi forduerant, mortua numquid ha-
bent?

Volvo, revolve latus: tamen undique, et un-
dique durum est.

Non aptum inveniunt pesve, manusve lo-
cum.

Non umbrae nemorum, nec amoena vireta tu-
entem,

250. Non ludi assiduam detinuisse queant.
Musica praecipue nimis importuna faceffat!

Cantibus in mediis me cruciatus habet.

Nullus odor suavis, Zephyri quem flamen ab
horto,

Aut ab arenivagae littore portat aquae.

255. Tantalus esuriens inter convivia verfor;

Sic tamen, ut praeceat nausea capta dapes.

Odi ego, quidquid erit, quod tu, Charideme,
vel in quo

Non eris. Haec absint improba cuncta mi-
hi!

Nec thalami possunt me delectare jacentem:

260. Dum mihi contigerat pectoris ara tui.

Hac sine nulla quies est saucia corda trahenti:

Sed tantum gemitu, lacrymulisque levor.

Post, ubi defletum est, animi jam sarcina rur-
sum

Corpore dura fedet, consiliumque fugit.

265. Bajulo conscissum, et requiem, sedesque
petentem;

Impatiens qui mox ipse locare vetat.

Quod circumquaque est; quin lux offendit et
ipsa.

Mentis ut expertes desipuere libri.

Visa diu jucunda satis mihi tecta Tagastae,

270. Verum tristitiae nunc monimenta
meae!

Vos me, jam video, demto exturbatis asylo,
Expertem toto me facitisque solo.

Nam quocunque tuor, quo vertor, quoque re-
vertor,

Solatiū resonat naenia nostra loco.

275. Solari casum certe, mea Patria, velles:
Aggravat at, quidquid suggeris, usque ma-
lum.

Ubere pinguis agri, ac uvis celeberrima pas-
fis


Fers tamen haud loton, quae meminisse ve-
tet.

Hanc Carthago dabit, veteris nunc aemula
Romae

280. Eloquio melius, quam fuit ante sago.
Haec ad Cynipham fyrtim, fyrtimque foro-
rem

Littore Lotophagis jam propiore jacet.

Nempe cicatricem ducent hic vulnera: nulla
Verberat hic oculos federis umbra mei.



285. Tam nemo miser est, cui sit pars nulla
salutis:

Desperare adeo est hanc quoque saepe salus.
Invenit en etiam nostro sollertia morbo
Exilium; dum istud consulit illa mihi.

Ostracus ut nullo me diribitore laceſſat:

290. Moenia me memori fronte paterna fu-
gant.

Carmina non poſſunt oculis medicarier orbis.

Augustine, fugam, ſi ſapis, eja cape!





STANISLAUS

IN CULINA.

IN DOMINICUM BENDERUM.

*V*ita sancti illius Adolescentis iconisimis expressa circumfertur: quos inter quidam et hanc in culina functionem exhibet: quando tirones sacros ad mediocris fortunae patientiam, despicientiamque sui eadem exercere mos erat. Ab hoc exemplo sumpta est hujus inscriptio carminis de eventu persimili, in quem Landspergae ex itinere sub annum 1758 incidi. Neque exiguae mihi fuit voluptati, cum ferme biennio postea ab eodem, qui hic canitur, Bendero hoc de se carmen Rottenburgi itidem ex itinere apud Spennerum suum, cui illud transmiseram, coram esse lectum ex hujus litteris intellexi.



Est vetus, et longo lex inviolabilis aevo,
Quae monachum in claustris caedere verba
vetat.

Post alios ista in coetus diffluit origo,
Tironesque sacros arctius illa tenet.

5. Haec superanda mihi non parva incommoda
nuper

Praebuit, in montem dum tulit urbis (*)
iter.

Huc Spennerus enim, magnum mihi nomen
amici,

Mandata addiderat non violanda mihi.

Est ibi, dicebat, quondam mea vita Friburgi

10. Benderus, tiro sed tamen ille recens.

Hunc videas, opto, et cures rescire, quid
illo

Fiat, et anne meus sit tibi mirus amor.

Hoc illuc fore tendenti proclive putabam,

Si veniam affatus ab moderante petam.

15. Noluit arbitrio rem parvam stare supre-
mo,

Aut ulla involvi suspitione jocum:

Noluit alloquio sanctam turbare quietem.

Quod peto, tu, dixit, dissimulanter age;

Si

(*) Landspergae: quae in planicie urbs sita est; cum Collegium, et domus probationis in edito eminent.

Si potes, ut volucres, Thomsonia turba, co-
hortes: (*)

20. Si potes, ut Genii missilis aura boni.
Multa quidem poterant spem decollare viden-
di;

Pandebant nullas ostia plura vias.
Quid facerem exclusus? Qua semita trita, fe-
rebar:

Quis mihi, quod multis fas fuit, esse ne-
get?

25. Sed timidum sensi, qui claustra resolvere
posset,

Atque preces longa dissimulare mora.
Non ita clausa Charon tenet agmina nigra si-
lentum,

Antrorsumque pedes, nec retro ferre finit:
Durus ut ille suos tenet arcto carcere Manes:

30. Quos simul abstrusit, lux simul, in-
quit, obest.

Reddere propitium poteram meliore polenta;
Unguinaceu currus, quo bene currat, amat.
Sed tamen incertum fuerat, quid munera pos-
sent:

Et quid si necdum currus inunctus eat?


35. His mea se subito vertit sententia fatis.

Define tu, dixi! Quod venit ultro, placet.
Ut votis melius potiare, quiescere praestat.

Quam queat ingenium, fors dare plura solet.

De-

(*) Quas Thomsonus in Raptu comarum Sylphenas vocat.



Deferor in notam, qua nescio mente, culi-
nam;

40. Forſitan hic aliquid, quo juver, eſſe
ratus:

Omnia nam noram, niſi me, quem juſſa tra-
hebant,

Quois vaſer, ingenio nil agitante, fui.
Munera cura fuit pernoſcere cuncta coquinae.

Conſulo dum tabulam, quod peto, nomen
habet.

45. Lumina tunc miſi. Quod avebam, lu-
mina certa

Reddiderant, alias non aquilina, fide.
Stare loco coepi. Foret o modo cauſa mo-
randi!

Area conſilium ſed dedit ipſa cito.
Lixarum hic vidi numero de ſegrege quendam,

50. Qui cogunt madidis liba rotunda volis.
Hunc ego (nam licuit) verbis aggreſſus ami-
cis,

Quae pridem noram, multa rogare diu.
Mens alibi fuerat: ſpectabant lumina prorſum:
Quae licet abſuerint, ſermo diſertus erat.

55. Haud ſecus, ac quamvis pugnancia ſom-
niſer Hermes

Lumina cuſtodi claudere certus erat:
Ille tamen modulo neque tunc errabat in uno,
Altera mente premens, altera voce canens:

Sic animo pariter per multa vagatus omisso

60. Narrabam socio somnia blanda truci.

Narrabam, ceu nota palam, distractus ab illo

Quod terris essem, qui mihi mente sedet.

Narrabam, procul hinc quantum migrasset.

At illum,

Spennerum, latuit, quem loquar usque
meum.

65. Sed tamen in ficco verborum flumina
fundi

Miratus, nequii dicere, praeter: ita.

Non procul hinc contra (quo me tulit impro-
ba virtus!)

Constitit ad lintrem, quem petiere logi.

Constitit ad lintrem Juvenis follerte trecentas

70. Dextella lances, nigraque vasa fricans.

Paene aliquis quadras isset Vertumnus in il-
las,

Atque foret rigidus; quo premat ille diu.

Spectabam dudum; spectabam singula, quae
me

Cuncta ministeriis detinuere suis.

75. Seu data ligna tulit; placuit data ligna
ferendo,

Et similes oculi semper amantis erant:


Seu stetit ante focum; pulchrum auxit flam-
ma nitorem,

Dum vultum erudiit nescius ipse suum.

Vivida frons illi, quam dia modestia molli

80. Dejiciens cilio jusserat esse sacram.

Aemu-



Aemula Panchaeis ardebant labra pyropis;

Aemula Paestanis utraque mala rosis.

Hac quoque parte simul virtus, et amica juven-
ventus

Ludebant folio quaeque decora suo.

85. Vox quam dulce sonans (coquus hanc
dum forte requirit)

Quam mens pellucens lumine tota suo!

Squalebant viles per cetera membra lacernae,

Nec tamen, ut studuit squalidus esse, fuit.

Sordida radebat: vel sordida rasis honeste,

90. Vernacula visus nobilis esse manu.

At simul, ac socio Spennerum voce ciebam:

Saucius in veteri nomine totus erat.

Segnior in quadras strepitum dare praepete
dextra

Parcebat, vacuus ne suus iret amor.

95. Omnia captabat. vultum variante figura;

Jamque vigor frontem, jam rubor ora sub-
iit

Jam propior statione simul, propiorque loque-
lae,

Quo plura audierat, noscere plura cupit.

Mox Rottenburgum magna dum voce celebro,

100. Quae Vatem eximium digna tenere
fuit:

Hoc quoque perdidicit, qua sit regione re-
ceptus

Ille suus, quem sic semper amasset, Amans,

Sic

Sic tirocinii jura haud violata vel hilum:

Dicere quod licuit, fas quoque nosse fuit.

105. Verba dedi socio: verborum meta Domingus.

Ignorans operam, sed dedit ille lubens.

Denique narrantis functus cum partibus, irem

Prandia capturus; qui modo pastus eram:

Ille quidem grates tenui mihi murmure dixit:

110. Sed valedicturus, si licuisset, erat.



FACILIS DE AMORE VICTORIA.

IN AMICUM VERSATILEM.

Hunc mihi cur toties fortuna venefica junxit,

Qui curet; nequeat sed tamen esse meus?

Allicit, ut teneat; nescit retinere tenentem:

Et captat rursus, rursus ut usque fuget.

5. Ille potens vultu, verbis et leno disertis

Quemlibet est natus conciliare cito.


Arctaque mox adeo properans in federa currit,

Deditus ut Pylades non magis esse queat.

Post ita non multo videas sua quaerere tantum,

10. Semper et hanc buccam non nisi verba dare.

Jam



Jam pridem dixi: Non falsi crimen amici
 Hic habet. En! prodit nolle dedisse fidem.
 Jam satis exactum hoc, neque sunt documen-
 ta tot usque

Suspecta, exemplo quae rediere pari.

15. Ille fidem certam munito pectore prae-
 stet,

Qui, tibi ne credat, ne pateatque, cavet?
 Sic amat hic; dirum veluti cataphractus in
 hostem,

Qui sibi pars animae debeat esse suae.

Ille animum premeret, si te captaret amicum?

20. Quid nisi pro magnis abdita pauca re-
 fert?

Siquid amicitiae, si mens non laeva federet:

Haud adeo quidvis condere cura foret.

Siccine nictantis teneat nos lusus ocelli,

Speret et arrisu se retinere fidem?

25. Stulte, quid exquiris, quo demereare
 favorem

Hujus? Ab eventu est pendula quaeque
 dies.

Munere si grandi subito tibi victus adhaesit:

Tunc aliquid dixit; tunc fuit ille tuus.

Si tamen esse tuus queat is, mox undique cir-
 cum

30. Qui sola constans mobilitate volet.

Haeret ubi, neque posse videt sua, seque tue-
 ri:

Jam tibi deliciis omnibus ille madet.

Sup-

Supplicat, extorquet, latus et premit assiduus
Lar,

Ut liget ad stivam, quae sit agenda sibi.

35. Rem simul obtinuit, totum illi nempe
peractum est.

Solus at est operae nil meminisse labor.

Vah! tanti non res, sed verba juvantia vendit,

Et numerat vultus munera quaeque sui.

Haec ad dimensum postquam, nec plura re-
pendit,

40. Jam velut in vernam lumen herile re-
dit,

Quot fuerant illi pretio donaria magno!

Quam timidus tutas dissimulavit opes!

Ac tamen in fructus alios partem ille vocavit,
Concubia veluti furtula nocte tegens.

45. Hic quoque, nescio, quid simulat pietatis
inesse.

Fuco at deterior culpa nec ipsa mihi est.

Nonne ego sat novi tegetis secreta jocosae,

Dum putat is tristes ludere posse deos?

Tum modo, si luso sentit subolescere fraudem,

50. Jam verbis alio vertitur ille suis.

Devitat litem, palpumque obtrudit apertum:

Tempore leniri, quod nequit ore, putat.

Tum velut ex longo rediens arcana susurrat.

Vix tamen hic aliquam sustinet ille moram.

55. Sic passim repetit cessatos rursus amicos,

Nempe novi cupidus noscere siquid habent.

Pars II.

G

Si



Si nihil emineat: cursu res ire priori

Autumat, atque alio mox quoque vela facit.

Sic redit in multis idem labor actus in orbem:

60. Deferit, et visit castra relicta frequens.

Non fatius talem nunquam numerabis amicum,
Quam fubeat laeso federe saepe dolor?

Quid moror? Ipse mihi dubitanti, define, dixit;

Dum fuerant verbis facta priora suis,

65. Sitne adeo labor hunc compescere durus
amorem?

Hunc Plauti Antaeum non superare queas? (*)

Hic vāfra nec Circe fallenda, nec ulla Calypso:

Nodus Odysseam nec petit iste manum.

Ulla nec Ausonio mittenda est more tabella,

70. Sed tacita satis est dicere mente: Vale!

CAR-




(*) Conf. Plautus in Persa I. I. 4.

CARMEN SOTERICUM

AD BEATISSIMAM DEI PARENTEM,

CUM EX GRAVI MORBO, VOTO AD EAM
facto, et ex alia aegritudine, eodem
renovato, convaluiffem.

*Quod supra praefatus sum ad Elegiam de Fe-
flo SS. Angelorum: hoc et isthic repetere Lector-
rem velim, fuisse hic Poësin receptas ad opinio-
nes accommodandam, qua sine inductione nec car-
men efflorescere potuisset. Est illud revera non
nisi Eucharisticon adversus ipsum Deum, cujus
providentia recuperatam mihi valetudinem gratu-
labar, quem quidem vicaria sub imagine operi
ab ipso ceu principe, ac fonte poscentibus adesse
rerum secundis inclinationibus, nihil ab summa
bonitate abhorret. Ascita est autem isthuc tan-
quam conciliatrix persona quaedam eodem exem-*



plo, quo inducitur apud Augustinum lib. de vera
 Religione c. 15, et Lib. X. de Civit. D. c. 12,
 atque in vett. liturgiis, illa praesertim, quae S.
 Chrysostomi fertur; ubi quaedam quasi cum Caeli-
 tibus conversatio continetur. Nec vituperanda
 haec putem, si bona duntaxat iisdem alatur af-
 fectio: quanquam nec malae contagionis isthic ab-
 esse periculum inficior, si vel paulum ad res ma-
 teriatis isthaec adhaerescat religio, aut si fana-
 ticae ceteroquin, accedant opiniones, quas ani-
 mus tanquam ratas, aut omnino certas complecta-
 tur. Hic tametsi plusculum indultum est effigiei
 semel arreptae: carminis id tamen facile excusa-
 bit necessitas: multum enim deperdidisset elegia, si
 frigidius rem coeptam poësis esset persecuta. Nec
 basis ceteroquin historica ad figmenta hic pertinet.
 Itaque licet interpretatio addita procedat lon-
 gius, quam oportuit, aliorum quidem Poëtarum
 exemplo: tamen nec postea admutilare ista volui,
 quae secundum artis rationes sic cesserant; nec
 in sobolem, praesertim jam dudum manu missam,
 et ita conservatam, potestate patria uti severius
 est visum. Incubravi autem hanc Elegiam Di-
 lingae sub annum 1762,

Jam

Jam mihi continuo persolvere vota vacabit,
 Quando ita prolatas fert male Diva moras.
 Scilicet admoneor morbo graviore prioris,
 Et non suspensa vota patrare fide.

5. Carmen erat pignus: nunc tettia vertitur
 aestas,

Et nequedum grati pectoris exstat opus:
 Quod tibi, Divinae Genitrix dignissima Prolis,
 Vovimus, audaci vel pietate rei.

Atque equidem, si culpa potest mollescere
 verbis,

10. Vix mihi pro tanto munere tempus
 erat.

Hoc quoque dignata est (quid enim clemen-
 tius illa?)

Molliter admissa dissimulare mora.

Nunc ubi concepi leviores sumere curas,

Non jam fallendam se mihi porro dedit.

15. Scilicet et siquid gravius mihi mente se-
 debat,

Non ratio Dominae major habenda fuit?

An vero, tenui pendet dum fiamine vita,


Quae tunc Caelicolum nomina rite valent:

Post ubi tuta metu mens est propiore soluta,

20. Sint eadem minimo posteriora scopo?

Non tulit hoc Virgo, famuli communia mundi

Quam voluit secum sceptrum tenere Deus.



Sed genii varia pro libertate vagantem

Inclusitque toro, plusque minata toro est.

25. Et quamvis leve sit, tamen haud leve
Virgo remisit

Carmen, et hoc voluit: fecit id ipsa lucrì.

Hic ego (nam monuit morbi vis intima mentem,

Visceribusque lues indubitata meis)

Hic ego pollicitum, contractaque nomina sensi

30. Nunc primum vires exseruisse suas.

Tunc subiit pietas, tunc coepit robur habere,

Tempore quae longo est languida facta, fides.

Constitui, coepique simul; simul ipsa quievit

Pro studio tabes pulsa, reduxve meo.

35. Nec monitus bis rite, magis manifesta requiram;

Gratia ne fiat certa dolore meo.

Ah potius (siquidem Superis utrumque perinde est)

Compensem celeri longa pericla fide.

Inquirant alii, Divis mortalia curae

40. Num sint, et terris astra propinqua fati;

Sollicitentque, procul quae sit fiducia flendi:

Nos Divae longas sensimus esse manus.

Nam quid opus monstris? Superi portenta roganti

Malo per humanam gratificentur opem.

45. Si valeant herbae, si certus in arte Machaon,

Hic quoque Caelicolum machina magna subest.

Humanus nec, siqua cadunt humanitus, auctor,

Nec posita in nostra nostra medela manu est.
Hoc Superi tribuunt, bene vertat ut orbita sponte,

50. Quaeque putes temere nata, favore movent.

Convalui. Dominae dignum est accepta referre,

Quam modo consului, consuluitque mihi.
Namque aut me, Medicosque mali natura fefellit, (*)

Aut ego non potui tam valuisse cito.

55. Tetra lues, memini, multis dedit aedibus aegros,

Et subitio nostros terruit aucta Lares.
Primus erat patria quidam de valge sodalis,
Quem premeret caeca mors taciturna febris.


Atque is de subito, ceu visis entheus umbris,
60. Non ero solus ego: sex fore constat, ait.

Exitus ille fuit: post funera sena quievit

Pestis: at aegroto cuique timenda fuit.

Me quoque luctantem lenti contagia morbi

Corripiunt, tussi, credo, parante viam.



65. Colligit ad colli pinguis se claustra Catar-
rhus,

Guttur et irritans ulceris instar habet.
Inde fatus reliquos languor graffatur in artus,
Et quamvis nullo membra dolore ligat.

Advertit tacitam rerum mens anxia pestem;

70. Segnior ipsa licet cura stupore fuit.

Nec tamen abjeci moroso corpora lecto:

Contemptu sperans convalitura meo.

Forte levamen erunt stomacho jejunia, dixi:

Quis labor ingratis est caruisse cibis?

75. Hoc quoque tentavi, siquid sudore salubri

Sive labor posset, sive juvare quies.

En tibi praecipiti vis fortior impete surgens,

Conjicit in lectum nescia membra sui.

Jam ratio titubare vagis obnoxia formis,

80. Reddita nec sanum verba decere caput.

Sensit: at errantes, quamvis conata, figuras

Impos ad officium mens revocare fuit.

Ut primum potui rursus sentire, quid essem,

In tacito coepi volvere multa sinu:

85. Nempe ego difficili jaceo deprensus arena,

Nec bona de criticis omina fumo notis.


Pulmo riget: lapidem praecordia pressa que-
runtur:

Integer in cerebri stat regione lacus:

Lingua caret sensu: nulla est censura palati:

90. Magna famas minimum par male ferre
cibum:

Nec



Nec sese inveniens certas Podalirius herbas ;
Nec satis exactum, quid patiamur, habet:
Plus hebes ipse mei potiori parte laboro :
Captus heri, valeo nunc quoque mente pa-
rum.

95. Sic animus rediit, necis ut mihi conscius
essem ?

Forfan et hunc veniens auferet hora sibi.
Incertum mentis quantum sit porro potestas:
Virus heri sensi, quod sedet intus adhuc.
Nec quorsum tabes evadere tentet, apertum
est:

100. At subito vires, ut solet, illa capit.
Terret ad haec Medici dubitatio signa stupen-
tis.

Dum stupet hic, tulimus funera quinque
domo.

Pendet et in nobis: longinquas admovet ar-
tes:

Nec vitium offendit: sic ego sextus ero.

105. Hei mihi! marcescam vegetis nil functus
in annis?

Nec satis ex longo mors mihi nota fuit.

Nec meritis plena est, nec iudice tuta severo

Vita hominis: numeros vix habet illa suos.

Quid jam consilii? quo vertimur? undique
clausum est.

110. Tamne repente nigrae vita propinquat
humo ?



Quin ego Caelitibus supplex advolvor? in illis
Est mihi praecipuo cognita Virgo loco.

Semper opem implorata tulit: nil certius illa:

Nescio quam teneram mi facit usque fidem.

115. Ah Augusta fave (steteram | fors limina
contra,

Contiguo colitur qua vetus ara loco,
Atque oculis Divam portantibus oscula signans,
Sic animo, praesens ceu foret ipsa, tuli)

Ah Augusta fave! vox intima pectora rupit,

120. Sum miser, et coepi posse repente ni-
hil.

Tu nisi respicias, oculis dignata fereñis,

Consiliumque feras, Diva, salubre: fui!

Causa quidem nulla est, cur te mala nostra
moverent:

Nec titulum supplex iste clientis habet.

125. Vita mea in studuis; quae, ni mens lae-
va fuisset,

Cum Domina quanto dulcius acta foret!

Sed tua pro causa est, te cur in vota voce-
mus

Gratia sollicitas prona juvare preces.

Non potes, o Caeli Princeps, contemnere
vulgus,


130. Aut durum miseris opposuisse latus.

An cū praebueris lac fugere mite Tonanti,

Intra animum quidquam rusticitatis erit?

At puto, ni penitus mentem caelestia fallunt,

Esse decet, Virgo, te velut opto, bonam.



135. Ah opto facilem; metuoque indignus,
ut adfis:

Fallimur: est voto mollior ipsa meo.

Illa vel ignotis properat ceu nota medelam:

Illa prior partes conciliantis agit.

Nec tamen officii mea Diva carebit honore:

140. Digna meis curis, digna labore meo
est.

In Domina, siquid mihi carminis annuat ipsa;

Ingenii totas experiemur opes.

Fac tantum, valeam: nostro celebrabere versu.

Ni faciam, Virgo, redde pericla mihi.

145. Sed faciam: te, Diva, modo praebebo
benignam.

Sic gemui breviter, speque potitus eram.

Spes ubi contigerit, voti damnere, necesse
est:

Haec praeit eventus, ut juga Solis Eos.

Certa fides illi: quae nunciat, acta putentur:

150. Jus tenet in Superos, legis et instar
habet.

Vix ego speravi, redierunt omnia menti

Jura, quibus dives quisque, potensque sibi
est.


Omnia, quae ringens paulo ante adamantina
dixi,

Fluxerunt votis apta repente meis.

155. Non placuit Medicus: Medicum vitare
sinebar:

Jussi alium quemvis sistere: praesto fuit.

No-



Nomine nec noram: sed me cito noverat ille.
 Sic morbum didicit, consiliique modum.
 Et cito profuerant herbae, cito facta medela
 est.

160. Luce minus gemina res mea salva
 fuit.

Jam Medicus curas alios traduxit ad aegros,
 Quos eadem mecum pestis adorta fuit.
 Tam cito convaluit nemo: sua quisque pere-
 git

Tempora per criticos dinumeranda dies.

165. Illis pro magno lentam potasse salutem,
 Et macie gracili vita redempta fuit.

Scilicet agnosco (et si quis manifesta negaret,
 Illum convincam cordis habere nihil)

Te penes esse meae meritum, bona Virgo,
 salutis:

170. Me penes haud meritum est, quae
 scio certa, loqui.

Quod possum, facio: refero sua munera dan-
 ti:


Haec toto nobis ore sonanda venit.

Saepe quidem, Divi, (pietas quoque grandis
 in illo est)

Saepe vel ignaris, clamque tulistis opem.

175. Sed mihi nulla, precor, meriti pars ef-
 fluat hujus,

Gratia nec tacito te juvet ista sinu.



Me quoque nosse finas, pictamque recente ta-
bella

Historiam laudis mens ferat ima tuae.

Quam fueris velox, et quam studiosa rogantis,

180. Et quam difficili tempore nota mihi.

Tam facilis, dicam, tamque est popularis in
omnes:

Sic etiam cello pectore cuncta movet.

Tam certam praesentat opem: tam firma tene-
bit,

Quae venit hac membris conciliante, salus.

185. Tam cito propitiam, quin et tibi reddis
amicam!

Plus habilis, Superi! num fuit ullus amor?

Quam rursus fida est! Sed quam sum perfidus ipse!

At, mihi cum lubuit, me tamen illa juvat.

Nunc quoque quod feci, grates quod carmine
dixi,

190. Non caret officium munere, Diva,
tuo.

Nomina delenti nova rursus nomina surgunt;

Dum mihi cum versu crescit amantis amor.


Emendas animum, te dumque ornando labo-
rat,

Materia melior redditur ille tua.

195. Gratia sic gratum facit, et mihi vincula
nectit,

Queis jam me teneas, et tenere mihi.

Non



Non hoc promisi, cum gratificata roganti es;

Nec potui: sine spe das, cumulasque reum.

Sic, quamvis fero dona haud indebita solvo,

200. Et tibi delicias dicere dulce mihi est:

Non tamen hoc agitur, grata quod mente paramus:

Nascitur ex tenui majus amoris opus.

Qui modo gratus eram, jam sum manifestus amator:

Ipsa mihi tribuit, quo dare plura queam.

205. Exiguum est votis fungi: res juris in illo est:

Cum solvit, quo vult, quilibet ire potest.

Me vinctum ad Dominam referunt data munera danti,

Affiguntque sacro pectora capta sinu.

Non sic illaesus vates mihi navus abibis,

210. Inquit, et hoc pretium laudis habeto meae:

Noster eris. Senti flammam intrare medullam,

Et quod promisit, caelitus esse ratum.

Qui potis es dare dona, leves ne sperne poetas:


Gens nimium Dominae semper amica fumus.

215. Virgo amat et versue, et amat bona Virgo Poetas:

Nam cur in votum protinus illa venit?

Carmina Sidronio, Livino Carmina Virgo

Elicuit: versu salvus uterque fuit.



Carmina Sidronius pro caro fecit amico,

220. Et pro Sidronio Wallius ante tulit.

Vatis opus Vates certatim praeficit alter:

Et nempe in Domina quisque disertus erat.

Quid referam plures? quorum tibi, maxime

Balde,

Concinitur nimis, sicut amica, modis.

225. Horum ego mi cupiam felicem in carmina venam:

Hic Naso, hic UMBER, Gallus et esse velim.

O ego si Dominae decorum facundior essem!

Aut utinam verbis subsequar illa meis!

Atque equidem, possum, siquid signare laboro,

230. Possum animi dictis sensa notare suis,

Sed tibi mille facit mens haec nova nomina, Virgo,

Queis vox est Latio nulla reperta foro.

Cumque aliquid dixi: jam dictum poenitet esse.

Ah facit ad mentis nil simulacra meae!

235. Talis es! et talem nequeo deducere versu,

Et siquid tento, jam neque talis eras.


Es bona profecto; sed quantum, dicere frustra

Experiôr: dictis plus juvat usque loqui.

Prenior est, dixi, quam credo, quam volo, fallor:

240. Est, quam sustineam credere; prona magis.

Et



Et tamen expertus nequeo data dona fateri:

Et tamen experto plura fuere super,
Quae mihi, si vellem, spatium si pectoris ef-
fet,

Ut dedit ista volens, porro datura fuit.

245. Mens eadem Divae est ad plura, et pau-
cula dantis,

Quaque datura fuit plura, minora dedit.
Non ita me meritum capit, ut favor ipse me-
rentis:

Hic pretium magno munere majus habet.
Hei mihi quam res est hominum meruisse fa-
vores

250. Ardua: cum merui, quis tenuisse la-
bor!

Et cum jam teneo, quis non mea munera
prae me

Quaerit, et in vitiis lumina saepe tenet?
Tu pia amas gratis: et amas a sorte relictos,
Nec tibi rusticitas nostra molesta venit.

255. Ultro nos deamas: tua gratia quaerit
haberi,

Atque reperta tenet, pro meritoque valet.
Sed tamen in multis, quorum te turba fatigat,

Respectu pietas est mage digna tuo:
Ast ego quid jaceo (nisi quod sis Mater amo-
ris)

260. In tam divino crimen, onusque sinu?

Perge tamen, pia Virgo (feres me praemia
quondam)

Postremum in titulis me numerare tuis.

Perge tuos semper miseris advertere vultus,

Nec te poeniteat, Virgo, fuisse bonam.

265. Sic precor usque tuas sua lumina tergas
ad aras

Spissa cohors veniae sensibus uncta tuae:

Atque ego perpetua celebrans soteria vita

Dicar abhinc decori convaluisse tuo.



(*) Praestantissimis Medicis, quibus in utroque morbo
sum usus, memoriam, gratesque publicas debeo,
Monachii Experientissimo D. Wutzeldöfero, ac Di-
lingae Celeberrimo D. Beckio.

Pars II.

H

DE.

D E P R E C A T I O

P R O P L U V I A

A D

S P I R I T U M S A N C T U M ,

Augurio capto ex illis verbis Psalmi 147 :

Flabit spiritus ejus , et fluent aquae.

Spiritus aeterni Patris , Natiq̃ue voluptas ,
Cui concors virtus constat , et aequus ho-
nos ;

Par hominum quoque gentis amor , par cura
salutis :

Cum nato reficis , cumque Parente jubes.

5. Nec tibi sunt minus , ac illis mortalia cu-
rae :

Tu quoque scepra tenes : tu quoque cun-
cta geris.

Tu

Tu facis, ut vasto sua lumina praebeat orbi

Sol, et nocturnos Luna reducat equos.

Te maris horribiles ponunt spirante procellae;

10. Arbitrioque tuo ventus, et aura volant.

Te super undarum memorant freta lata reves-
tum,

Cum sub diluvio caeca nataret humus.

Quae tunc depuleras, idem quoque nubila
reddis,

Cum sitiens tardas terra reposcit aquas.

15. Nam simul ac placido lenem das axe fufur-
rum,

Deque tuo modicum flamine flamen abit;

Confertae Domini pendent ad sibila nubes,

Quae gravidum laxent imbri tepente sinum;

Gutta premit guttam; fluit, et pluit aethere
toto,

20. Statque sub effuso roscida terra lacu.

Evigilant subito glomeratis gramina stillis:

Cessatum reparat laetior arbor onus.

Flosque, segesque caput tollunt, potantque
salutem,


Et longae falci colla decora parant.

25. Denique conspicuis quidquid modo subja-
cet astris,

Pendet ab imperio flaminis omne tui.

Unanimes, tensis simul ad tua numina palmis,

Oramus, pluviis terra madescat aquis.



Destituunt soliti morientia prata liquores,

30. Officiumque negant nubila cassa suum.
Pro Zephyris Eurus constanter inania verrit;
Atque ubi jam nihil est, ventilat ille nihil:
Est Notus in votis; Boreas optatur et ipse:
Praevalet at Boreae, reflat et ille Noto.

35. Sic ubi perdurat segeti fatale serenum,
Terra arens caeli commoditate perit.
Pulverulenta macris passim sterilefcit in arvis
Arbos, et ex illa pendula gemma pyri.

Hinc tristes Pomona nimis minitatur abortus,
40. Quae plebi haud parvam pro stipe prae-
stat opem.

Vere suo vitis promisit siqua racemum,
Jam dudum succo cassa peregit opus.
Sicca Ceres vacuis, satis ut palpamus, aristis,
Dum parcent venti, solibus ista cadit.

45. Spes perit agricolae, sudorque, boumque
labores,
Annonae et clades inde verenda subit.

Exsuccum in campis pallet pro gramine foe-
num:

De stipulis nequeunt lac redhibere boves.
Quin etiam ante nives, dudum jamque ante
pruinas

50. Depilis aestati est silva datura comas.
Undique pulvis adest: tellus agit undique ri-
mas:

Hesperias queritur Teutonibus ora faces.

Ergo

Ergo age, Sancte Deus, precibus mollite profusis,

Da tandem, pluviis terra madescat aquis.

55. Terra madescat aquis! obstant si crimina votis:

Fac saltem, irriguo pectora rore fluent.

Tu modo nos adfla: tua quando flamina spirant,

Lumina stant nimbis; corda liquata madent.

Ibimus: in lacrymis mittemus semina terrae: (*)

60. Fors aqua de nostris magna sequetur aquis.

*Recitata in Templo Universitatis Dilinganae
anno 1762.*

(*) Alluditur ad Psalm. CXXV, v. 5.

P A R O D I A

AD

FRANCISCI GUYETI
DIRAS

IN CEREVISIAM.

*Repereram hasce Diras, fragmenti instar, per-
tenui in libello anonymo Bibliothecae Dilinga-
nae, ferme sub initium, refutatione addita al-
terius generis carmine, quae Guyeto Poëtas Ba-
tavos, ac Belgas potissimum contra objectabat ;
in his, si recte memini, Grotium maxime, ac
Dominicum Baudium, Quidni et Heinsios, Danie-
lem, et Nicolaum, Janum Broukhousium, Jo-
hannem Secundum, Livinum Mejerum, aliosque ?
Mihi visum erat animi causa bene tornatos Guyeti
versiculos per strigas distichorum excipere adver-
sa-*

sariis : quo esset in utramque partem veluti alterna quaedam disputatio.

DIRAE GUYETI.

Triticei latices , mensis Borealibus apta
Munera ; sed Celtis tetra venena meis !
Quae vos sacra tulit tellus , quae numinis ira
Aemula Letheis pocula fluxit aquis ?
5. Qui vos odit , amat Musas : Bacchumque ,
Cyprinque ,
Et Superos odit , si quis amare potest.
Vos vitiata Ceres temeratis devovet undis ,
Nais , et averfis Cynthus horret equis.
Cui sapitis , nihil ille sapit , dignusque fuillo
10. Jure fit , et focios glandis habere sues.
Qui bibit , irato tentabit Apolline carmen ,
Arcadicosque dabit rusticus ore sonos.
Hinc Batavi , fumis Cerealibus ebria turba ,
Carmina tot Musis inficienda vomunt ,
15. Et miseri placuere sibi , gaudentque pro-
fanas
Fronibus aeternis implicuisse comas.



At Deus e Pindo caecae deliria gentis

Ridet: et has poenas impietatis habent.

Ducite damnatos, gens barbara, ducite fuc-
cos!

20. Nectareus nobis proluet ora liquor.



PARODIA.

Arbiter Aonidum, Phoebique Guyete sacerdos;

Sed nostris nimium laeve, sacerque tuis!

Dic, age, quid lupuli, Cereris quid munera
tantum

Criminis, ut Lethe devoveantur, habent?

5. Utraque fraude carent: legit utraque saepe
Machaon.

Datne, Jovis Pronepos quod probat, ira Jo-
vis?

Stulta Ceres, partum si devovet usque, parit-
que!

Stultus et, in cunctos qui redit axe dies!

Jam coquus es, tibi dum sapor idem est men-
tis, et oris:

10. Hac sine cum Baccho desipuisse potes.

Anne ica jus nequam est porcinum? His con-
stat in oris

Vix nostri et Celtas juris habere satis.

Num

Num Batavi fatuos Cereris vomuere vapores?

Gens Elegis nomen quae tibi majus habet?

15. Sit Gallis inflasse tubam, sit ferre cothurnum!

At dulces Elegos fundere Musa vetat.

Carminis his simplex non contigit illa Latini

Mollities: poenas has levitatis habent. (*)

H 5

Bar-

(*) Hoc ea duntaxat tenuis probabile, quoad Guyeti immodicae dicacitati opponitur: nam ceteroqui Gallis Poëtas Elegiacos non deesse confitendum erit; tametsi *Renatus Rapinus* (Reflexions sur la Poësie) vix quenquam eximium recensere etiamnum potuit. At aequalis ejus, *Petrus Sautelus*, tametsi inter principes Elegiacos reponendus fortassis non est, arcente eum ab hoc numero argumenti potissimum tenuitate; hujus tamen carminis lenitatem simplicitatem, atque Ovidianum colorem omnium, quos quidem audierim, judicio est assecutus. Postea et *Joan. Commirius*, ac *Natalis Steph. Sardon* aliquanto parcius; *Johannes Bapt. Santolius* vero, et *Petrus Brumoy* copiosius Elegis operati sunt. Non parum in eisdem ingenti: at cultu, et amoenitate an *Sautelum* aequarint, non ausim decernere. Exemplo sint *Brumoji* Heroum Epistolae, quae, longissime abest, ut Ovidianas illas Heroidum aequis passibus sequantur.



Barbara fit tibi gens; sint barbara prandia:
dum nil


Vina juvent, Elegos ut bene, Galle, ca-
nas !



LIBER SECUNDUS,

QUI EST

EPISTOLARUM.





EPISTOLA

AD

MAGISTRUM IGNATIUM STEUR

DATA INGOSTADIO

an. 1758.


O cujus nec magna fidem intervalla locorum,

Nec longum potuit solvere tempus, ave!
Me tenet Anglipolis; te tempe pulchra Fri-
burgi:

Ex quo nunc distas, annus, et annus iit.
5. Altera terra tenet; dat et altera gaudia
tellus:

Altera pro Genio te quoque vita juvat.

Hic



Hic cum te poscant ter mille negotia, nonne
 Debueras dudum non meminisse mei ?
 Tu tamen et perstas, et dulcem saepe recen-
 tas

10. Navus amicitiam, litterulisque foves.
 Nec dubito, constare tuis et pectora dictis,
 Semper pollicitis uberiora suis.

Atque ita (nec facile fallar) mirabere sane,
 Tarda fit ad tantas cur mea flamma faces :

15. Cur non sparsa favo moveant me verba,
 fidesque

Tam mea frigescat, diffideatque tuae.
 Ergone non meminit? dices, si credere fas
 est;

Non meminit? Longa cura perempta die est?
 Pluribus et forsan (nisi nempe remissior esses,

20. Et tibi mens praeceptis in meliora fo-
 ret)

Pluribus in lentum fors invehereris amicum;

Nuper ut impatiens vel Pater ipse morae.

Sed quamvis cuperem praesenti reddere cau-
 sam,

Teque vel ista domus, me teneatve tua:

25. Si tamen offensam congressus proderet:
 ora

Vix equidem a risu continuïssè queam.

Est mora longa satis: nec eam tu ferre recu-
 sas,

Admonitu factus certior ante meo.

At

At si causa morae fugiat nova: (suspitor ipse)

30. Longior haec iusto, quamque feratur,
erit.

Inveniamne fidem, nec tu ridebis, adhucdum

Si, tibi dum scribo, scamma vacasse ne-
gem? (*)

Namque tot una sacris exempta est hora diebus,

Ut feriis ferias has caruisse querar.

35. Ast sat nempe cito, si sat bene: nec male
cessit:


Pro Sophiae ingenio mitis arena fuit.

Pugnatum satis est, satis et bene: vicimus
omnes;

Etsi non nullis spes quoque major erat.

Secu-

(*) Scammatis nomine, ut Hieronymus impertit Epist. 61, spatium certamini definitum, et interdum fossa circumdatum veniebat. Erat et Philosophicam palaestram decurrentibus quoddam praefixum tempus, quo de se periculum quisque ante curriculi finem publice faceret: neque vero antea fas erat ad studia amoeniora animum, nisi brevissimis aliquando intervallis, traducere. Tum vero acciderat forte, ut solito longius ultra Resurgentis Domini ferias tentaminum dies proferrentur. Deinceps jam otium manumissis dabatur, uti cum Musis redirent in gratiam, praetereaue ut ad publicum se docendi munus compararent, varias per urbes primis ab rudimentis anno proximo, ubi scholae iterum aperirentur, auspicandum, incertis interim, quae quaeque esset statio exceptura; quoad id moderantium nutu constitueretur.



Securum volucris pede nunc juvat edere sal-
tum,

40. Atque animi nusquam dissimulare jo-
cum.

Jam licet in propria mentem regione vagari:

Nulla mihi gravitas porro timenda venit.

Frigida nunc calidis coëant, et mollibus hirtat

Nil moror: his salvis, quam libet, esse li-
cet.

45. Sint tria nunc quatuor; fit circulus ipse
quadratus:

Qualibus, et quantis est modo multa salus;
Nunc rude donatus; rudium mox inde magi-
ster

Propter Castalias deliciabor aquas.

Libera dum mens est, totum juvat ire per
orbem:

50. Pervius ingenio quilibet isthmus erit.

Pars sacrandæ tamen curarum prima Camoenis?

Partem discipulis furrupuisse decet.

Hei mihi! quis posset nigro carbone (nec an-
gar)

Qui nos accipiet, pingere tecta loci?

55. Saepe tamen reputans, quo sit me diphi-
thera civem

Legatura, arvi templa futura puto. (*)

Aut

(*) Veldkirchium.

Aut ubi pelliti currunt in Gymnada παῖδες; (*)

Aut ubi stat pingui turris avita solo. (**)

Nec si Landspergae me destino, longius errem:

60. Nec procul hinc Patriae Mindela lym-
pha tuae.

Quos ego tum pueros, hominumque elementa
videbo,

Saxorum catulos, Deucaleone fatos!

Esto! nec invideo: melioribus alter Iulis

Cinctus eat; Mopsi sint mea turba duo.

65. Hos tamen excipiam manibusque, sinu-
que fovendos:

Gente vel in parva me juvet esse patrem.

Si vero intrepida potiar, vegetaque juventa:

Ut fatear, multis praeplacet illa mihi.

Sint o, sint alacres Epaphi; sint, opto proca-
ces:

70. Sic, puto, curarum parte levatus ero.

Nil mihi cum mutis, qui clam sua gaudia quae-
runt:

Luce palam nugas ludere fraude caret.

Non amo, qui taciti per scamna extrema qui-
escunt:


Qui fuerit vivax, indolis ille bonae est.

75. Sunt, quibus in vitio nemo excellentior
unus.

Non

(*) Rottwila.

(**) Solodorum.



Non odi, lolium quos negat esse macros.
 Hos ego prae reliquis errare in retia vellem,
 Quos cornu grandes comprobat esse feras.
 Aptior haec laqueis est praeda. Volatilis aetas,

80. Queis valeat duci, jactitat ipsa comas.
 Indulgendum aliquid, sedato et corde ferendum:

Pertica nec puero est, quae foret apta viro.
 Plaude tibi, argutam cui fert Brisgoja juven-
 ventam.

Invidia hinc dignum, si potes esse, rear.
 85. Alter at invideat; Pylades non ullus O-
 resti;

Non Ionathas socio, Pirithousve suo.
 Nec me nominibus prohibe latitare sub istis.
 Tu licet haud videas, sum tamen usque tu-
 us.

Ut taceam, fiunt, quae vis, tamen omnia ri-
 te:


90. Tu me, quem cuperes, fac modo:
 prorsus ero.

Interea haec veniant tibi carmina grata, preca-
 bor,

Aque animo pretium qualiacunque ferant.
 Sicca diu necdum potuit revalescere vena:

Scribo hodie, vixdum scammate liber heri.
 95. Nec mihi Nasonis lecti sunt ante libelli;
 Seu quibus ille gemit; seu quibus instat a-
 mans.


Sed



Sed tamen hoc placeat, quod, ubi sum functus
arena,

Quem colerem Aonio munere, primus eras.
Quare nil dubita: locus, at non pectora dis-
stant;

100. Pectora virtutis glutine juncta sibi.
Qui valeas, superest, exquiram. Credo valere.
Recte ego nunc valeo: tu quoque porro va-
le.



EPISTOLA

NOMINE

WILHELMI BORUSSIAE PRINCIPIS,

MORIENTIS

ANTE DIEM SUUM,
ET STIRPI QUOQUE REGIAE

METUENTIS

AD


FRIDERICUM II, FRATREM, BO-
RUSSIAE REGEM.

MINDELHEMII

MDCCCLVIII.

*Ad nullum, quod meminerim, carmen magis
invitus adjeci animum, atque ad istud; tum quod
Musa venustiore optabam alio in argumento lude-
re; tum quod ab isto pluribus de causis vel ma-
xime abhorrebam. Sed constrinxerat me necessi-
tas*

tas iemporum, non perinde ubique alias imperiosa, uti tum mihi acciderat. Oportuit elegiacae me dare exercitationi inter prandium recitandae. Lubens id jussum capeſſebam: sed materiam deprecabar eiusmodi, in cuius accuratiore historia non satis tum essem versatus, et cogitatione praeterea, atque ingenio ab eadem alienissimus; quando fidem iis, quae vulgo sererentur, esse habendam ipſus haud existimabam: si enim, quod in Pausania Nepos memorat, de tali Viro suspicionibus agi non oportere, recte, ac graviter Lacedaemonii judicarunt: tanto item magis de tali Rege, qui res plerasque apud se unum constitutas haberet, rumoribus populorum pronunciari non posse intelligebam. Itaque hujus me operae in rebus tam mihi veluti peregrinis, quarum et assequi dignitatem perdifficile foret, vehementer sane pigebat. Neque tamen apud eum, qui rebus tum domi praecerat, excusatio ulla quidquam profuit: potior visa argumenti novitas, ab omnis plagii quam remotissima suspicione, et studiis ibi loci tum ferventibus velificatura; sed contra ea animo non perinde mea responsans. Igitur aliquando jam undelibet narrata arripere,



atque aliquid inde fabulae conscribere necessum fuit, praestituta mihi illa praesertim Epistola, e Gallico germanice versa, quae tanquam a Wilhelmo emoribundo ad Regem data circumferebatur, isthic ad finem, si typothetae vacaverit, subijcienda. Hanc tum quidem intueri jubebat. Sed Superi! quid hic Ovidianum, quod a me expectabatur? Neque vero ita erat appositum thema illud ingeniis tum praesentibus plerisque, quin ego multo meismet servire mallet pro loci capto temporibus, atque ad ista prosecutionem accommodare, quam ea omnia, quae epistola vulgata subjiceret, persequi. Ac sine aliquo saltem cavillationis genere illis, qui ibi erant, auditoribus carmen non placiturum probe noveram. Interim sic illud rursus adversantibus rebus curavi temperare, ut nesciam, an plus inde Heroi laudis nasci debeat. Atque ita apud ipsosmet tum arbitros minus aequos plus tamen valuit honor Regi habitus, quam si eorum studiis indulissem. Ceterum sic postmodum scripsi elegiam hanc compressi, ut vix nisi duobus cum amicis ad brevissimum tempus eam communicarem. Nihilo secius est aliquando de nocte a quopiam descripta, qui

mi-

mihi quinquennio postea Neoburgi sub annum circiter 1770 inter prandendum enarravit ipse, se totum hoc carmen suis publice discipulis exercitationis ergo dictasse, modumque aperuit, quo illo furtim esset potitus. Cui dum meum contra celandi studium suboffensus indicabam, non illam tacui causam, quod nimis quam intempestiva etiamnum ea mihi publicatio videretur: etsi enim secundi, qui Fridericum comitabantur, exitus sinistrum omen quodvis diluebant, et bello jam dudum composito nulla superioris temporis obtrectatio infuscare summi Regis nomen poterat; eaque multo minime, ex qua ipsa plus in eundem redundaret gloriae: non oportuit tamen Musas vel amica dicacitate, quam imperiti rerum non satis intelligerent, in eundem ingratas videri, qui se illis semper munificum praebisset, deque Viris doctrina, atque eruditione claris clarus et ipsemet ita fuisset promeritus, ut in ejus laudes conjurandum esse videatur. At ubi nunc ab obitu et ipsiusmet Commentariis Regiis, et aliorum variis supplementis ita illustrata sunt facta omnia, neminem ut perplexum tenere ejusmodi scriptio in speciem duntaxat adversaria queat: nihil est cau-



fas, quin Elegia, hac praesertim declaratione veluti dilutior, foras prodeat, quae meis ingratiis jam justo temporis fuerat in publicum protrusa.



Dedicat extremam (fors est ea grata) salutem

Wilhelmus Domino, sic vocat ille, suo.

Non etenim Fratrem temere, Regem vesaluto,
Nomine ne videar te cruciare tuo.

5. Seu Regem dicam, seu dulci nomine Fratrem,

De Rege hoc cogar, Fratreque multa queri.
Non igitur me forte, tuis assuete, rogabis,
An tua sint elegis nomina digna cani.

Non facit ad mutos narratio musica luctus;

10. Flenda recensurus flebile carmen amo.

Nec metuas elegis heros mollescere: clangam

Multa nefasta mihi, multa dolenda tibi.

Blanda parum didici, qui curo vera tueri.

Mollia si prenas, O cave, plura legas!

15. Et possem hoc, fateor, de te fortasse vereri.

Sed lege; sunt animo digna pericla tuo.

Digna quidem certe: namque arguit, increpat,
urget

Nostra palatinum Musa perosa melos.

Quod-

Quodsi diffimulas; moriens te frangere dicar.

20. Istane victori fama ferenda Deo est?

Congredere, o heros, et verbis verba repelle;

Hostis enim scripsit, sunt quia vera, tuus.

Hic quoque Fermerus latet, hic quoque nomine tecto

Ille Bipontinus, Daunius ille subest.

25. Cum spernas alios, nisi queis conflagere possis,

Has demum partes hostis amicus agam.

Omnia qui sternis, morientia comprime verba,

Facque potens sola ne videare manu.

Si tibi difficilem superari in praelia possis,

30. Durus ero; sed me durior ipse dolor.

Quid furis, et gemino scintillat fidere vultus?

Dic! hostis necdum sufficit iste tibi?

Ergo agedum! lege cuncta sagax, ne praelegat orbis.

Nec tamen hoc cupio: tu lege; turba mihi es.

35. Aut ego collectos hodie relevabo dolores;

Tu dabis aut victas in mea verba manus.

Quidquid erit, parvi pretium fero dulce laboris;

Cuncta licet valeas, hoc prohibere nequis.

Unde sibi frontem? dices sermone rotato.

40. Nonne timet medius frater in axe Iovem?



Sed morior, Friderice, manum fuspende benignam;

Dum veniant istuc fulmina, funus ero.
Jam mihi nigra dies feralibus insonat alis:

Hora mihi fatum bis duodena feret.

45. Nec doleo; graviora tuli sub Fratre veniendo;

Nec quam perdiderim, perdere plura queo.
Quid metuam fari? Satis est: mors obtulit an-
sam;

Cetera nam dudum jam mihi jura favent.
Nunc ego fas tueor, libertatemque parentis.

50. Tu nece decrescas; fio sed inde potens.
Experior, quid sacra manu sit sceptrum rotare.

Vix tibi succedens Rex, puto, major eram.
Da veniam, nescire modum si forte videmur,
Et tibi non tecto pectore saxa loqui.

55. Mutat honor mores, Regesque potentia
vertit;

Quod tibi contigerat, contigit ergo mihi.
Laederis his etiam? nolim patientior asses.

Quin age, cuncta nota, cuncta refelle,
precor.

Utque scio, facies: facias, tamen insuper hortor.

60. Non bene sic scripsi, ni bene cuncta le-
gas.

Si tamen admorso sapias piscator ab hamo,

Et me capturus tu capiare meo;

Non ego te laesi; tua te sapientia strinxit
Hostibus illa tuis, et metuenda mihi.

65. Namque ego te novi: damnas meliora, pe-
tisque,

Nec quae non laudas, semper inepta pu-
tas.

Quid tamen haec fateor? Quid si mea verba se-
quatur,

Et trahat infidias in sua lucra meas?

Ah ego consiliis hostis quid demoror hostem?

70. Demens! vindictae qui studet, ille ta-
cet.

Frater in hoste ego sim? mihi Rex in fratre
fit hostis?

Ah ipsa impietas me probat, esse pium!

Sed tamen audebo. Nequeamne expellere fra-
trem?

Quid mihi iam rursus, dum loquor, ira ca-
dit?

75. Mors, an amor mentem frangit, flectitque
benigne?

At certe et mortis, vis et amoris ea est.

Nam Mors (quid taceam?) mors haec
debetur amori.

Dic, Friderice, meae conscius esne ne-
cis?


Esse potes, fame qui vitam mihi nempe tuli-
sti.

80. Gratia si cibus est, cogis obire fame.

Hoc quoque quis dubitet? neque sese Eri-
sichthona solum

Pascere carpendo iussit acerba fames:

Achi-



Achitophell eadem fauces constrinxit hiantes;
Et quos praeterea longa referre mora est.

85. Nec quisquam est hodie, sua qui, sese-
que (favore

Ni valeat Régis¹ posse valere putet.
Ah frustra grandes animae! quae vivimus aura,
Et trahimus solo Regis ab ore diem:

Quae non carnificis, sed honoris plectimur
ictu,

90. Et morbum haud passae vivere defini-
mus!

Aura salus nostra est. an et haec queat ipsa
negari,

Ac, ut aquae nautis per mare, mensa dari?
Toxicon hydra trahit; spirans hiat usque cha-
maeleôn:

Nobis aura minor, nec datur ista fatis.

95. Et tamen immitis Domini pendemus ab
ore.

O tanti est tali posse placere Deo!
Et dare tu poteras; sed non ego porro care-
re:

Nilque aliud, nisi te, te, Friderice, volo.
Tu tamen optantem surdus, surdusque peten-
tem

100. Rejicis, O bellis durior ipse tuis!
Sed quid te renuis? non est tibi tanta potestas,
Arbitrio cedant ut mea jura tuo.

Dilexi, fatis est: quis non se tradat amanti?
Hoc quoque ni mereor nomine, frater eram.

105. Frater, amans, haeresque tuus mea jura
reposco:

Hei mihi; quod tuus haec sint mea jura
dolor!

Cur ego Frater eram, teque auxi haeredibus
haeres?

Ah crevit titulis aemula flamma meis!

Cur me progenuit, nec te nascente quievit

110. Ipse Pater? Culpam quo premet ille
suam?

Nam tibi detractum, quidquid mihi cesserit
ultra,

Esse putas; solus dum cupis esse potens.

Atque equidem tegis hoc; precor, ut sic om-
nia celes:

Sed tamen apparet, quis sit, et unde, do-
lor.

115. Dic, ego quid feci, nisi quod sapuisse
viderer,

Consiliumque darem, quod patet esse bo-
num?

Nostra placet certe sententia: displicet auctor.

Quae si venisset mens tibi, sancta foret.


Scis fatis; et possim convincere quemque ne-
gantem,

120. Culminis Austriaci quam gravis osor ego;

Quamque Aquila adversis Aquilae succreverit
alis:

Qua domus incautam luserit arte domum:

Inde



Inde quis impulerit merito studia aemula rancor.

Non haec ad pugnam cornua fera gero.

125. Quis mage Vindobonae conscendere moenia promptus;

Atque futurus ego vel Remus alter eram?
Tectius ast bellum captandum hoc esse putabam;

Nec tantae invidiae nos dare posse locum.
Saxoniae hinc suasi, parcas; haec denique culpa,

130. Qua te debueram demeruisse, fuit.
Illa mihi fatum misero vox duxit: ab illa
Pessima mutati coepit amoris hiems.

Quo tamen offendi? est sic quaerere posse voluptas:

Quid doleas, norim quamlibet ante, rogo.
135. Causa deest certe; si, quod caufaris, id esset.

Qui tamen usque doles; non tibi causa deest.

O nimis actorum, nimiumque oblite tuorum!

Quid fuit in nobis; aemulus unde fores?
Scilicet inde doles. Sed tu rem corde premebas;

140. Incertaeque irae victima frater eram
Namque pudor fuerat, germanam prodere causam.

At qui comprimitur, plus furit ille furor.

Hinc

Hinc carui officiis ; sensi male fidere fratrem;
Fors me zelotypum nunc quoque credis
adhuc.

145. Quid fingis laevus ? radios ego Fratris
obumbrem ?

Usque adeo famae nescius ipse tuae es ?
Omnia solus agis , cuncta et sine teste guber-
nas :

Quis socium laudis me putet esse tuae ?
Nexibus Europam tacitis ad vota movebas :

150. Applausit studiis enthea fama tuis.
Quis te non timuit ? cui non tua cognita vir-
tus ,

Agmina cui subito fundere ludus erat ?
Nemo sago , par nemo toga tibi visus in orbe
est.


Sic est : nam laudis praemia nulla fero.
155. Non tibi Schwerinus , non Keithius ob-
fuit unquam :

Laudibus in tantis par ego deses ero ?
Non ego Scipiades , non Martis Caesar alum-
nus ;

Quos prima tecum stare salute negant.
Mille viros necdum stravi : tu stragis acervos ;

150. Et dederas fatis millia multa decem.
Fingito quin etiam , tibi me succedere Regem.

Hic quoque lux a te non nisi danda foret.
Siqua foret species , tibi ne par esse viderer ,
(Aulae nam mores calleo) cura foret.



155. At ego quid facerem? quo tu satiabere
fato?

Infima quando petam, tu magis ima voles.
Nec tibi me, quocunque foco tua numina placem,

Ni miserum videas, posse placere puto.
Plaudere! tuis demum votis subscripsit Olympus.

170. Jam vehar ad Stygios debilis umbra
lacus.

Nunc tibi, nunc omnem licet exhaustire timorem:

Nunc ego te placido, sentio, Rege fruor.
Nunc me, ni fallor, recoles, tutumque putabis

Jam bonus esse tibi Frater, et esse mihi.

175. Nil jam Germani de nomine gloria carpet;

Nil quoque jam metuet candor ab arte tua.
Curia nunc, urbesque mihi, et tua castra patebunt.

Quo vivo haud licuit, tendere, sponte ferar.

Nunc mihi concilium venienti assurget, et alta

180. Excipiam vestros mortuus aure sonos.

Hic ego vos inter thalamo compositus, in atro
Semidens dicar: gratia tanta mori est!

Quam toties suasi, pacem quoque prodigus addis:
Scilicet occumbo debique pace tua.

185. Omnia nunc ultro, nequeo quae poscere,
reddes:

Quin et, quae necdum sunt tua, forte dabis.
Et metuo, ut lacrymas teneas non sponte ca-
dentes,

Et non ter laeto pectore multa gemas.
Tantos Wilhelmo pasces moriente dolores,
190. Quantos vix Dauni de nece victus
alas.

Hoc quoque (si superest aliquis post funera sen-
sus,

Taenara nec tenebris sunt mage vana suis)
Hoc quoque Tartareis focius memorabo colo-
nis,

Sensus et usque tuae mî pietatis erit.

195. Vivus, an emoriens fuerim felieior,
aegre

Aestimo; laetari tempus utrumque jubet.
Nam mea mors vitam solatur, vitaeque mortem:
Est mihi, quo moriar; quo moriensque fru-
ar.

Dun vixi, mea mens, mea cum ratione vo-
luntas,

200. Et mea venturi praescia cura fuit.
Dulcius his aliquid cuperem? quin vivo co-
aevus,


Dum, tibi quod superest temporis, ante scio.
Dum morior, mea res mecum simul ibit ad
umbras:

Id mihi mentis erit, quod mihi mentis erat.

Pars II.

K

205.



205. Haftenus haud a me, fateor, tua curia
stabat.

Regis ad ingenium, quod dolet, illa pro-
bat.

Nunc aliquis dicat: solus tu deferis omnes.

Dum feror ad plures, non ego solus ero.

Hic quid avus dicet? Genitor quid sentiet
ipse?

210. Adversosne meis partibus esse putas?

Quam mihi Saxonico consentiet orba Sigaeo,

Cum veniet passis tristis Elisa comis?

Quid Brachius gemet? exiguo quid et Hor-
ninus ore?

Quidque Duces quondam, pallida turba,
tui?

215. Quid Fridericus agit? vario agmine cir-
cumfusi,

Perquirent: pugnas pugnatur an ille suas?

Jamque diu his rarus succedit sedibus ho-
spes.

Fors piget, et coeptam deferit ille viam?

Ah utinam possem tacite quaerentibus ista

220. Dicere: Cessavit! cum Patre fleret
Avus.

Fleret enim; qui nunc patriis de devovet um-
bris,

Utque mori posses, mortuus esse dolet.

Sed fuimus Troes, fuit Ilium, et inclyta fru-
stra

Patria, quam, dubito, noris an esse tuam.

225. Quis furor est, totam rapidis simul obru-
ere armis

Europam, et Reges ducere ceu nihili?

Nonne, ita qui surgis, vinci, quam vince-
re mavis,

Quodque diu crevit, perdere stemma cito?

Pergama conjunctos non sustinuerunt Palasgos:

230. Tu conjurati victor an Orbis eris?

Vel nova, si mavis, Troja est, quae Dresda
vocatur:

Et foret hic Helene, quam Menelaus amat;

Tu nisi-quin taceo? nec enim tuus ensis in
illa est.

Vivere sed populi te vetuisse putant.

235. Saxo dolens falsum, quamvis invitus,
amicum

Te vocat, atque oculis vix habet ille fidem.

Intrabas Tutor: vix es, Friderice, receptus,

Mox Regem, posses Tutor ut esse, fugas.

Subditus exortum sua lumina vertit ad astrum.

240. Hunc quoque, quod cuperet, non fi-
nis esse tuum.

Scilicet hospitium miser incola cessit echino:

Vix patuere Lares, undique tela rigent.

Ter, quater emulges; civem conscribis ad ar-
ma;

Hoc quoque qui plangant, non superesse finis.

245. Quid metuant hostes, si sic periire cli-
entes?

Et tibi, si vincat, quam gravis ultor erit?

K 2

Non



Non hic Saxoniam laefisti: Gallia frendet,
Imperiique tui, non tua turba, Duces.
Est laefisse parum: quid probra doloribus ad-
dis?

250. Quid verbis acuis concita corda no-
vis?

Quid simul insultas ducibus, fannisque trium-
phas?

Haec licet haud addas, Gallia laesa fat est.
Omnibus arma moves, et ab omnibus arma
moventur;

Namque tuis fenum cornibus esse vident.

255. Danubius, Rhenusque, Albisque, mi-
naxque Visurgis

In tua conjunctis regna feruntur aquis.
Sauromatae Lemures, pellitaque spectra Ru-
theni

Contra Aquilona truces ex Aquilone ruunt.
Suecia, sit quamvis non irritata, movetur,

260. Exemploque facit commoda furta tuo.
Non tibi jam Carolus, non Apraxinus ober-
rant;

Quos duo tu poteras vincere paene sedens.
Sunt tibi Castra senis Dauni, sunt otia clari
Ipse Viri, et cunctis tuta timenda locis.

265. Quot tu nunc Aquilas, quot nunc, Fri-
derice, Leones

Irruis, hasque truces unguibus, hosque ju-
bis?

Si de tot populis belli sibi commoda quisque
Quaerat, an in poenas sunt tua regna fa-
tis ?

Tu tamen haec tumida frendens Mavortius
ira

270. Despicias; adtonitum quamlibet esse pu-
tem,

Forſan et inde doles, quod tam bene ſingula
narrem,

Et notet errores calculus iſte tuos.

Omnia nunc laedunt, et te res efferat ipſa,
Ut clauſam furiant ipſa pericla feram.

275. Quid tamen haec prohibes fari? forſ ip-
femet olim

Wilhelmus, dices, hei mihi cautus erat!
Nunc quoque nec dubito, cernis discrimina.
Sed jam

Alea jaſta ſemel; teſſera fracta ſimul.

Nunc revocare gradum pudet, et perrumpere
certum eſt:


280. Nec relegit Phaëthon, quod male coe-
pit, iter.

Qua via prona, ruis; ſed qua ruis, omnia ver-
tis

More feri campos depopulantis apri.

Quodque nec ipſe probas; tamen ut juvet,
imperat ira.

Verbera dum reddas, verbera ferre parum
eſt.



285. Dant animos plagae, repetisque cruentus
arenam:

De pugna sonuit; nec procul arma tibi.
Vix cernis tua castra, sinu micat entheus ar-
dor.

Pax tibi si redeat, tu moriere, reor,
Quid tibi cum regnis? sola est tibi gloria reg-
num.

290. Quid tibi cum Patria? plus aliena ju-
vat.

At mihi cura domus tenui tibicine fultae,
Et, quamvis prohibes, est mihi cura tui.
Littora me quamvisteneant; ego lumine sicco
Naufragii nequeo frustra videre tui.

295. Aut citius moriar, vel te moritura tene-
bit

O tibi Wilhelmi semper amica manus.
Haec mihi supremam dictavit cura tabellam:
Haec hostem in placido fingere fratre ju-
bet.

Subjicit ista preces, bene conditione reperta

300. Tutius ut studeas pacis inire vadum.
Claude, precor, Janum! Quid profunt Martis
honores,

Serius aut citius, si domitere tamen?
Ut partem effugias, non cuncta pericula falles.

Lautius ut pereas, quid tibi vile mori est?
305. Quid grandire juvat sub Tartara more ty-
ranni?

Nil ago! tu nasum rhinocerotis habes.

Scili-

Scilicet istud agis, tellus ut terribilem te

Sentiat admirans: scilicet istud agis.

Sentit, et hoc ultro trepidans Europa fate-
tur.

310. Ut minus obstupeat, tu tamen ipse
facis,

Plus timuit, recto dum stabant omnia talo.

Jam numero frangi te quoque posse putat.

Quam tu nunc quaeras, plus te celebraverat
olim.

Nunc tibi qui plaudit, desinit esse probus.

315. Sed neque nunc carpam; dudumque in
Vulpe Leonem,

Robur et obstupui calliditate pari:

Quemque truoem dixere alii, exlegemque ty-
rannum;

Pro truce, Wilhelmo iudice, fortis erat.

Fortia sic utinam Frater decernere posses,

320. Ut, cum decernis, fortiter ire soles;
Et sic velle queas, ut, cum vis, addere pon-
dus!

Omnibus heu non est omnia posse datum!

Tu sapienter agis, quod non sapienter es au-
sus,


Saevius utque furas, cum ratione furis.

325. Me miserum! laudasse ipsos jam poenitet
astus.

Nempe tuae fructum laudis et hostis habet,

Gloria si fuerit tibi tot lassare phalangas,

Gloria tam fortem vincere major erit.



Finge tamen, dubii me Martis imagine ludi.

330. Ah cupio mendax in decus esse
tuum!

Finge tibi, dextro te sternere castra Gradivo:

Vulneribusne putas hostis amicus erit?

Omnia prome licet: sed scilicet omnia pro-
mis:

Hostem, quid caveat, sic tamen ipse do-
ces.

335. Ipse mones, qua parte petat, frustra que
videnti

Retia mira paras: ars latet arte nova.

Quod facis, hoc dudum (sua sit reverentia ve-
ro)

Vidimus; et placuit fabula nempe recens.

Roscus infelix, ludum qui ludis eundem!

340. Oblitos Reges credis an esse doli?

Tutor ades rursus. Sed jam vestigia terrent;

Antrorsum spectant omnia, nulla retro.

Nec, quam Gustavus poteras obtendere cau-
sam,

Sannio qui passim religionis eras.

345. Non tibi Cadmaeos lapis hic collidere
fratres.

Nulla laceffito Saxone Roma subest.

Ipsa etiam Generis nocuit fiducia nostri;

Hostibus inque tuis scriptus uterque Socer.

Nunc age, dic, certum qua te fore parte pu-
tasti,

350. Cum canerent bello classica saeva tuo?

Sci-

Scilicet an tacitis pugnas argenteus armis,
Et qui multa palam, clam quoque multa
moves?

Malzhemiosne novos, Apraxinosve subornas,
Fidis et his, frater dum tibi fraudis agor?

355. Egregiam vero laudem, plausumque re-
fertis,

Si tu sisque Tryphon, si sit et ille Si-
non.

Eunuchis vafer armatum si distrahis hostem,
Et quod multares, Dux agis ipse Du-
cum.

Quod mortem meruit, tene hoc, Rex Magne,
decebat?

560. Quid rogo? tu statuis, quod juvat,
esse pium.

Quid tamen est demum male castis artibus ac-
tum?

Ut reus ante fatis, bis reus inde fores.

Exiit emtitium sua munere Juno ministrum;
Perfidus ille sago redditus ecce togae est.

365. Quid tibi jam superat? quos jam tibi
jungis amicos?


Qui tibi sint hostes, quae tua turba, re-
fer.

Si memor es (potes esse quidem) dudum ista
rogavi.

Scilicet est aliquis nota rogare dolus.

Anglia se studiis tecum socialibus armat,

370. Et tibi diverso tendit ab orbe manus.



Porrigit illa manus, viduas, dic, anne maritas?

Utitur haec etiam commoditate sua.
Federa nunc jungit, tanto dum fringeris
hoste.

Vara trahet vibiam: tu cadis, illa cadet.
475. Ultima spes porro restat tibi Martia pubes.

Et valet haec numero, ni modo raptâ foret.
Invitos agis ergo canes: numerato volones.

Dum numerat Gedeon, quantula turba fuit!
Quid tibi promittas, quando custodibus ipsi

380. Custodes, et opus milite miles habet?
Denique multa tamen, non abnuo, multa super-
sunt,

Vel solus superes si, Friderice, tibi.
Hoc ipsum, ut metuam, facit. Ah cur cogis
amare?

Cur, qui tanta geris, tantus es ipse simul?
385. Aut esses, Friderice, minor, moderarer
amori:

Cautior aut esses, absque timore forem.
Quo mihi fortunae tantum, vox ultima Fratrem

Ut mihi conciliet, concilietque sibi?
Sic vixisse juvet; sic non ignavus obibo:

390. Par, te si servem, gloria paene tuae est.
Quidquid ages, jam sero tamen mutabis amorem.

Semper amicus eram; semper amicus ero.
Quem

Quem laesus colui, egor moriturus amare,
Nec mihi sunt animi subdita jura mei.

395. Pejus amo, quoties duro succenseo Fra-
tri,

Plusque tuae dotes, quam tua culpa, va-
lent.

Ergo age, quidquid amas, nostri securus a-
moris.

Si Bellona juvat, dextra sit illa tamen!
Sim frustra pro te timidus; castra omnia fun-
de.

400. Et fileat tellus sub pede tota tuo.
Vos quoque, qua veniet, tumidi subsidite
montes,

Et faciles curvis vallibus este viae!
Quid tamen haec opto, fieri quae posse vel
ipsum

Diffidis? Sator pax tibi nempe foret.


405. Per genus O nuper felix, generisque
Parentem,

Per Patris ossa tui, per tua regna precor:
Non genus ut serves; non ut tua regna peren-
nent;

Sed ne, quam fueras, sis aliquando minor.
Ergo vale, me fratre diu moriente valetor:

410. Quo nego me totum posse valente mor-
ri,





EPISTOLA

AD IGNATIUM WEITENAUERUM
SUB MELISSI NOMINE

MONACHII 1760.

O mihi tam multos jam perquisite per annos,

Ni, Melisse, brevis te mora tardet, ave!
Non equidem turbam decet aspexisse novellam

Vatibus emeritis. Hoc nihil ipse nego.
5. Nec versus tibi non comiti peregrinus hio
Oscen

Aut visu, aut potuit cognitus esse manu.
Haec quoque non potui superis accepta referre,

Tempus ut aut multum, verbave prompta darent.

His mihi non faciles aditus spondentibus, anceps

10. Dumque pudor prohibet, dumque retractat amor;

Jam

Jam nihil abfuerat., calamum quin tergere
mallet.

Scribe tamen, dubio certus Amicus ait.

Scribe. Feram patriae timidam trans limina
chartam,

Et levibus verbis fat grave pondus ero.

15. Ac nisi carminibus veniat sua gratia, sua-
dam,

Quam doceo, an censes nil ibi posse me-
am?

Atque equidem sensi, quod rem plus elevet
aequo;

Crevit at a vultu spes mihi magna Viri.

Quid dubitem? clamo: fors haec audacia gra-
ta est:

20. Cui si culpa subest, non ea laude ca-
ret.

Ipse sibi ignoscat: cur famam laudibus implet?

Cur se non visum cogit amare procul?

Publicus ille minus foret: ipse modestior es-
sem.

Quî mihi se renuat, quem facit ipse palam?

25. Qui patriam non odit, amet, quod venit
ab illa;

Quique meis patuit, num mihi durus erit?

Denique quid multis? Dudum, quod posco,
tenebam:

Quaeque opto, nequeunt jam nisi nostra ra-
pi.



Ut me nempe tuum liceat, Melisse, vocari,

30. Hoc petitur votis, exigiturque meis.

At nisi sim dudum, non sic tuus esse laborem.

Hic tamen hoc superest, noster ut esse velis.

Hoc quoque vix votum est: plus me fors alma beavit:

Glorior auspiciis jam puer inde tuis,

35. Te nostrum fecere tui: quos maximus inter

Grebmerus, patriae quod decus ille meae!

Haec dederat lucem: docuit me luminis usum

Ille docere suos doctus ab arte tua.

Hic mihi si pater est (Saepe est prae patre magister:)

40. Scilicet ex illo tu mihi surgis avus.

Denique Thermopago (*) tecto conjunctus eodem,

Te suspiranti saepe querebar idem.

Ah quoties dixit: Melissum reddite montes!

Nescis, hi scopuli qualia mella ferant.

45. Et, quamvis saturi, modicum gustasse videmur.

Annus amicitiae est visa fuisse dies.

Primus is, invidia frustra oblucente, flagellis

Barbariem pepulit, quae fuit ante, suis.

Hic

(*) Clar. Heisdorffius, qui superiore anno Philosophicam Mindelhelmii cathedram erat auspicatus, Oeniponte illuc accitus.

Hic ego pensabam: Si sic dolet ille relicto:

50. Nonne ego nec visum vel semel esse
gemam?

Ipse sed afflicto mihi quae solatia ferret,

Jure ratus damnum se meliore queri?

Saepe mihi dixit: Posses lassare magistrum.

Melissus petitur scilicet ipse tibi.

55. Et placuit, tetigisse joco, quae feria du-
xi,

Et risi, mentem sic patuisse meam.

Haec etenim ingenti melioris amore tenetur

Culturae, et critica qui juvet arte, petit.

Atque utinam vel nosse procul, vel scribere
fas sit!


60. Scribere si detur: quaerere deinde li-
cet.

Me miserum! Jam vesper adest, et claudere
rivos

Me jubet: ex oculis mane Reüsner abit.

Ergo vale, Melisse, rudem nec sperne tabel-
lam.

Scribere quae nequeo plura, favore leva.



EPISTOLA RESPONSIVA. MELISSUS MICHAELIO.

Vix bene deferui, quo me Minoreffatene-
bat,

Tristitia mixtum, laetitiaque specum:
Cum tibi Phoebeam, Michaeli, reddo salutem,
Laetus et ignoto me placuisse tibi.

5. Nec tamen ignotum tibi me finis, Optime,
dici,

Quod mea, quae scripsi qualiacunque, scias.
Notior efficiar, si sit tua certa voluntas:

Nam quoties jubeor scribere, scribo volens
Est mihi, sitque precor, stylus ut resonabilis
Echo:

10. Vox quaecunque venit, vocis imago re-
dit.

Me docet hoc repetens exemplis mille Ty-
rolis,

Patria vera tibi, patria facta mihi.
His etenim vivo non simplex incola terris:
Haec civem regio me jubet esse suum.

15. Ripis, Oene, tuis annos bis quinque mo-
ramur:

Mene aliquis dicet juris habere nihil?

Tres

Tres olim autumnos falsae donavimus Halae:
Nunc me aliis septem Pons tuus, Oene, tenet.

Nec tamen hi montes tanto nos foedere jungunt,

20. Quanto mons alius, sanctior ille biceps.

Est aliquid, cives innasce vallibus isdem:

Sed tamen hoc casu fors fugitiva dedit.

Commuui studio qui conjunguntur, et arte,

Hos ego non cives verius esse rear?

25. Carole, Parnasso quicumque morantur in uno,

Et laticem potant, quem dedit ales equus:

Hos ego non cives vulgari nomine dicam,

Inter se fratres sed magis esse putem.

Non ego sollicitus, quo quemque effuderit ortus

30. Cardine, sustineo quaerere, sed quid amet.

Qui mea sectatur, meus est: hunc dixero civem,

In mea consilio qui tulit arva pedem.

Laurigera mecum te sede recepit Apollo:

Non mihi civis eris? non mihi frater eris?

35. Civis es, et frater, communi numine Phoebi,

Testibus et lauris, Aonidumque choro.

Pars II.

L

Sed



Sed Tibi num videor Phoebi confidere monte,
An mage Castalium deseruisse nemus?

Nam me longinqua positum regione Syrorum
40. forsitan audisti trans Babylona rapi:

Vel certe Ifaciae fodientem rudera gentis,
Aspera anhelanti verba ciere sono:

Aut etiam veteris Samariae evolvere griphos,
Ignotum Musis, terrificumque genus.

45. Haec ego confiteor: nam quis manifesta
negarit?

Nec tamen e Pindo cogor abire meo.
Transfuga non ego sum, prisciue oblitus amo-
ris:

Sed veteres constans sector, amoque fides.
Quas dat opes Oriens, quoniam sic fata jube-
bant,

50. Offero depromens: vendito, quod satis
est.

Post ubi jam plausu decepta Theresia credit,
Imperio vigeat quantus Apella suo:

Post ego respiro, veteresque revolvor in artes,
Et citharam rursus pulso, canoque tuba.

55. Et mihi Melpomene datnectere crura co-
thurnis,

Et resequi faciles das, Elegia, jocos:
Pindare, quis mihi te, quis te mihi demat, Ho-
mere,

Grajugenum quando me duce fervet opus?
Est et in Hebraei cithara mihi ludere Regis,

60. Et probat Uranie, commemoratque sonos.

Sed

Sed Latios vates potius, meliusque retento,
Exemplar pridem, deliciasque meas.
Te quoque (sed tacite, nequis malus audiat
usquam)

Te quoque non raro, Teutonis alma, se-
quor.

55. His titulis igitur, Michæli, credere fas
est:

Si vis, et quia vis, haec mea penna tua
est.

Ad me, quidquid erit, quo delectere, revi-
fes:

Sic mihi carus eris: sic tibi dico vale.

Oenip. 13 Oct. 1760.



EPISTOLA II.

AD EUNDEM

MONACHII 1760.

MELISSO MICHAELIUS.

Illa dies albo mihi consignanda lapillo;
Illa meis fastis festa vocanda dies:



Qua mihi de gemino succedit epistola Vate;
Sic fit ut ex istis hic pater; ille fatus.

5. Et tamen immensum spatiis distabat uter-
que;

Qua ruit hinc Nicer, qua subit Oenus
ibi.

Altera nota manus, fidi mihi munus Acha-
tis:

Altera tu, dixi, quanta futura mihi es!
Reclusi cupide: quid enim mihi dulcius
illa,

10. Quae sit Spenneri charta notata manu?
Hic mihi praecipuo, si quisquam, cognitus
usu est,

Horridulum Sophiae cum legeremus iter.
Jam tunc heroem magno se jure ferebat,

Vifus et in populo est vatis habere lo-
cum.

15. Junxit amor socios Pindi communis u-
trumque,

Atque idem Phoebus non tulit esse duo.
En tibi, quot teneam jam te, Melisse, per
annos.

Me factum a pueris ad tua scita parum
est.

Plus mihi nota tui, quae mecum vixit, ima-
go;

20. Dum curae huic fueram, qui tua cura
fuit.

Nunc se Teutonica madidus, Latiaque Minerva
De

De manibus laurum monstrat habere tuis.
Nam Phoebus Melissus eras, mel visus in
illo:

Nec mihi tunc libros nosse necesse fuit.
25. Et mihi narravit (quae si sciat ille re-
ferri,

Dignus, ut invidear, ceu fuit ille, fo-
rem)

Melissi ut fuerint onomastica festa Poëtae,

Ac sibi item vitae forsan origo sacrae.

Scilicet ex illo, simul inclarescere coepit,

30. Aonium docto pollice plectit opus.

Et mihi scire nefas, elegis an amoenior of-
cen,

Aptior an resonae plectra movere lyrae,

Nunc et Baldeis (nec enim sine dente poëta
est)

Pulicis exagitat bella cruenta modis,

35. His ego dum lectis, et munere laetus
amici

Gaudia me credo cuncta tenere sinu:

Jam satur a primis mensas arcesso secundas,

Et subit incertas altera charta manus.

Error hic est, fateor: sed et hic fuit utilis
error,

40. Quod prior abstulerat littera nota mo-
ram:

Nam nisi peccassem, tabulam complexus ami-
ci,

Quam vellem, minor haec, te praeunte foret.



Ac, scio, te certe noram, manus advena,
dixi.

Sed, quam nosse, minor rumpere vincla labor.

45. Tum vero exfilui, tum mentis nescius haesi:

Mox plausti pedibus, concrepuique manus.
Scilicet has, Melisse, meus, Melisse, remittis!

O mihi vel votis mollior ipse meis!
His ergo ut fruerer, fatis est voluisse, quod
opto?

50. O ego quam facili conditione beor!
Et nisi si nimium, quanti sit, nesciat ille,
Debuerat votis parciore esse meis.

Sit licet humanus (fuit haec fiducia famae)
Num vel ab humano littera danda fuit?

55. Nonne fatis fuerat subitam misisse salutem.

Hac si quem patrio de Lare ferret iter?
Nec tantum scribit, sed scribit et ille benigne;
Scribit honorato carmine: Quod volupe!
Cetera quid memorem? Jam charta attrita legendo est,

60. Et, quo subscribis, limite fusca magis.
Deprecor hoc unum praeceptum, et amabile crimen,

Quod minus aeternas reddit amando notas.
Paene tamen dolui vincenda papavere nullo
Gaudia; quippe quibus nox vigilanda fuit.

5. Hunc quoque sum crebro studiis complexus in illis,

Qui tulit ad tantum nuncia verba Virum.
Audiat ille, precor : non me bona gratia fallit.

Addidit is pondus : des licet ipse locum.
Atque utinam mihi tunc rescribere cura fuisset!

70. Iverat in versus vena soluta tuis.
Nunc miserum ad salebras, durique Palaemonis astus

Grammaticae referunt pensa molesta meae.
Non calor Aonijs, non me facer impetus urget?

Siquid et occinui, stramine stridet agri.

75. Nec subeunt animum, nisi tantum publica verba,

Quodque damus versu, vertito : prosa tibi est.

Quis mihi fortunae tantum, sua carpere plectra


Ut queat a ferulis obstupefacta manus?

Contigit hoc illis, imo quos corde receptus,

80. Quidquid agunt, numeros cogit habere Deus.

Nec tamen indignor : sterili vel in arte voluptas

Est mea : cui faveas, et medeare, precor.



Tempus erit Phoebo, plus et rata tempore
possunt.

Civica nunc Latii discere jura decet.

85. Hicque Nepos, Caesarque, et mox Sal-
lustius, atque

Livius in gremium turba frequenter eunt.
Nec tamen his potui satis internoscere lectis,
Gratia dum cunctis, nec tamen una Stili
est,

Quis genius sit cuique suus, quaque arte te-
nendus,

90. Arbiter ut sollers, hic, mihi dicat,
eras.

Est acer Crispus: compendia grata Nepoti:

Livius hic vir, hic est: propria Caesar a-
mat.

Haec memini passim libris resonare recoctis:
Cortice sed fracto viscera nemo subit.

95. Praestitit hic aliquid monstrans paradig-
mata Desing,

Non satis at dextra Pallade, pauca stili (*)
Nec valet hic brevitās: cupio prolixa doceri.
Unica vox doctos, sint nisi, nulla facit.

Purum aliquis celebret: non hoc sum purior
ipse,

100. Nec cito laudato Caesare Caesar ero.

Ne

(*) In Commentario de Stylo Q Curtii hujus editioni ad-
dito.

Ne mihi dic dotes, sunt hae compendia do-
tes:

Quin, quibus haec constant nomina rebus,
ais?

Scilicet Historicos inter se conferat, opto,
Qui mihi praesentem spondeat auctor opem.
105. Aut hac, aut nulla cito rem patefecerit
arte:

Hujus ut in Gallis palma, Rapine, tua est.
Non est in Tacito (*), quod jure requirere
possim.

Sed non propositi res fuit ista tui.
Illa ferunt primas, quae sunt majoris abol-
lae.

110. Quod mihi nunc petitur, sat tetigis-
se fuit:

Sat tetigisse stilum: quanquam sic tangis et
ipsum,

In promptu ut videam plura fuisse tibi.
Nec tamen optarim, doceas ut carmine; quam-
vis

Ex facili possis: commoda prosa magis.


115. Aut hac, aut alia quavis ratione doce-
bis.

Perspectum melius, quae schola praestet,
habes.

L 5

His

(*) In Commentario de re Historica Taciti nomine in-
scripto, qui in Weitenauri *Miscellis politioris Lit-
teraturae* exstat.



His ego tanquam aegri; Medici tu fuscipe partes.

Maxima sanati gratia semper erit.
Reddidit audacem tua me, Melisse, voluntas.

12. Fidere me libri, poscere charta jubet.
Quo finit aura, sequor: sinuare haec carbasa pergas.

Abs te quae poscam, sunt mihi multa nimis.


Si coram est frater: precor, internuncius esto;
Deditus ut studiis haud nimis ille meis.

125. Si minus ipse velit, mihi commodet attamen, ac jam

Quod tibi dico vale, saepe reportet ave.

EPISTOLA RESPONSIVA

Et si Versu abstineo, quandoquidem id ipsum censes in hoc responsi genere faciendum; non tamen a Musis discedo, cum de Historia scribo, cujus Leges Clio fancit. Inter eos, de quorum Stylo interrogas, Nepos Caesari, Salustio



ustio Tacitus affinis est; Livius principem locum cum nemine communem habet. Nam et si et illi, quorum paria junxi, Stylo inter se diffident: Scribendi tamen character si quaeritur, quem à te maxime quaeri opinor, eorum inter se vicinitas apparebit. Si Latinitatis aetatem, si phrasin, si nexum, si brevitatem, si lumina collegerimus: fortasse id habebimus, quod styli nomine comprehendi solet. Sed ipsa materia, et utique auctoris spiritus ita ubique se stylo ingerunt, et infundunt, ut scribendi Character sine iis constitui, et suus cuique tribui nullo modo possit. Jam in Caesare, et Nepote illud commune invenias, quod pura, et nuda facta referant: cui proposito consentaneus stylus est, nudus et ipse, simplex, naturalis, et omnem Majestatis speciem etiam in rebus majestate plenis effugiens, ac veluti reformidans. Sallustius, et Tacitus id ambo sectati sunt, ut morum periti Magistri, et rei Politicae censores acuti putarentur: isti consilio Stylus apte respondet, abruptus, praeceps, durus non raro, et malignitatem spirans, sed acrimoniam illam, quam in utroque



que sentimus, materiae potissimum deberi con-
tendo: deme hanc, aut muta: temperata, et
lenis brevis erit, Caesarianae perfimilis.
Livius flumen rerum flumine Orationis secu-
tus est: verae majestatis plenam Historiam toto
animo complexus, sua majestate aequavit. Af-
fectuum mirus artifex, nihil neglexit, ea tan-
tum lege, nequid ipse fingeret, nequid indig-
num memoratu afferet. Non suspiciones, non
sententias, non censuras inter ornamenta po-
suit major his omnibus animus, et non docen-
do plus multo docens. His omnibus fatis fa-
cere alius stylus non potuit, quam quem in
ejus libris videmus. Horum autem cognitio,
uti eruditae oblectationis plurimum, ita nihil
usus praesentis apud eos habet, qui justem
historiam scribere non aggrediuntur. Justam
dico historiam, quae posteritati paratur: nam
amplificatae nostrae quidlibet licere volunt:
Scholasticae autem illi, quae Humanitatis dis-
cipulos ad Eloquentiam praeparat, nemo Ve-
terum aptior Curtio fuit, fusus, amoenus,
irrepens in animos, et Rhetoris splendorem
ubique affectans. Ceterum in discipulis non

mul-

multos esse expertus sum, quibus eae sint in-
 enii vires, ut verum, ac proprium sibi Sty-
 am effingant. Inter ipsos viros, suum cui-
 ue spectandum ingenium, et puro, cultoque
 ermoni relinquendus liber alveus, quo sua
 um natura propulerit. Felicem te, amantissi-
 ne M. Carole, quem Natura, et studium eo
 am nunc provexere, ut mira styli facilitate,
 quidquid libuit, feliciter consequare. Quae
 de Spenneri in me animo nunciasti, cara fu-
 ere; quae de tuo, carissima. Vale optime,
 etiam in divinis memor.

Oeniponti, 13 Dec. 1760.

Ignatius Weitenauer.




EPISTOLA, QUAE
 ARISTOTELES STAGIRITA
 LIBELLUM REPUDIUM
 MITTIT PHILOSOPHIAE SIBI IN-
 GRATAE,
 ET ALIAM IAM SIBI SPONSAM DELI-
 GIT RHETORICAM.

*Haec quoque epistola, et quae eidem respondens
 proxime sequitur, perinde ut illa Wilhelmi mori-
 entis*



entis non mea sponte concepta, sed alieno pēnsi
instar a me concinnanda fuit arbitrio, cum The-
mata saepe non exquisitissima praestituerentur :
quibus exceptis tribus exercitationibus, reliquas
omnes meomet delectu evigilavi multo lubentius.
Neque vero haec ipsa materies mihi arridere tum
poterat, ubi veluti contra Philosophiam recentio-
rem, quam essem ipse haud pridem edoctus In-
golstadii, declamandum mihi foret apud eos, qui
pro Aristotele, tanquam pro aris, et focus, eti-
amdum dimicarent. Sed nec illa in artis exer-
citatione respuenda sunt argumenta, a quibus
multum ipse dissentias; uti tanto postea solutius,
feliciusque in iis versere, quae ex animi tibi sen-
tentia instituire liceat. Neque me fugiebat, qua-
dam adversus Collegii Moderatorem adulatione
hanc ab eo, qui themata assignabat, delectam
esse materiem: praecerat enim tunc domui Vir ex-
tra philosophicam haeresin ceteroquin optimus Ge-
orgius Hermannus, famigeratus antea Ingolsta-
dii Professor Aristotelicus, qui adversus celeberr-
imum ibidem Moraschium, Medicinae Doctorem,
ac Professore Publicum, Gassendi sectatorem, li-
brum ediderat multum ea tempestate jactatum,
qui

qui Lapis Offensionis inscribatur. Offensae autem causam ipse ibi sub initium memorat, dum Cl. D. Moraschrum Virum quidem Egregium, atque optime ceteroquin meritum nihil diffitetur: sed, quia manum suam ausus sit - instar Ozae extendere ad Arcam Domini, - id est, contra Accusantia Absoluta: eo nomine illum sibi profitetur oppugnandum putasse. Ad haec, aliaque hujusmodi cum alludat Elegia, quae isthoc praesidente fuit inter prandendum recitanda, facile animadvertet Lector, eandem ab iis, qui Aristotelem arctius complectebantur, non minimam iniisse gratiam; cum nobis interim junioribus, qui recentiora eramus docti, omnis ea declamatio satyrae instar ancipitis multo ab risu propius abesse videretur. Ceterum argumentum ipsum haud sane poterat Elegiam invitare, nisi res corporis expertes transferres in personas, personasque ipsas sic antea animares, ut longe remota jungi cum posterioribus, et cum moribus hodiernis conciliari nomine aliquo possent. Itaque et hac sum usus venia, necessitate versa in opportunitatem.



An pretium est operae, tua postquam gratia vilis

Esse mihi coepit, jam meminisse tui?

Aut mihi cum tecum nil sit commune, Sophia,

Ecquid Aristoteli scribere cura fuit?

5. Seu stomachabor ego, nec te majoris habebo,

Quam quae trans Thulen merx peregrina jacet:

Nil hoc profuerit; quis enim contempta lacescit?

Littera, quae spretam nunciat, ipsa negat.

Seu querar hic aliquid: querulos quid mitto libellos?

10. Isthac poena tibi muneris instar erit.

Ipsaque (nec dubito) velut es, tibi fingis honorem,

Quodque ego supplicium, tu decus esse putas.

Debuerat ringi, dices, si senserat ille:

Sensit is, et versu vel scelerata color.

15. Et coquit ille quidem, et iustas tamen opprimit iras,

Nec graviora licent, dum graviora timet.

Esto

Esto, quiritetur! vel sic quoque quaeritur illi

Commoditas mecum paucula posse loqui.

Haec sibi verba dabit mulier. Quid stultior
ergo

20. Ligna feram veteri plura vel ipse ro-
go?

Quid multis agito, quod verbo dicere possim?

Ipsane, quam fumo, sit mihi poena labor?

Sed nec ego tanti fueram, cui carmine scrip-
to

Lapsuram caneret nuncia charta fidem:

25. Nec verbis, sed rebus eras crudelis aman-
ti.

Quod tibi fas fuerat, dic, mihi sitne ne-
fas?

Fas equidem fuerit; sed et hoc scelus esse pu-
tavi,

Si, tibi quod placuit, non mihi noxa fo-
ret.

Nunc causam didicisse potes, quae scribere
iussit:


30. Si tu scripisses, fors ego mutus eram.

Laeva venis, dexter; si dextera, laevus abi-
bo.

Hoc ipsum, ut nolim, quod velis, ansa mi-
hi est.

Dum pudibunda taces, et crimen crimine ce-
las,

Orbe palam latebras persequar ipse tuas.



35. Perfida tu subito clam conjuge tecta relinquis,

Fugit ut eluso rapta Lacaena viro.

Te quoque Cartesius (sed nomine laedor ab ipso)

Te Paris hinc rapuit, quem Parisina tenet (*).

Quin Paridem potius rapuit sua Tyndaris ultro,

Raptaque quae mansit, praebuit ipsa rapi.
Cauta licet fueris, tamen es male provida,
nullo,

40. Dum scelus obtentu, vel ratione levas.
Ast ego sollemnes pleno tibi sole libellos

Porrigo, cessantis munera digna tori.

Non ego sive forum, seu conscia lumina vito.

Publica causa proba est: quem pudet, ille latet.

45. Sic quoque (quod, puto, jam nolles) mihi gratia facti est,

Quod sit fracta fides, nec revocata tamen.

Scilicet oblita es, sapienter fraudibus uti:

Mittere me poteras, si prior ausa fores.

Mittere me poteras: nunc mitteris ipsa; repulsae

50. Et, tibi qui poterat, nunc mihi cedit honos.

Hic

(*) Ubi scilicet situs est.

Hic honor, ut fatear, circum mihi pectora
ludit,

Femina quod fastu sit superata suo.
Quisquis erit, cui sint divortia cognita, di-
cet:

Fecit Aristoteles jam prior; illa tulit.

55. Et dubitas, verasne canam, an commentiar
iras?

Nec sentis, statuatur quid tibi laesus amor?
Verba quidem, nondum quae possim, grandia
volvo;

Et tonitru tantum parturiente feror.
Ne tamen ignores; quae sit sententia, paucis

60. Percipe: Non utor conditione tua.
Nunc age, cur nullam ferret tibi nostra salu-
tem

Littera, mirari desine: causa patet.

Fronte cares; hinc fronte caret, similisque
legenti est,


Exemploque tuo, quae sit, et unde, tacet.
65. Et tacet, et laesam se vindicat illa ta-
cendo,

Et quamvis loquitur, plus tamen illa si-
let.

Atque equidem volui nullos effundere quæstus:

Sed tibi tu caneres: Vicinus: ille timet.
Pandere nec causas, quare divortia mallet,

70. Mens fuerat; dubiam ne mea verba ju-
vent.



Sed tua cum nullis possis purgare libellis
 Crimina, quid fontis facta notare vetat?
 Nec tamen irascar, iustosque domabo furores;
 Ne succensendo forsan amare prober.

75. Nec frenis opus est, nec me labor iste
 gravabit.

Est aliquid, quod me non finit esse tru-
 cem.

Ne tamen aut simplex possim, supplexue vi-
 deri,

Iratos risus, nec metra blanda leges.
 Ira quidem procul est, ne poscere credar amo-
 rem.

80. Ne tamen ullus amor sit super, ira
 juvat.

Et sperabis adhuc, si vel te spernere dicam,
 Nescia, quo spernam fenore damna meo.
 Quodsi jam blando mulcerem carmine fastum,
 Cartesio, dicas, mollior ille mihi est.

85. Scilicet hic toties iratus: adultera, dixit,
 In te si vidit quid superesse mei.

Ast nimium pungo, dentemque per ulcera
 duco:

Flebit, et invitas imbuet imbre genas.
 Impuat illa licet, malefidaque pectora plan-
 gat!

90. Vulnera quam referat, non leviora facit.
 Quoque minus dubites, quam sint rata verba
 dolentis;

Nolo, satisfacias ad mea dicta mihi.

Ac-

Accipe, quodcunque est, nec munera munere
penſa,

Nec mihi tu porro ſcribe, nec ipſa veni.

95. Quid palles? pallebis enim, niſi perdis
et iſtud:

Nam rubor in caſta non niſi fronte ſedet.
Quid tamen expalles? quorſum miſer iſta re-
quiro?

Hei mihi, ſi ſupereſt cura vel ulla mei!
Donamus lacrymas; donamus, quidquid aman-
tum eſt.

100. Haec quoque quid valeant, quae va-
luere, ſcio.

Femina! nempe doles, quia te diſpendia tan-
gunt,

Nec licet ancipiti ludere fraude duos.
Me laeſiſſe parum eſt, nec idem, niſi vindi-
co, ſentis:

Linquere, non linqui, perfida poſſe cupis:

105. Nec me poſſe putes: neque ſi mihi fir-
ma voluntas,

Poſſe putes multo tempore ferre moras.

Adſuetis, dices, lente, faſtidia furgunt.

Quid metuo? reducem jam feret ille pe-
dem.

Ille pedem referet? quae te fiducia fallit?

110. Scilicet ut doleas ſpe male capta ma-
gis.

Altera praeripuit, quos tu tibi fingis, amores.

Nunc ſapiens odi, nunc bene laeſus amo.



Si fibris infixæ fores, tamen inde repulsa es;
 Successore novo vincitur omnis amor.

115. Miraris, quæ te thalamis extruserit ho-
 spes.

Hoc quoque, cum locus est, littera nostra
 refert.

Felix O nimium, nova si mysteria nollis
 Discere! Quid moneo? jam cupit illa ma-
 gis.

Sic quoque, si frustra moneo, bene retia je-
 ci;

120. Sique capi non vis, sic quoque capta
 mihi es.

Jam nova te conjux, nostri jam cura remor-
 det.

Perfida: Cartesio sicne recepta fides?
 Nec tutum est thalamos furtim spectare relic-
 tos:

Newtonus longis excubat usque tubis.

125. Et sine nare sagax Tycho, rivalisque
 Tychonis,

Et tu, post tabulam qui, Galilæe, fedes.
 Nec tecum loquitor: ne credita prodere ver-
 ba

Nolletus speculis, parietibusque queat.
 Et legis hæc? chartamne tulit Parisinus Agyr-
 ta?

130. Perlege; nil Gallus, quod vereatur,
 habet.

Non

Non ego tento fidem, quamquam, nisi perfida,
da, fida

Non potes esse; tamen non ego tento fidem.

Ille quidem rapuit: ne reddat, ego insuper opto.

Et data si nondum, nunc quoque danda fores.

135. Sarcina si reputem, quae sit mihi demta nocendo,

Cartesium de me vel meruisse putem.

Hoc tamen optabo (sed nil optare necesse est)

Hei mihi! congeminet: stulta rapina mea est.

Parcite rivalet, et vos date fata recursus,

140. Poena mihi raptus est rapuisse gravis-

Nuper Aristotelis fuerat, nunc ipsa Renati

Non nova sat novitas; sit nisi nata quater.

Haec gemat ille, licet: non sum ego crimine purus.

Crimen erat, quondam te placuisse mihi.

145. Par prope culpa mea est, quod te, latebrofa, perivi,


Meque reum pietas impietatis agit.

Cur ego tot studiis arsi juvenilis amator,

Cum rudis ignoto laesus ab igne forem?

Cur nimium faciles admisi protinus ignes,

150. Nec timui demens credulus esse tibi?



Cur etiam docui? cur auxi prole novercam?

Ah patior donis vulnera facta meis!

Ergone tot potui turmis certare procorum,

Plumis ut placeas, Galle superbe, meis?

155. Quidquid Anaximenes docuit renuenti-
bus astris,

Et qui Lunicolas ex Colophone videt: (*)

Aut quem frigentes leto mersere cicutae,

Et nil sollicitos qui putat esse Deos: (**)

Omnia dedocui, victorque potitus arena

160. Quod mervi, spolium sponfa Sophia
fuit.

Ah subit, et memini, quam te diversa gerebas,

Cum tibi primus amor, primaque cura fui.

Et placui, sensi, nisi si placuisse putavi:

Lumine nam in falso tunc quoque luscus
eram.

165. Te licet expeterem; prior attamen ipsa
petebas:

Nec Pater ipse Plato prae tibi prole fuit.

Dum mea regna tenes, dum toto es in orbe
recepta;

Tu quod eras, ego sum; dum mea regna
tenes

O quam Penelopen, tali cingente caterva!

At typus errantis qualis Ulyssis ego!

Cernat anhelantem specula rivalis ab alta,

Flensque meas pulsem, docta Lycea, fores?

Nunc

(*) Xenophanes.

(**) Diagoras.

Nunc me ferre jubes, quem sic vix ante ferebas.

Nunc fero, quae noster cornua summi amor:
175. Nunc male barbatus tibi sum, nec jam aptus amari:

Nam Sophus a mento, non tibi mente placet.

Scilicet antiquo me rursum includere ludo
Jam rude donatum tu quoque posse cupis.
Hic inter Juvenes, mento qui virgine ver-
nant,

180. Discere me (possim si modo) mira si-
nes.

Et modo si tremula daemunculus actus in un-
da

Saltitet, aut vitro pulicis exta patent:
Et modo si clausis jubar influat arte fene-
stris,


Nullus Aristoteles noverat ista, gemis.

185. Inde Gynaecium Gottschedo Praefide
furgit;

Omnia vernaculo cum docet ore loqui.
Non satis est Pindo merces vulgasse profanas:
Macra Viri Sappho denique facta Sopha est.
Nec tamen indignor, nec in istos invehor ho-
stes.

190. Convenit in mores asscla turba tu-
os.

Haecenus argutam, sed sola juvena vocabat;
Fraudibus utilior nam tibi visa fuit;



Et nova par veteri si dicitur, advolat aetas,

Seque stupent pueri protinus esse Sophos.
195: Adde, quod et novitas fallaci fascinet umbra,

Arbitrium juris nec sinat esse sui.
Dat veniam novitas, vexat censura vetustos:
Qui nova fert, quovis indice liber abit.
Vix ulli bis lecta placent; mutantur in horas,

200. Et minor est hodie, quam fuit usus heri.

Ast olim multo reverentia crevit ab aevo.
Nunc minor accessu, quam fuit ante, manet.

Jamque Stagiriten puer arguit udus: at ille
Nec quid Aristoteles, sitve Stagira, sciet.
205. Non sibi sat sapiunt, si, quod sapuere parentes,

Addiscant longa discere velle mora.
Plura sibi, quia posse volunt, jam posse videntur.

Ars brevis est illis, vitaeque longa nimis.
Nec quibus ingeniis nunc sunt, viguisse priores,

210. Nec, nisi quod videant esse, fuisse putant.

Quid Plato, quid Pyrrhon valeant, aut Zeno profundus?

Jam nec Aristoteles amplius: *αυτες ΕΦΑ.*

Pau-

Pauper is, atque pedes Gyaron, rigidamve
Cucufam

Aut ultra Thulen, antipodasve migret.

215. Eradent fastis, nomen censuque Sopho-
rum,

Quique prius meritis, stigmate notus erit.
Quin adeo nostris sacratus honoribus olim

Nempe dies posthac Cartesianus erit.

Sic ea lux quondam Iovialibus inclyta ludis

220. Dicetur quondam forte nefasta dies.

Pro Jove Mercurius laetis moderabitur horis,

Quodque is Saturno, nunc erit iste Jovi.
Rancidus in tumulto sic denique computres-
cam;

Ut perit incerto cymba relicta freto.

225. Semper ego auditor tantum, nunquam-
ne reponam?

Et *lapis offensae* num tibi semper ero?

Sed neque continuo, quod ii voluere, perac-
tum est.

Exspectant nutus ultima puncta meos.

Semper Aristoteles famae mendacia spernet,

230. Hostibus isque suis invidiosus erit.

Ingenii metas, famaeque egressus, in alto

Sum Diis contiguas visus habere domos.

Finge tamen, falso non nunquam schemate
captum:

Nam neque tu somniis, grandis Homere,
cares.



235. Gallus nonne tuus, nonne et tuus Anglus aberrant?

Error inest illis, quem, quia pulcher, amant.
Vos quoque, rivales, non vera, sed aemula
verī

Venditis, et lanæ voce crepante parum.
Vos quoque nescitis, stultaque tumescitis ira.

240. Scilicet aenigma est, quidquid hic or-
bis habet.

Non patuli colles, non sunt sine fraude recessus,

Et Thetys, et Thetydis littora, visa latent;

Omnia numen habent. An habent tamen omnia numen?

Sunt, ea qui manibus se tetigisse putent.

245. Nil nescire volunt: jam docta inscitia probro est.

Sed dum se jactant scire, putare probant.
Dii tibi dent multos, precor O! sic vivere foles!

Sat tibi supplicii sic novus addet Hymen.
Sis nova Penelope, centumque petare maritis.

250. Non ego Dulichius porro sed esse velim.

Est tuus Hobbesius; tuus est Gassendus et ipse;

Cartesius tuus est, Cartesioque fâti.

Si de tot sponſis jubeat te quiſque tuorum
Nominis eſſe fui, dic mihi, cujus eris?

255. Forte dabis partes? ſed ſi lacereris in
illas,

Quem facies totum ſemiſophia Sophum?
Noſtra quoad fueras, ſimul integra nupta fui-
ſti.

Nunc lacera eſt, quae tunc unius una fuit.
Quamlibet attonito ſis agmine cincta pro-
corum,

260. Nullus, qui lepide diſtinet: uxor, ad-
eſt.

Moribus haec iſtis nimirum vivitur aetas:

Tu metuſ ſaecula caſtior eſſe tuo.

Trita, frequenſque via eſt, et amare, et aman-
do vagari:

Trita ſit illa licet, ſit lutulenta magis.

265. Sed nihil iſta moror, ſpernentem ſperne-
re fas eſt.

Aſt Sobolem nequeo deſtituiſſe pater.

Redde mihi partus, ſi ſunt mea pignora pro-
bro:


Aut hos ſi dubitas reddere, redde pares.

Ut taceam reliquos, geneſis vel ſola ferarum

270. Res eſt, Carteſius cui pater eſſe ve-
lit.

Quidquid Alexander potuit, totuſque Magi-
ſter,

Hic opera, is pretio, fert meus ille liber.



Ast et posteritas alios transcribit, et audax

Nomine subsignat nomina nostra suo.

275. Hoc etiam (quis enim propria non tangitur arte?)

Materies nostri magna furoris erat.

Perfida cur thalamos, sed rapta prole relinquit?

Cur nec clementem, nec finis esse trucem?

Cur satis irasci mihi non licet? arguo frustra,

280. Dum sobolem vultus cerno referre meos.

Cerno referre meos: ast et tua cerno referre

Lumina deceptum prodere docta patrem.

Quid superest? raptos habeat sine lite libellos.

Sic mihi sunt damno damna redempta levi.

285. Ut libet, arcanis jactet se perfida furtis,

Non habet eventus fordida praeda bonos.

Dum spuriis mea verba notis, scholiisque repurgas,

Res mea jam reliquum nil habet ipsa mei.

Ac velut adversa phrygianum parte tapetum

290. Extremos ductus, filaque crassa refert:

Sic ego confixum varia sribligine cernens,

Saepe rogo: partus, dic mihi, noster ubi est?

Tota adeo, quanta es, nil illius, illius ultra,

Prima Stagiritae quae fuit vxor, habes.

295. Quid tornata iuvat, quid te fabrefacta
supellex?

Quae fueris, quae sis, sic quoque picta,
patet.

Non nisi mechanicis monstras operosa parer-
gis

Atria: pars minima est Ipsa Sophia sui.

Non ego Pygmalion, cui faxea nupta place-
bat:

300. Non ego Praxitelis qui miser arsit o-
pus.

Machina nulla placet, nisi si Deus adsit in
illa.

Tu mihi res monstras: causa petita mihi
est.

Omnia quid memoro, quorum vel singula prae-
stant,

Ut sequior causa sit tua causa mea.

305. O male grata nimis, cui non sat vixi-
mus uni!

Sed tecum ut potui vivere, sic sine te.

Vincula jam demum fidum stringentia pec-
tus,

Et trepidae finem vulnera mentis habent.

Nunc tu gryhes equis conjunge; repelle pro-
pinqua;

Et tangi athletae verbere terga nega.

Sint



Sint tibi tres quatuor: sit et arcus quisque tri-
gonum:

Qualibus, et quantis pace mea bene sit!
Dum tu cum thaalamo nos, et te deferis ip-
sam,

Rhetorice viduos non finit esse toros.
315. Dum spoliavit amor, dedit indignatio
sponsam:

Jam tamen hic amor est, quae prius ira
fuit.
Jam placet ipsa mihi, quae vix placitura pla-
cebat.

Jam nollem laesam non prius esse fidem.
Jam sedet haec gremio; placet haec, penitus-
que recepta est,

320. Et me delicias, tu velut ante, vo-
cat.

Forsthan et quaeras, cui sim magis utilis arti.
Livida, si nescis, ars ab amore venit.

Nec, reor, invita nos hanc coluisse Minerva.
Plus Cathedra, dubito, glorier, anne foro.

325. Me Marcus Fabius, me Marcus Tullius
ornant.


Ille Patrem Suadae me vocat; iste virum.
Ipsa simul, quanta est, mihi se debere fatetur,
Et quidquid clarat rostra, fuisse meum.

Siquid adhuc deerat, ne posset comita videri:

330. Ingenio coepit comitior esse meo.
Et gratis ne sim felix, accedit amori

Dos quoque: sat dotis sit licet ipsa sibi.

Dos



Dos fedes, Academe, tuae; dos fama per orbem

Quae Sophus amisit regna, disertus habet.

335. Et pridem, ut fatear, lentos objecit amores.

Ah quoties dixit faucia: ferus ades!

Pars melior Sophiae studiis est trita diei:

Dum gravis es dapibus, denique, lente, venis.



Me Miserum! lapsas revocet mihi Jupiter horas!

340. Quod sine Rhetorica, tempus inane fuit.

Sed pensare ratum est geminato frigus amore

Perfida tu videas, invideasque soror!





EPISTOLA APOLOGETICA PHILOSOPHIAE AD ARISTOTE-

LEM,

QUAM ILLE PERFIDIAE ACCUSAVERAT.

PURGAT IAM SE PHILOSOPHIA RECEN-


TIOR, ET CRIMEN HAC EPISTOLA TUM A
SE DEPELLIT, TUM ALIO CONFERT.

*Quoniam sum rebus ad intelligentiam versuum
pertinentibus compulsus, Hermannii nomen olim
celebre in prolegomenis ad superiorem proferre
epistolam: nec illud dissimulare fas erit, quis ex-
adversum pro Philosophia recentiore auctoritatem
hic suam interposuerit: nam et hic, uti olim Mul-
ciber in Trojam, pro Troja stabat Apollo,
ita studia studiis pro varia potestatis vice prae-
pollebant. Cum interfuisset superiori recitationi
Vir Clariss. maximisque functus muneribus Ig-
natius Rhomborgius, idemque Philosophiae eclec-
ticas a multo jam tempore haud paulo, quam pro
aevi-*

aevi paene venia, additior, collaudato specimine, ut ad humaniores, quas tuebatur, litteras adderet incitamentum, simul illud diserte desideravit, uti responsiva quaedam Philosophiae ad Aristotelem Epistola, ubi Monachium esset iterum diversurus, sibi a me publice praelegeretur. Neque isti postulato resisti a quoquam per exigentis auctoritatem tum poterat. At mihi volupe erat tanto impuni in animo collocata exponere. Itaque continuata Personarum fictione cum suis lusibus, quibus jam prior imbuta erat epistola, ascivi itidem non nulla ex Historia Philosophica, quae plenius in Bruckeri praestantissimo opere conferri queant; ea quoque te compulsus ad excurrendum, quod mensae tempus aliquanto tum productius erat recitatione implendum.

Mittit Aristoteli, quam non dedit ille,
salutem

Nota manus; tecto nomine nota magis.
Hei mihi, quae nostris indigna modestia factis
Fronte mihi prima jam simulanda venit!



5. Nomina celari scelus est, scelus estque fa-
teri.

Hoc nocet: ast illud signa nocentis habet.
Et nisi si nescit, quis scribat, epistola frustra
est:

Et nisi si fatear, nesciet ille minus.
Ah utinam possem vel non rescribere lectis,
10. Aut hunc, qui prohibet scribere, ama-
re minus.

Esto! vel ex ista nomen formidine discat!
Ipsa modo. celem: fors erit ira minor.
Infimulat fastum: nunc sentiet ille modestam,
Quodque magis dubitat, sentiet ille suam.

15. Hoc saltem reliquum faceret tua turba
precabar,
Fingeret ut, salvo semper amore, ream.
Non me nunc animi dubiam tuus error ha-
beret,

Integer Oppressae si superesset amor,
Nunc purgaturae, quae nunquam crimina fe-
ci,

20. Nolle mihi impingi crimina crimen e-
rit.

Et qua, ne laceres, rogo, fors lacerabitur
ipsa

Littera, et errorem, cui cavet illa, luet.
Non tibi quod falsis sum picta coloribus ab-
sensus,

Vulnus erat, quamvis hoc quoque vulnus
erat:

25. Sed quod me prohibet pariter tua charta
receptu,

Durior in Sponsa es, quam vel in hoste fo-
res.

Hei mihi! prorupit vox invidiosa legenti,

Da veniam, nequeo non meminisse mei.

Non usûs, animive sinor dediscere voces;

30. Ille facit sponsam, me facit iste tuam.

Et quamvis fontem, ne tu fons esse puteris,

Fingere me ritu supplicis ipsa velim:

Mox veteres tamen in titulos invita relabor,

Nec potis est veros lingua tenere sonos.

35. Nec procul abfuerat, quin me sim fassa
Sophiam.

Quid fremis, O conjux? haec peregrina ti-
bi est.

Nec tamen hanc fateor, sed vellem posse fa-
teri,

Et minuo culpam, qua licet arte, meam,

Quid furis in tabulam? fingam, precor, om-
nia frustra,

40. Et male quae metuo, mentiar ipsa
mihi!

Quid furis in tabulam? sero jam scissa peri-
bit!

Nam nisi tu scriptum perlegis, ipsa veni.

Et veniam certe; quoquo sinis ista valere.

Sed malim, dicas tu tamen ipse: veni.

45. Quod nisi eris facilis, coges violenter amare.

Da potius victas, dum potes, ultrô manus.



Quanta tibi facient ipsi convicia vultus,
 Cum peraget candor voce silente reum?
 Tunc tu te primum poteris sentire nocentem,
 50. Tunc isthaec, dices, hei mihi fida fu-
 it!

Haec quoque, quam cernes, haec est scriben-
 tis imago.

Ah quam pro chartis ipsa subire velim.
 Quid nisi nunc etiam dominum convincor
 amare?

Non me nil quidquam noxia ficta juvat.
 55. Aspera rescribant, quos sola injuria tangit,
 Quem simul urget amor, tectius ille fremit,
 Laesa fui primum Pentheis proxima Bacchis,
 Et satis ad stomachum scilicet oris e-
 rat.

Nec reditura fui, Stygiam jurata paludem:
 60. Iam veluti vinclis in tua jura trahor.
 Pejus amo rursus, vel dum pejora legebam.
 Sed novi vires sic quoque vincla meas.
 Saevit amor supplex, fletu crocodilus in
 ipso,

Tu fac, ne plorem: nec crocodilus ero.
 65. Non cicures lacrymae, quas conflictatio
 solvit.

Hic bonitas odit virus amantis habet.
 Talis in Aeneam Dido, blandita maligne,
 Huc illud oculos, imbre cadente, tulit.
 Talis perjuri promissaque, velaque Thesef
 70. Flevit praecipites Cressa tulisse Notas.
 Ta-

Ah premor exemplis: felicior utraque vixit,
 Haec cum Lenaeis tigribus, illa rogo.
 Ille brevis luctus; noster tot saecula cre-
 vit;

Aetatemque ferunt jurgia nostra suam.

75. Forsitan hic credas tantum muliebria frustra
 Arma capi, nullum vincere digna virum.
 O precor, hoc possis; precor, in certamina
 surgas:

Littera praeipue te cupit ista virum.
 Femina tam valido jubeor certare magistro,
 80. Telaque cuncta pati, nulla referre re-
 tro.

Vis, mea probra legam: prohibes rescribere
 lectis.

Pro se quod sapiat, num caput unus ha-
 bes?

Vix mihi processit versu tua pagina primo,
 Tunc poteram scriptis abstinuisse tuis.


85. Virgo ego sustinui: tu vir perferre recu-
 sas.

Et mea te mulcet, me tua Musa fugat.
 Spernere me totam poteras: cur spernere ver-
 ba

Sit labor? ah moneo, quod procul esse ve-
 lim!

An cum mordaces pleno tu sole libellos

90. Porrigis, illectos nox premat alta me-
 os?



Publica causa tibi placuit: fit publica causa.

Tu licet abjicies, quod legat, orbis habet.
Sed non carminibus mihi gloria quaeritur i-
ftis.

Ipse legas: orbis tu mihi solus eris.

95. Nec tu verba leges fastus testantia mag-
nos,

Atque tuis similes, qui domuere meos.
Sed molles elegos, nimiumque juvantia du-
ros

Supplicibus refero nuncia vota modis.
Terea tu quando praeferes, ego vinco colum-
bas.

100. Nec dolus artis hic est: ars mea mag-
nus amor.

Me miseram! sic ipsa volens me praebeo vin-
ci,

Et monstro, quo fim confodienda, latus.
Dum precor, ignoscas; venia peccasse proba-
bor,

Atque ea, quae fugio, cautio damna feret
105. Ille triumphabit, tacitos dum prodo do-
lores:

Ille meos gemitus arguet orbe palam.
Certior a precibus, graviorque futura repul-
sa est.

Sic is, quae de me plurima jactet, habet.
Iactet et ille, licet, dum perlegat omnia certe.

110. Hoc mihi sint damno damna redempta,
precor.

Sed

Sed nec rivales te, vel quae nescio, tangant

Probra Supercilio non patienda tuo.

Non tibi Cartesius, quamvis es totus in illo,

Prima meae fidei damna daturus erat.

115. Ipse, quod accusas, veniam tibi criminis auctor,

Ipse mihi facias, si cano grata minus.

Sed nihil hoc vereor, ne, quod facis ipse, molestum

Dixeris: exemplo sum bene tuta tuo.

Hei mihi, cur timui tacitas manifestius iras

120. Prodere? Plus pudor hic rusticitatis habet.

Da veniam, si certa quidem, sed testata fate-
mur.

Multa, licet simulas, prodixit at ipse mihi.

Et quoties relego, toties mihi gratior ira est,

Ipseque fert pretium majus amore dolor.

125. Non bene dissimulas; tua te facundia prodit.

Multum amat is, multis quisquis amare negat,

Asperitate redixit: ut conciliare, laboras.

Asperitate cares: conciliare cupis.

Quod finis, hoc metuis: quod non finis, in-
sequar, optas.

130. Si tibi, quod mandas, annuo, tristis eris.

Sic etiam rapta Briseide saevus Achilles

Propter maternas otia captat aquas.



Nec modo non recipit, pugnat quoque, red-
dere raptam

Ne velit Atrides, velle sed ille facit.

135. Dum furit: et pejus saevit saeviro recu-
sans,

Pugnando vinci sic tamen ille cupit.

Tu quoque, dum fodicas, cinerem scrutaris
amator,

An lateat nullis abdita flamma notis.

Optas mutus idem, quod nos; sed tectius
optas,

140. Et pudet hanc cunctis dicere verba
palam.

Nec, quod verba sonant, friges: sed hone-
stius ardes;

Neo tibi sons videor: ne, videre, caves.

Utque prior laesus sic laesae irasceris ultro.

Ut cesset culpa culpa repulsa tua.

145 Sed nimium declaro dolos. deprendere
furtim

Sat fuit: in lucem quid reticenda fero?

Quid, nisi prodidero, deprendere profuit ar-
tes?

Dicet is: exemplo ringitur ista meo.

Quod facit, ars nostra est; furem fur fallere
tentat;

150. Ut queritur, questus sic prior ipse
fui.

Tunc magis extimui, supplex a fronte libellus
Dum finxit verbis pondus inesse meis.

Nunc

Nunc propior laesae rixis jam falsa fatetur,
 Quae timui, ne fors vulnera vera forent.
 155. Haec nisi tu sentis; tamen haec sentire
 videris.

Tum quoque si fallor, commodus error e-
 rit.

Ars deprensa mihi est, si falsa noster in ira
 es;

Nec me fraus porro jam patefacta decet.
 Si furis ex vero, cur sic, ut amare puteris,
 160. Atque ita te videar demeruisse ma-
 gis?

Dum sine mente furis, ceu tantum ludere vel-
 les,

Ceu doleam, ludens ipsa, rependo vices.
 Ut facis incertam tu me, sic pandere de me
 Nil decet, et pandam: nec tamen inde
 fcies.

165. Non sum cara, reor. magni sed suspicor
 esse.

Cum toties dicas: nostra fit illa, pre-
 cor.

Nam minuit laudes, sed nunquam littera sper-
 nit.

Tum quoque, cum dicis: sperno, dolere
 probas.

Dicis enim vilem: vilem sed reddere nescis,
 170. Nec tua me critico verbere virga no-
 tat.

Quae



Quae centum, ac unum quondam objectare
solebat,

Nil haec fedulitas, quod modo carpat, ha-
bet.

Carpat ut illa meos, non me vexabit et ip-
sam;

Unica nam fontem secta professa facit.

175. Nupta quoad fueram, juravi in verba
mariti.

Nunc mihi de multis tuta probare licet.
Siquid Aristotelem fugit, vexata Sophia est:

Siquis is alter erat, carpsit Aristoteles.

Vera licet vidit, si non prior ipse videres,

180. Vera est per causas obruta causa tu-
as.

Siquem non damno, manifestum dicis amo-
rem.

Si damnem, flammam dissimulare putes.

At sensu sibi quisque suo temulentus abun-
det.

Non ego cui placeo, protinus ille placet.

185. Nunc oculos aperire datum est, et ver-
tere ludum:

Queis saperem, dentes fera propago mihi
est.

Nunc dare qui voluit, fas huic auferre re-
pulsam,

Quaeque diu quæsta est, ipse querare, fa-
cit.

Non

Non mihi more tuo verbis strepitare placebat;

190. Inque vicem potius, quod cupis, accipio.

Ah graviter faevis, qui damna petita minaris,

Quaeque tenere nequis, ipse valere jubes.
Pellere cum possim, non est infamia pel-
li.

Non ego, te facto paupere, vilis ero.

195. Sed tu tacta mihi gelida ceu membra
cicuta

Expallere putas, dum tua scripta lego.
Haud minus extimui, quam fit Lavinia con-
jux

Prostrato Rutulo territa pace tori.
Cur igitur flevi? nempe ut te flere doce-
rem.

200. Cur sum quæsta prius? nunc ut ova-
re queam.

Admonitu renovanda fuit, ne plaga coi-
ret.

Tum jactura gravis, cum tenuisse pu-
tes.

Cum supplex tibi visa fui, penitusque recep-
ta,

Perdor, ut Euridice, jam data, rapa fu-
git.



205. At puto, rusticitas tibi forte vocabitur
isthaec,

Quod nil detrecto, laesaque laudo nefas.
Nam poteram revocare fidem, aut retinere
precando.

Quem fugit hoc; mores non satis urbis ha-
bet.

Sed non est tanti. Vereor nec rustica dici.

210. Urbanam potius tu nimis esse doles.
Hinc illae lacrymae, cum urbes mihi, regna-
que plaudant,

Quod senis effoeti nil valet arbitrium.
Sandalium Veneris citius stomachere licebit,
Quam carpas, aevi quod probat aura sui.

215. Publicus hic sapor est, ex quo mortali-
bus aegtis

Corda dat argilla de meliore Deus.
Sublimes animae, quas non formidine tur-
pi

Nidus habet patris: sub Jovis axe voiant.
Non illis Cynosura opus est. Sine cortice
nare,

220. Et nova tela sciunt Marte vibrare
suo.

Turpis in alterius defossa scientia promptu.

Ecquis scire satis, quod sciat alter, ha-
bet?

Nec tamen hos fugiet, quidquid scivere prio-
res.

Sed ne furta putes, sunt cumulata novis,
225.

225. Nec successus abest: possunt, quia posse videntur,

Semper et inventis ulteriora petunt.
Demonstrant oculis, ne verbis jurgia crescant,

Ah nimium vera punximus ulcus acu!
Ipse velim tantos (modo nunc Plutonia missum

230. Regia te faciat) contueare viros.
Quo feror imprudens? Cur fomite sopio flammam,

Tene ausim culpa conciliare mea?
Scilicet irato rivales nosse necesse est,
Ipsemet ut videat, quae neque ficta velit?

235. At placet hoc aliis. fraus haec in amore recepta,

Nutriet ut tepidas aemula flamma faces.
Hoc equidem faciam, si vellem rursus amari.
At quae non cupio, quaero nec ipsa cupi.


Nec fraus ulla subest, tantum fortasse verbor,

240. Ne dicas, nostra est, quam mihi nemo tulit.

Nemo tulit certe. Sed non tua protinus essem:

Nec tibi cum multis tuta repulsa tua est.

Quod



Quod sapitis, laudo: quod vos fugit, ipsane
credam,

Caecaque pro vitiis arma movere velim?

245. Vapulet, arcana qui credit lege repel-
li,

Atque iterum arcano federe cuncta tra-
hi.

Is licet occultas antico limine vires

Ejiciat, reduces posteriore probat.

Occultas putat esse quidem, negat esse solu-
tas

250. Corpore posse tamen, nec nova mon-
stra parit.

Nec tamen hunc tueor: retinere quis omnia
cogit.

Castra mihi fas est, quae placuere, sequi.
Et mihi quis monadas forma, spatioque ca-
rentes

Obtrudat? probet haec, quem juvat esse
nihil.

255. Devoret ista, precor Silesius ipse Ly-
caon (*)

At nimium gravis est haec medicina mihi.

Sed neque Cartesium (nisi nomine crimen in
ipso est,

Urbs etenim Paridem te Parisina monet)

Sed neque Cartesium de me contende scelestum.

260. Displicet ingenio, crede, Poeta suo.

Quas

(*) Cl. Wolfius.

Quas mihi delicias faceret, nam quaeris et
istud,

Cui mens sexcentis ebria vorticibus?

Omnia confiteor; miscet quadrata rotundis,

Mille struit motus; posse movere negat.

265. Atque, fatigatas ubi jam liquet Icarus
alas,

In regione scobis regna quieta locat.

Ivit in haeredes sententia lubrica: terram

Fixo sole jubent aetheris ire vias.

Decernuntque adeo, quae sit respublica Lu-
nae,

270. Nec jam Xenophanes posteritate ca-
ret.

Haec ego dum fateor, confessaque persequor
anceps.

Cur mihi das toties, ludo quod ipsa, pro-
bro?

An me criminibus satis est terrere meorum?

Rem facit alterius non nisi secta meam.

275. Si nullum sequor ex toto, quid pessima
tangis?

Deficiente uno, nullus an alter adest?

Aut si tanta tuae tibi sit fiducia laudis,

Alterius merito damna quid ipse times?

Sed quae damna feres, nisi nostri? Solane tan-
ti

280. Sum tibi: rivales ultima cura fo-
rent?



Credere vix videor. Sed ne te cura fatiget,
 Exposui, quonam sit mihi quisque loco.
 Omnia nemo tenet: retinendus in omnia ne-
 mo:

Optima sunt vario non nisi sparsa solo.
 285. Inde nec auctores, sed tantum dogmata
 curo.

Haec probo: nil refert, Tros, Tyriusve
 fiat.

Si sapiant plures, sapiam si pluribus ipsa,
 In laudes studeam casta quid esse tuas?
 At nihil irascor, verbisque ita mollibus utor,
 290. Ut videar causam dicere velle me-
 am.

Scilicet ille parum reus est, solemur ut ip-
 sum,

Quod sit cum multis conditione pari?
 Quis credat? Quo parco magis, plus laeditur
 ille:

Hoc quoque supplicium est pluribus esse
 parem.

295. Nec tamen excuses vel talia ferre pro-
 corum

Praelia; si modo ne totus abesset amor.
 Hoc quoque finge tibi, quamvis et fingere du-
 rum est.

Si levior fueram, cur gravis ipse parum es?
 Cur si rapta fui, tibi danda vel ultro vide-
 bar?

300. Cur petitur damni gloria tanta tui?

Ast

Ast ego si tragicas imiter nil territa voces,
 Propatuloque sonent verba professa foro:
 Falsus Aristoteles solus mea limina purget.

Hic tibi pallori, perfide, versus erit.

305. Hei mihi difficile est, rixas confingere
 falsas,

Ebria nec sano pectore verba fluunt.

At jamiam in melius veras converto quere-
 las.

Si potes, audi iterum: fors repetita pla-
 cent.

Falsus Aristoteles careat me solus amica;

310. Non tu, sed per te qui tibi falsus
 erat.

Aemulus haud fuerat de me metuendus a-
 manti:

Quantum ad rivales, Icarioris eram.

Quos tibi credideras fidos, hi damna dedere,

Nomine, ne nosces, dum latuere tuo.

315. Contra te sollers, rerum male gnare,
 fuisti,

Et nimium de te me meruisse doles.

Idem me falsos velles supponere partus,


Supposuisse tuis qui modo questus eras.

Quae damnas, tua sunt: quae sunt aliena,
 tueris,

320. Dum jam nominibus credis inesse fi-
 dem.

Nam simul Elysium, ruptura silentia rixis,

De Peripateticis grandior umbra petit:



Iam gemit haec ultro, jam saecula prisca requirit,

Et nova te penitus dedidicisse refert.

325. Evigilant umbrae, quas Pluto quiescere iussit,

Et fremitu Ditis regia docta sonat.

Nam redit in cerebrum specierum missile vulgus.

A tot imaginibus jurgia quanta volant!

Stulte, tuos credis, qui de me crimina portant.

330. Dogmata, si sapias, fac, aliquando roges.

Tunc ego me fatuam patiar, caecamque videri,

Si mea vel nova sunt, vel tua nota tuis.

Nam quid Grammaticos, quorum est Aspasi-
us alpha,

Commemorem partus admutilasse tuos?

335. Illi de cerebro veteres explere lacunas;

Quidquid non scirent, demere; scire parum.

Mox ubi opinandi sensim lascivia crevit,

Unica secta fuit: Tu, Plato, Zeno simul.

Iamque tibi assutus divini cento Magistri;

340. Iam de Zenonis veste refarta tua est.
Sit venia Ammonio, nec te, Dexippe, laces-
sam.

Quid querar hos? Arabes dum nocuere magis?

Quo

Quo magis admiror, quid nunc tam dira pre-
ceris,

Cum mihi barbaries temporis ejus abest?

345. Tunc infida fui, quamvis invita, mari-
to;

Tunc ego, tunc sensi, quid sit abesse vi-
rum,

Ah quoties gemui frustra Tophaille sub illo,

Quem Quackerorum de grege quisquis amet.

Mitior Algazel, odium qui fronte professus.

350. Nomine sed reliqui se crepuere tuo.

Nam quid sincerum speres ab Averroë porro,

Cognita cui linguae non elementa tuae.

Ille vel in titulis, et frontibus errat in ip-
sis.

Vah speciem fidei, dum quoque fallit, ha-
bet.

355. Iam tu carpe novos. veterum quoque
gratia rara est,

Concordes numerat secta nec una duos.

His Avicenna placet: schola damnat Averro-
is illos:


Se nequeunt; possunt jungere gryphes e-
quis.

Quis tuus ex illis? num qui robustior ore?

360. Hac ibi dote tamen fas fuit esse tu-
um.

Vox pro luce, et bucca sonans pro mente
sagaci,

Et rabies fecit pro ratione Sophum.



Nec quae vera forent, sed quae tenebrosa,
probabant,

Curaque rivalem vincere major erat.

365. Et nisi si totidem retulisset verba, do-
lebat

In collega oculos alter ut hoste tenens.

Hinc nihili voces, et vocibus additus error,

Discere quas gravis, et dedidicisse labor.

Insidiae turpes, et monstra horrentia Blictri,

370. Rebus ut in liquidis mystica verba fo-
rent.

Omnia nam vero si nomine dicere vellent,

Si castis uti vocibus, ante scias.

Sed nec mira forent. hinc ut graviora puta-
res,

Discebant sequius, quam potuere, loqui.

375. Et si nullus erat nodus, tamen angere
nullo

Se poterant, magna fedulitate rudes.

Sic lolium infelix, sterilisque adolevit ave-
na:

Crux fixa ingeniis, dum sapuisse nefas.

Nec pudor, his omnem nugis consumere vi-
tam,

380. Et siccas stipulas exagitare fuit.

Sic tamen in Cathedras Capito se sustulit in-
gens,

Et tua, Gansforti, pallia nomen habent.

Ah quoties miserans, O languida saecula, dixi,

Quis non Holcotio doctior alter adest!

385. Et quoties risi, clamans cum saepe Co-
meſtor;

Dixit Ariſtoteles, vincere viſus erat.
Sed non Occamo, non Scotto comparo quem-
quam.

Hi norunt, quae ſe nescit habere Deus,
Vulcani pedicas, et viſcera nentis Arachnes
390. Diſcernas citius, quam paradoxa Vi-
rūm.

Atque ita difficiles tantum Dialectica nugas.
Cum caperet, Logice tota Sophia fuit,
At Phixicae tunc alta qſties, longusque ve-
ternus,


Et quidquid frugi eſt, ultima cura fuit.
395. Nam quis remigium teli, quod recta vo-
laret,

Qualis in Aeneae venit arundo latus;
Vel quis ſollicitus labentia noſſe deorſum,
Quae ſenſit vertex, Aeſchyle calve, tuus?
Quis tunc Eurippos, qui te rapuiſſe ferun-
tur,

400. Quis maris, et caeli tunc agitare vi-
ces?
Quem tetigit magnes, qui ſim, precor, ipſa
marito,

Quemve ſub averſo piſta trigona ſitu?
Num pronos jaſtus carptim gravitate caden-
tes,

Aut ipſas volucrum num didicere vias?



405. Electri vires, et nunc imitabile fulmen
Nunc quoque quis nosset, si sequeremur a-
vos?

Quae via sit lapidis, quem sursum navita jac-
tat,

Effusum ventis dant ubi vela sinum:
Cur toties tonso procurrant flumine testae:

410. Cur guttae saxum saepe cadendo ca-
vent:

Quae cunei vires: quid in orbem trochlea
posset:

Cur pugnent vaeuo ventre patere globi:
Cur modo quae merfit, Neptunus corpora
reddat:

Quî caput ad fluvii versa levetur aqua:
415. Reddere cur truncos soleat vocalibus an-
tris

Garrula Nympha sonos, nec prior ipsa lo-
qui:

Aeolios fummis quid frangat in Alpibus utres:

Cur venis filioum flamma citata volet:
Talia quaerenti, quae nunc jam trita senes-
cunt,

420. Hoc unum poterant dicere: cuncta la-
tent.

Quosque patres fugit, decuit nescire mino-
res

Id quoque, et antipodas dicere crimen e-
rat.

At

At tibi, si memini, quondam mens altera se-
dit,

Et primas Physicae tum dare certus eras.

425. Haec est, ne dubita, tibi quae dat in
omnia regnum,

Perque Medicaeos ne Plato praestet, ob-
est.

Nec tibi sunt veri res incomperta colores,
Cuncta nec ad solem visa referre novum
est.

Anne Stagiriten taciti latuere meatus,

430. Quae remeat fusus claustra per arcta
fluo?

Scilicet is totum qui dixit in aethere ferri

Aëra, materiam non probat ille meam?

Hunc rear occultis asciscere cuncta tenebris,

Qui causam, cur lux transpiciatur, ha-
bet?

435. Tune sonum caeco repetis rudis hospes
ab ortu?

Tune Jovem vacui fingis habere me-
tum?

Nata modo sursum, morientia nuncque deor-
sum

Num sunt impetuum millia nota tibi? (*)

O 5

Non-

(*) Inter ultimos nostra tempestate Aristoteleos Professor
quidam Graebelius sub annum 1756. Impetum, acci-
dentis absoluti genus, quaquaversum halsci aptum,
defendebat Ingolstadtii.



Nonne magis placuit fons exterus aetheris
acti?

440. Sed cave, quae sentis, confiteare tu-
is.

Non placet his aër, nubes suspendere nafus:
Sole trahi statuunt, quidquid ad astra vo-
lat.

Omnia fideribus juvat hos accepta referre:
Scilicet his longas quis neget esse manus?

445. Nec liquidas dixere domos stellantis O-
lympi;

Quod ferat Alcides, ne, puto, desit o-
nus.

Ut fungos memorant sine semine surgere ter-
ra,

Haud secus e putri te quoque, bruchæ,
citant.

Nunc age, quid mentis credis, mea vita,
fuisse

450. Tunc mihi, dum vixi parte minore
mei?

Atque equidem tacui; nam quid sine vindice
possem

Femina deserti postuma praeda tori?

Non Seji sonipes, haud illos emtus in usus,

Mutavit toties, quos male mulcet, heros:

455. Per varios quoties ego sum trajecta ma-
gistros,

Vendibilis culpa facta Sophia tua.

Nam

Nam quid Alexandro visum est me credere soli,
Curque nihil de te conscius orbis habet?
Cur fieri doctos, nisi te praesente, cavebas?
460. Cur finis ambiguos, qui tua scripta
tenent?

An quia discipulo regnum cum Rege magister
Gesseris, haud fuerant fata timenda tibi?
Tu moreris, moriturque tibi Jove natus A-
lumnus.

At nullis tabulis vivo superstes ego.

463. Dic mihi, quid feci, quod pignora ve-
ra negares?

At, quae non dederas, cur petis illa tamen?
Cur laesum quereris fedus? num laedere pos-
sim,

Cui data, quam servem, non fuit aequa fides?
Ut dicar sentire secus, quid senseris ipse,

470. Dic mihi: quod quereris, quaeritur
istud idem.

Vel tu teste proba, quae sit sententia menti.

Quid peto? ne constet, maxima cura fuit.
Ingenii famam tibi; perfide, colligis uni.

Ingenio causas sed tamen ipsa dedi.

475. Scilicet hinc longas pallenti lampade noc-
tes,

Meque fefellisti, ne meus esset honos.

Nunc ego perjuro sim religiosa marito,

Qui ne fida forem, prodidit ipse fidem?

An quia nil nocui; quia dissimulavimus iras,

480. Nos credis facinus praeteriisse tuum?

Non



Non satis est? impunis abis: punire laboras
Nunc etiam, et sceleris, cujus es auctor, agis?

Hunc ego complectar? quin te ferat ultima
Thule!

Erravi: poenas, si fugit ille, levat.

485. Haec vindicta placet: fuero tua, nec
tua dicar.

Semper ero conjux, semper et hostis ero.
Regna tibi soli cupiebas, solus habebis,

Nomine sed nunquam regna vocanda tuo.
Invitus teneas: nequeam tamen ipsa teneri,

490. Et quaecunque juvant, sed sine lege
sequar.

Te tantum fugiam: saltem tua nomina per-
dam.

Atque utinam toto tota carere queam!

Sed nequeo: foret aut cunctis caruisse ne-
cessum;

Dum novus edideras cuncta priora parens.

495. Et tamen hoc laudi est, cupiam licet
ipsa minari,

Te sine quod nequeam vivere, posse velim.

Non ego te quidquam, sed, quae sunt optima,
prenso.

Sic quoque, quem fugio, persequor usque
virum.

Accipio: Sint haec nobis commercia tecum,

500. Ut semper nolim, cogar amare tamen.

DE
MODERAMINE AMORIS
LIBER SINGULARIS
CARMINE
DIDACTICO;
INTER PRIORES TERTIUS.

Prava vel es, natura, nimis contraria legi:


Vel tua naturae contraria barbara lex est.

Bern de la Mannoye. alla Haye 1716.




PROLEGOMENON

Olim a me inchoatum Monachii sub annum 1761, tractatumque hoc argumentum cum jacuisset deinceps magno temporis intervallo a me plane derelictum, multo demum, posterius rebus jam commutatis, atque etiam dimissa Historia, coepi quodam in otio ad incudem, ac partim ad limam revocare. Itaque recisis non paucis, accessiones porro feci multo majores, ut jam in systema quoddam coagmentaretur. Ac tunc demum intelligebam actum esse mecum pulcherrime, ut carmen olim per avocamenta alia non possent longius perducere; quippe qui tum eram par sane haud futurus disceptationi, in quam incurrit materies; quoad et ab experientia rerum humanarum, et ab lectione aliud statuentium firmiter ad dissentiendum, aut ad expoliendum accederet iudicium. Neque vero quae postea reperi, arripuique, si
vel



vel antea occurrissent, tum forte ausurus eram complecti, neque saltem integrum erat futurum profiteri. Neque Poëtam tamen ita in arctum cogi quisquam posse putaverit, ut philosophica veluti compede incedat vinculus; et rursum ut ad stringendum res ita necesse sit curiose, quin hinc inde nativa loquacitate quaedam a proposito veluti digredientia interserat. Satis erit rerum capita quibusdam suffulta ponderibus commodum intexere, ac cetera jam indicata relinquere cogitanti. Quod si vitio datur: at vett. tamen Poëtarum exemplis defender. Usus vero sum non ea modo, quae Poëtae concedenda sit, venia; sed et illa, quam Philosophus sibi asciscat, ut juris duntaxat naturalis capita persequatur, nec religionibus philosophicum poema impediat; nisi quod est aliquando monstrandum, nec illas quidquam refragari. Hic cum solam sequi rationem instituissem: animadverti tamen postea, in systema Philosophiae Epicureae suapte me incidisse, cum ejusdem fundamenta, ratasque sententias necdum antehac exploratius perquisivissem: quas ego jam isthuc ex Gassendii interpretatione, atque expositione repetitas tanto libentius ad meas opinio-

nes adlegi, saepiusque interjeci; quanto est jucundius ab aliorum, qui jam dudum idem probaverint, consensione sententiae patrocinium. Pertinet cognitio haec omnis tum ad consulendum sibi providenter, tum ad judicandum de aliis moderate; cum ex prudentia demum totum pendeat; unde et ipsa honestatis, ac, ut vocant, moralitatis petitur regula: quod erit non paucis satis novum; cum sit tamen cum rebus item aliis, e. c. cum moderamine politico, perquam analogum. Ceterum redundaret argumentum in versus etiam haud paulo plures, si rerum vena ubertatem sequeretur. Sed malui, productioris evolutionis cauturus fastidio, systema in pauciora contrahendum hic dare: cujus et epitomam Lectori ad inspiciendum non fore ingratam autumavi.




PERIOCHA

A versu 1 usque ad v. 183 deducta amoris cum febris comparatione, ejus damna pertexuntur, ac jam conclu-

Pars II.

P

den-



dendum videtur, hunc esse mali ingentis loco habendum, cavendumque.

a. V. 183. Ex Sectae Epicureae sententia dubitatio interponitur.

a v. 201. Culpa origo arguitur alia esse quaerenda, neque in ipsum conferenda amorem.

a v. 235. Depellitur argumentum adversarium expudore duci solitum.

a v. 403. Amoris laudes inde ab rerum procreatione repetuntur.

a v. 443. Diluitur, ac lenitur invidia ex similitudine cum febris.

a v. 475. Natura ipsamet suis se febris curat.

a v. 506. Modus artificiosus duplex harum febrium naturalium damna cohibendi traditur, in exemplum tractandi amoris accipiendus.

a v. 531. Modus prior legitima conjunctione, ac stabili difficultatibus tamen, ac periculis et ipse non vacat

605. Modus alter adhibendo temperamento: quam in rem Sophia invocatur. Axiomata populum perturbantia praemittuntur.

a v. 647. Refutantur, qui in moralibus deceptionem asciscendam putant, quique res parvas pro magna noxa exaggerant.

a v. 729. Aliqui ex principiis valde dubiis, et obscuris sua de moribus decreta ducunt.

a v. 791. Pleraque cupiditatis damna non ex re ipsa, sed ex adjunctis, ac consecutionibus rerum proficiuntur: quae in amore, praesertim, si quis se ipsum haud noverit, saepe praecipites actus habent.

a v. 917. Hinc praecipue aetas inexperta ab amoribus removenda; sed sine saevitia.

a v. 977. Monentur etiam adultiores, quam difficilem, ac periculosam subeant aleam.

a v. 1013. Nec tamen res univérse tam insidiosa. Commendantur igitur regulae prudentiae in antecessum adhibendae, atque adeo monstraturae, quomodo sit etiam in periculis versandum.

a v. 1057. Praeter cautiones jam praemissas altius levandus est animus: ubi in sectae Epicureae laudes excurritur, atque animi exercitationes commendantur.

a v. 1161. Sed facultatem multo majorem afferet voluptas animi ex virtute proficiens: ubi primas fert prudentia, cujus gubernacula deinceps per reliquum carminis deducuntur.

a v. 1213. Movetur primum quidem querimonia, tanquam nimium hic quidem severus videretur Epicurus, et supervacaneam postulare abstinentiam. At nihil ille hic nimis; si necessariam spectes exercitationem.

a v. 1241. Et compensat ardua superata jucundissimus fructus puriori naturae voluptate gustanda; aliis inusitata. Ostenditur isthac inductione cum amore praecipue belligerandum esse.



a v. 1395. Nec sola tamen voluptate animi homo pascitur; sed tantum, ut ista primas ferat, necesse est; cum ceteroquin mixta esse possit.

a v. 1437. Maxime ad limites adtendendum cujusque voluptatis, ut secundum hos prudentia sua gubernet moderamina, et jam coerceat, jam indulgeat. Hinc duplex artificium et abstinendi, et conciliandi.

a v. 1479. Cum sine virtute non possit voluptas vera consistere, et inter virtutes prudentia maxime ambiguum habeat honestatis regulam: hinc principium summum repetitur ex notitia naturae minime infuscata; unde cognitio veri, boni, ac pulchri pendet: quae inter se magis finitima sunt, quam vulgo creditur. Hinc facilis transitus ab uno ad alterum.

a v. 1527. Hoc moderamine amor, qui pulchra captat, erit innoxius, imo et idem etiam ad excolendum animum utilis: si ratio opportunitatum, et adjunctorum temporis omnium habeatur.

a v. 1549. Conciliantur inter se vett. Philosophorum hoc in genere sententiae; sic tamen, ut Epicuro primae tribuantur.

a v. 1575. Per anacephaleosin prudentiae axiomata denuo recensentur, et ostenditur, ex ejus moderamine summam homini nasci voluptatem, summum bonum.

DE
MODERAMINE AMORIS
LIBER SINGULARIS.
CARMINE DIDACTICO.

Est, puto, febris amor, tacitos quae perme-
at artus,

Hic, velut illa, ferox: est, puto, febris a-
mor.

Quis febrium causas; causas quis novit amo-
ris?


Quid magis orbe frequens? Quid minus ar-
te patet?

5. Arte patet necdum, sanies quo fonte ve-
hatur,

Quaeve maligna trahat, cum febris ossa
quatit.

Ova quis, et pepones credat celare vene-
num?

Saepe febrim pepones, ovaque saepe cient,



Nec vigil illapsum magis ars deprendet amo-
rem.

10. Ille suo caecum vulnere virus alit.
Nam Cur jam toties jurato fortior instat ?

Cur vel qui renuat, sponte coactus amat ?
Cur cito nil unquam merituro munera gra-
tis

Fundimus ; et praemiū cernere posse loco
est ?

15. Cur amat ignarus formae , focique ca-
loris ?

Cur etiam , qui nil scit , quod ametur , a-
mat ?

Cur ego quem videam socors , hunc arserit al-
ter ?

Cur , modo qui stupuit , vix modo frenā
feret ?

Cur nunc visus erat cauto mihi stultus ama-
tor ;

20. Nunc pluris falli est , et mihi verba
dari ?

Nempe febris cursum revocat , viresque re-
sumit :

Haec certe est subiti commoda causa mali.
Nonne ego , si meus est , possum prohibere fu-
rorem ?

Si frustra experior : faex aliena subest.

25. Sic neque cum tremulos febris quatit ar-
tubus artus ,

Dant aegri votis frigora pulsa locum.

Sed

Sed coeptum peragunt contra suspiria pensum.
 Carmine ceu magico, clinice victæ, jaces.
 Saepe miser sentit, non se, velut ante mo-
 veri:

30. Saepe repens menti monstrat inepta ju-
 bar.

Mox tamen exleges ubi vult componere for-
 mas,

Transversum turbo jam caput alter agit.
 Sic quoque fertur amor: subito dilucet ho-
 nesti

Rima; velut somni, morbus amoenus abit.
 35. Falleris O, quemvis caecum qui ducis
 amorem.

Saepe acie gemina lynx in utrumque sat
 est.

Dum dubitat, liceatne novum gustare furo-
 rem;

An magis expediat stare tenace gradu:
 Hem subito medicas ruit indignatus habenas,

40. Arma nec, ut cuperet, jam sua prom-
 ta tenet:

Cum gravior caeco dubium rapit impete vor-
 tex,

Dumque parat stultum se meminisse, facit.
 Quanta tulit Pueri Minoias ista sagittis,

Iussaue Amazonium Phaedra perire Virum!

45. Quam se tutata est! Quae contra praelia
 movit!

Sed dedit obnixae colla, manusque Deae.

Siqua recens sensum perstrinxit plaga vacan-
tem,

Iam glaucoma oculis credit abesse suis.
Iam furit, atque minas, quas non velit ipsa
valere,

70. Ceu gereret vinculis libera colla, vo-
mit.

Iurgia quin infert plus corruptura, quod op-
tat,

Diffidiumque diu se bene ferre putat.
Cede, miser: ne te: non te fastidia torquent:
Ira, quod ereptum est, velle tenere pro-
bat.

75. Mitior accessus querulisne parabitur ar-
mis?

Offensam meritis cur videre, facis.
Sic, quam persequeris, magis ibit gratia re-
tro.

At tu, quam bilis sit tibi lenta, scies.
Nempe redardescet mage flamma exercita ri-
xis,

80. Et cito subtilis desinet ille dolor.
Supplicium durare odiis, simulareque fastum
Majus erit: timido fortia verba cadent.
Iamque reum se fert; mox et scelus expiat
ultro,

Et duplici pretio non sua facta luit.
85. Debilitas febribus comes it: gracilentia
fatetur

Corpora Cydippe vix sua ferre potis.



Magna fames quamvis stomacho monet ire le-
vamen:

Vix tamen aegra manus durat ad ora vi-
am,

Nec minus immodicum vires frustrantur amo-
rem.

90. Quando amat, Alciden Lyda puella do-
mat.

Quid leviores manu, quam libri vincula solvas?
Hoc quoque non potuit rem mihi, fassus
amans.

Non potis imbelles fuerat contendere ner-
vos;

Ut fumus a somnis claudere saepe volam.

95. Sed minus est animi miseris, mens con-
scia juris

Nec manet: arbitrio febris, amorque no-
cent.

Exsolvi vinclis miser etsi perditus optat,
Contemni toties dum bona verba vi-
det,

Et videt invitum non posse obstringere pec-
tus,

100. Sed praeda cassas semper abire ma-
nus,

Et, quae jura petat, sibi sumere cernit in
ipsum,

Ac impune suas exagitare faces:

Non tamen offensis mens perdomitura fatiscit,

Et minimo spatio dum sapit icta, nequit,

105. Nempe aperit mentem, sed non dolor
acriter urit,

Nec videt ut noxam, frenâ parata videt.
Quidquid in ingenuos pollet, cur gratia cesset,

Perpetua posthac vix reditura die:
Non valet in laesum, quem spes male torquet,
amorem,

110. Sed studia in vitium non revocanda
ruunt.

Non bene quid certum, dubiis quid credere
par sit,

Quod rebus pretium, quae nota, librat a-
mans.

Iam sapor in febribus quantum est corruptus!
Anchelât

Quo res laeva magis, tam graviore fiti.

115. Quid tamen, in febribus quidquid mihi
carpis, amorem


Ad captum cunctis sensibus esse potest?

Fusca vocat pice nigra magis: sic fallit in ip-
sis

Vocibus hic passim, quas fatuare solet. (*)

Quis

(*) Belle hanc rem exemplis prolatis illustrat Laelius Bileciola Horarum Subsecivarum Tom. I, Lib. IV. cap. II, cui titulus: *Calumniatorum, Adulatorum, Amatorum hoc potissimum vitium, ut rerum nomina invertant.*



Quis spurii possit gustus exempla referre;

120. Quando odiosa aliis hic sibi grata facit?

Mens quoque febre labat, quamvis sit frigida
tantum,

Et patitur subitas debilitata vices.

Non memori species constant in sede; tenen-
tem

Iamque iterum minima deferuere mora.

127. Illa dies frustra est: suspensa negotia
sunt,

Dum praesens iterum cras sibi pectus e-
rit.

Sed mage diffugiens animus, qui ex corpo-
re pulchro

Pendet amans, partes deserit ipse suas.

Proditor ille sui tamen hoc nescire fatetur,

130. Ipse quis aut fuerit, quidve sit ille
modo.

Hoc tantum novit, quid mens, licet ebria,
poscat;

Quod studet impensa conciliare sui.

Plautinus juvenis (Pudet ah meminisse) petul-
co est

Servo factus, equa quo potiatur, equus. (*)

135. Quid de se Flacco vix libertate decembri

Sat Davus incolumis dixerit, ipse refert. (**)

Non-

(*) Plautus in *Afinar* III. 3: magis enim de amore,
quam de pecunia agebatur.

(**) Horat. Lib. II. *Satyra* VII.

Nonne hic mentis inops amor haec deliria fecit?

Absenti sanum quid ratione venit?

Quid decor, atque pudor jubeant; quae lex sit honesti,

140. Quis male caligans hac sine nosse queat?

Denique relliquias febrium, cum vincere morbum.

Iam datur, heu quales castra relictas dolent!

Vocem aegre, ac veterem fas est cognoscere vultum,

Quaerenti timide vixque reponit: Ego.

145. Non amor est furtim nunc consuluisse specillum,

Artus dum pallor marmoris instar habet;

Dumque ora exedit macies, et pectora tussis,

Et gravis est humeris sarcina palla prior.

At malesuadus amor, tanti, quae damna relinquat,


150. Condar ut ipse caput, tantus acervus erit.

Haud nomen, vel opes querar; aut his quidquid inhaeret.

Extera sunt; quae fors viderit, anne piet.

At quae naturae flos fert sibi propria tantum,

Fraus haec decoquere est tempore magna brevi.



155. Haec nemo praestare queat, si noxia primi

Facta semel veris molle deussit opus.

Ecce, valetudo prostrata virentibus annis;

Anxura lanugo; crux capulare quid est?

Testa resflorescet febribus spoliata capillo.

160. Non redit, immodicus quod temeravit amor.

Pridem exempla tibi, quis decantata requireres;

Cum cedant hodie pristina quaeque novis?

Nec sat jacturis percelli talibus unum.

Serpere et in plures fontica causa solet.

165. Et fluxas ubi nil mentes natura moratur:

Cetera nunquid erunt relligiosa magis?

Num pietas, stabitque fides? Injuriâ nonne

Miscebit totos turbine, vique greges?

Atque ita, quando aliam non fert epidemia curam,

170. Eventu tragico est tota luenda lues.

Sic Sybarim, Sodomamque ferunt purgamine triffi,

Humanumque undis decubuisse genus.

Si clades reputas, nostra est quibus icta propago:

Vix ferre invidiam noxia culpa queat.

175. Et dubitemus adhuc, febris an mage mitis amore,

An sit saltem apto nomine febris amor;

Dum

Dum morbi Hippocrates imitamina mixta ca-
duci,

Atque adeo criticas elicit inde notas? (*)
Ergo velut febres, fanus vult nemo, sed arcet;

180. Sic reus est toties rejiciendus amor.
Atque ita cum sit idem pellax amor, atque
voluptas:

Quis Sophus hanc summum quit statuiffe
bonum?

Et tamen hoc potuit gravis auctor, et asse-
cla multus,

Etsi Epicureae voce notatus harae.


185. At si lucidius vera internoscere cures:
Haec quoque erit melior fronte Sophia
sua.

Nempe duas facies rerum genus omne ca-
pessit,

Et multum variant hocce, vel hocce latus:

Al-

(*) Assumitur hoc tantum ex vulgi persuasione, quae auctorem habet Macrobius (Serm. 6 Saturn.): re autem vera vix Hippocratis haec fuisse sententia videtur, quando in istius Epidemicorum librum tertium commentans Galenus, illam improbens Democrito potius tribuit: *Quid fuit necesse scribere, dixisse Democritum, esse coitum parvam epilepsiam?* &c. Clemens vero Alexandrinus idem effatum ad Protagoram Democriti auditorem refert (II Paedag. 10.) Stobaeus autem (Apopht. I de Abst.) ad quendam Eryximachum: ut proia nimis quam incerta sit auctoritas.



Altera si patuit, quo criminis arguat, auris:
190. Non sit vindiciis altera clausa, de-
cet:

Aut ratio nunquam constabit limpida veri.
Et tamen hic certe, quod dubitetur, in-
est.

Namque age, dic, quando nec amorem du-
cere victum,

Nec salva fas est hunc ratione sequi:
195. Jam neque fas hominum generi sua dam-
na cavere;

Ac frustra admoneras, quam fugiendus a-
mor.

At tu si vinci Puerum non posse negabis;

Forte etiam is jungi cum ratione queat.
Tum cedo, quidquid morbosum impingis a-
mori,

200. Huncne mali culpam tu penes esse
putas?

Nonne feret totam sola immoderatio, frenis

Dum velut admissis caeca libido ruit?

Quid melius Bacchi, Cererisve salubrius usu?

Immodici nolunt ille, vel ista capi.

205. Gratus agris calor est. Nimium si po-
nis, hiabunt.

Gratior hic imber. Sed cataraeta dolet.

Dulcisona e filvis digna est Philomela redu-
ci.

Affiduo ast aures puniet illa sono.

Quae

Quae nos cunque juvant mage parco limite
sumta,

210. Haec eadem nobis immoderata nocent.

Nunquid sic et amor bona res queat esse ;
tametsi

Utentis saepe est improbitate malus ?

Quidquid at incautis enascitur inde sinistri.

Provida peccatum mens minus istud habet ;

215. Quando nec eventus circumspicit illa
sequaces,

Ac neque naturam consulit illa suam.

At nequam ipsummet nobis qui fingit amorem,

Fallitur, haudque anceps contulit ille latus.

Motio, qua sensus varie, sanguisque feruntur,

220. Si ratio dux est, optima quaeque venit.

Sit procul a nobis, iram qui damnat herilem


Segnities tonitrus dum reboantis eget.

Quis facinus clarum, quidve edet vindice dignum,

Si sit ob injusti frendere facta nefas ?

225. Non frustra haec nobis iniecit provida
primum

Natura. Ast usum mens oculata regat.



Haec causas, videatque modum: male par-
cit habenis,

Iusta ubi conditio vel tibi limes abest.
Hunc licet in cursu rursus definiat ista:

230. Culpa modi peccat, quam mala cau-
sa, magis.

Sic quoque ne per se turpem mihi defer a-
morem.

Talis erit, quando nesciet ille modum.
Nesciet ille modum, deerit si cura futuri,
Et mens officium negligat ante suum.

235. Atqui hujus proprio convincunt probra
pudore,

Dum quaerit latebras; dum subit ora ru-
bor?

Nequitiamne igitur non hic jam continet in
se,

Hisce suis qui jam proditur ipse notis?

Quid fuit, Edenis tempe inter pulchra Pa-
rentum

240. Quod sensu ingrato perculit ora re-
pens?

Nam pudor ingratum vitii sub nomine quid-
dam est.

Nonne igitur probro tum rubuere suo?
Corporis at rubor ille fuit tum nuda vi-
dere.

In quo igitur probrum, jam quoque crimen
ineff.

245. Quidnam exempla mihi obtrudis per-
plexam tibi met,

Quae si sic caperem, sat male scripta forent?

Namque verecundos quidnam tenuisse Paren-
tes

Inter se poterat prorsus, utrumque pares?

Non posthac tales sese videre vicissim?

250. Anne, verebantur tum quoque rur-
sus idem?

Nonne ergo alterius, cui nota priora fede-
rent,

Arbitrium veritos verius esse putem?

Scilicet hujus ubi praedictio protinus ipso

Corpore jam grassans constitit: inde pudor.

255. Haec et culpa sua, simul et deprensio
culpa

Purpureas poterant urere luce genas.

Sed nihil affingas his amplius. Urseris illud.

Frustra, hos, quae liceant, foeda putasse
tamen.

Atque etiam pudor est concessis ludere, quan-
do


260. Arbitraris interit, quem vereare, tibi

Non male quod faceres; sed quod rem flecteret ille

Aut tibi deterius, deteriusve tibi.

Sed tum quis fuerat coram, nisi scilicet ipsi?

Censuram tali quam timuere foro?



265. Pone aulaea loco, lectos conclude ta-
petis,

Incrusta triplici denique summa tholo :
Secretusne magis fuerit tibi quisquis aman-
tum,

Quam sub sideribus tunc ut uterque fuit?
Res causa caruisse nequit. Sed fingere vix
fas

270. De motu insolito sic rubuisse genas,
Atque et in hoc iterum timuisse piabile cri-
men;

Virginis ut castae mox gravat ora pudor.
Nam ne miscueris nimium diversa. Pudore
Infuetam hanc probri detinet ipse metus.

275. A teneris etenim praestans jam sensus
honoris,

Delicium formae, pectore fixus inest.
Hinc pavet illudi, ac ceu jam deprensa ve-
retur,

Discrimen verbo si propiore moves:
Virginibus primis quis praevia pectore pan-
xit

280. Iudicia haec, essent cum duo labe ru-
des?

Hanc ubi non norant, quodnam illis nomen
honoris.

Qui castae sensus integritatis erant?
Corporis admonuit facile mutatio quaedam :
Admonuit culpa sed tamen ista suae.

285. At nisi quid vetitum nossent, haud culpa subire

Ulla animos poterat suspicione recens.

Ac neque tam socio, quam se rubuisse necessum,

Natura culpa spectra pavente, foret.

Nec statis est pavisse: etiam damnassee necessum est:

290. In vultum haud alias curreret inde pudor.

Quod si fecisset rerum ignoratio: nil hinc

Concludi tuta tum ratione queat.

Nam certe metus hic oneri non debuit esse,

Nec potuit noxae subdere jura novae.

295. Hinc neque credibilis pudor hic: neque nuda videre

Natura innatis horruit ipsa notis.

Quae nudum Hebraeis, vox haec notat. ipsa retectum,

Ah per quot varias arte remissa vices!

Haec magis in culpam, quam corpus convenit ipsum,


300. Tegmina quod nulla sumserat ante die.

Inde perizoma est, dubio de nomine versum:

Nam vox arcta loco quaeque notare queat.

Mens rea nempe, quibus se conderet, abdita suavit,

Et scenam e ficu textile struxit opus.



305. Hinc pudor est verus, ratio quem certa
laceffit,

Et pudor hinc liquida qui ratione tenet.
Et pudor est, possit veluti qui Panicus in-
qui;

Cum tantum falso transit in ora metu.
Et rursus pudor est, hominum quem juncta
voluntas

310. Firmat, et arbitrii rem facit esse sui.
Hujus pertaesum est merito tam vera sequen-
tem;

Quam contra obscuris pergitur ire viis.
Sunt sua (quis dubitet?) studiis communibus
urbis

Iura, suus constat moribus aequus honos.
315. Falsa quid at mediis arcessunt nomina
rebus?

Cur huc naturam, cur sacra quaeque tra-
hunt?

Non pudor hinc alius ratione potentior un-
quam

Nascitur. Arbitriis cetera nempe valent.
Et valeant! Sed dicta suo sub nomine sunt,

320. Ac pudor haec laedi publicus inde ve-
tet.

Ast ultra maculare nefas, quam poscit hone-
stas

Publica, dum pendent ista, pudorque si-
mul.

Nam

Nam qui naturae fertur pudor esse, caducas
Saepius hic causas, queis teneatur, ha-
bet.

325. Caeci etenim sensus censura coarguit ae-
gre,

Quod ratione sua non magis ante liquet.
Nil gremio natura malum fert, dicere con-
tra

Quod nequeas alio nomine porro bonum.
Quae corrumpantur, seu quae corrumpere pos-
sint,

330. Omnia sunt decuplos apta subire mo-
dos.

Ni fuerint bona, corrumpi quis diceret? Et
quae

Corrumpunt, quantis viribus ecce valent!
Et modo corporibus dum non bene convenit
istis,

Convenit, ast alia cum sibi parte magis.

335. Sic etiam sensum male quod perstrin-
xerit istum,


Grata alium poterit deliniisse mora.

Saepe, quod offendat visum, tamen illicit au-
res.

Quod tactu asperius, iudice nare probum
est.

Quaeque gravi contra noscantur odore mole-
sta,

340. Eminus haec oculos digna tenere pu-
tant.



At quoties sensu tantum deliria vulgus
 Pensat, et hocce probat; damnat at istud
 opus?

Infamia naturae quoties se turba scelestos
 Innocui accusant, cen malefacta forent?

345. Fallit ut hos sensus; pudor est ut Pa-
 nious istis:

Sic itidem est illis, quos sua turba tra-
 hit.

Non illos plures, quam pro se quemque,
 propensum

Quid minus, aut mage sit, gluma videre
 finit.

Gluma eadem est cunctis persuasio sensibus
 orta.

350. Funditus haud quidquam cernere cu-
 ra fuit.

Hinc homines passim latet hos fons verus Ho-
 nesti,

Fallit et innumeris os popolare modis. (*)
 Nam quoties tantum ex usu confurgit hone-
 stas?

Inter se hinc gentes tam variare vides.
 Nam quid Arabs digitos (non sit manus ipsa)
 resectos

Si videt, hoc facinus jam meretricis ha-
 bet?

Ast

(*) Hinc Epictetus apud Arrianum (lib II, c. 22.) ad-
 monuit, *Nihil esse honestum, aut certe metiendum*
opinionibus hominum.

Ast age , quaere Sophos , qui sese exacta te-
nere

Confidant: sensu quid relevante vident?

Quam multa hic passim non extricata neces-
sum est

360. Mittere , in ambiguum rejicienda ge-
nus?

Nec momenta licet contendere saepe , nec an-
sas :

Arcanas adeo res habet ista plicas.

Difficile est fines naturae figere certos.

Nil stulto at levius , quam labor isthic ,
erit.

365. Solvere quod nequeas , multo est discin-
dere ferro

Promptius: hoc statuunt instar habere Dei,
Gens audax hominum! quaevis imponere ius-
sa ,

Arbitrioque putant stringere posse parem.
Vis ea , vis tantum est , in partes quando
trahuntur

370. Continuo plures , victor ut unus o-
vet.

Est aliud ratio , qua se respublica firmat:

Namque ex cunctorum congruit illa bono.
Hoc sine non aliud , quam quod vult Hobbi-
us , est jus ,

Infirmum ut fortis Marte , vel arte pre-
mat.

375. Quin premit et mores; nam quid ma-
gis obfuit illis,

Quam pompa impensis civica saepe suis?
Hinc in diversas abeunt erratica partes
Federa, dum rectis non licet ire viis
Hinc conflictari naturam rursus honestas

380. Compulit, occursum crebra noverca suo.
Atque unde haec tamen est populi nisi nata
sapore?

Nec patitur claudi finibus illa suis.
Divinum affectat nomen Ceramicus hic in-
gens;

Quod sub, et in tectis noctua multa se-
det. (*)

385. Si tibi Maecenas, bello rigidissimus heros,
Discinctus laudes tempore pacis habet: (**)

To-

(*) Erat Ceramicus Athenis duplex hoc nomine locus celeber, ut Suidas impertit, alter in urbe porticibus substructus; alter extra urbem, ubi bello caeli magno honore publice inferebantur, antiquior hic, atque a laterculis, qui ibi coquebantur, sic dictus; ceramus enim Graecis laterem significat. Figlinae hujus nomine universum nostrum, aut certe hominum ex argilla genus hic venit: alluditur item tum ad caecitatem, tum ad corruptionem humanorum judiciorum, praepollente passim pecunia; dum et Athenis noctuae, Palladi sacrae, non in tectis solum erant, sed etiam in nummis: unde Gylippi servus multas sub heri sui ceramis latere dixit, pecunias ibi abditas indicans; de quo plura Plutarchus in Lyfandro. Utrumque genus cum fastu imperitat.

(**) Conf. Pedonis Albinovani Elegiam in obitum Maecenatis in Collectione Poëtarum vet. Lat.



Totum nonne vides ad commoda publica fer-
ri,

Ac populi mores utilitate coli?

Publica sic constant. Non menti hinc regula
semper.

390. Hinc nihil et pudor est: sed rationis
eget.

Hic quoque, ceu quaevis animi permotio, cae-
cus

Non mihi dux, tantum sed comes esse que-
at. (*)

Hunc igitur quoniam virtutibus addere Di-
vum,

Et radiis poterant cingere velle caput?

395. Dum pudor exhorret nudum vel nomen
amoris:

Ad vitium ratio non nisi damna refert.

Haec videt ante diu, numeratque, libratque,
cavetque,

Sicque sinu innocuas temperat illa faces.

Fascia, quae puero est, debetur et illa pu-
dori.


400. Hic quoque, nec raro, lumine cap-
tus adest.

Hic, velut ille, vigil si alternis excubet ho-
ris,

Utaturque oculis: sanctus uterque mihi est.

Par-

(*) Confer cum his quae habet Plutarchus in Commen-
tario de vitioso pudore.



Parve, mihi Paphias tantisper cedo sagittas,
 Si potes et currus, et mihi Matris aves.
 405. Haec tela in calamos diffingam, qui cruce
 ce nomen

Tanquam infame tuum figere porro vetent,
 At curru dans loraprocul super ignea caeli,
 Evehar, antiquum despiciamque Chaos.
 Quando Erebi mater Nox, et jam lucidus
 Aether

410. Secessere suas in, nova regna, do-
 mos:

Cardine dum medio jam terra, fretumque pe-
 pendit,

Haec quoque diffidiis parcere lenta suis.
 Quis litem istorum, nisi Amor, sine lite di-
 remit?

Quisque elementa novo federe vinxit? A-
 mor.

415. Quis sexum, nisi tu, conflagasti dispare
 sexu?

Undeque praecipue deliciantur? Amant.
 Quis, nisi tu, agrestes pacta in socialia duxti?

Quisque urbes fociis urbibus auxit? A-
 mans:

Haud sic te Graeci primum, haud coluere La-
 tini,

420. Qualem te nobis fabula fera canit,
 Sed

(*) Conf. hanc in rem plura apud Ovidium Fast. lib.
 IV, v. 91, seqq.



Sed jamjam ex alto gentes majora profectae
Symbola habent laudes non tacitura tuas;
Quae cum natura regnum commune faten-
tur,

Atque animam rerum te penes esse vo-
lunt. (*)

425. Fertur Eleusinis, Phrygibus sub voce
Penatum

Fertur, et in Sacris cista, Canope, tuis:
Cista arcana, oculis minime temeranda pro-
fanis,

Auxilii nequem fascinet illa loco.
Hinc clavis varia, ac certo sinuamine ser-
pens,

430. Atque fuit Janus jam tua forma bi-
frons.

Res eadem cunctis; tua magna potentia nem-
pe,

Ac in naturae commoda prompta bonum.
Non igitur possum, quod sic infederit, et
quod


Conspicuum in nostra conditione venit;

435. Cum superum fuerit munus, mox cre-
dere factum

Ad nos fallaci transitione malum.

Pan-

(*) Symbola haec cum suis imaginibus libri, et apologetici Alchimicorum abunde suppeditabunt. Ianum addet Ovidius Fastorum lib. 1, v. 52: et Cudworth System: Intell. p. 572. et 615.



Pandoram incautus mihi tantum imitabitur
hospes,

Intempestiva cui patet arca manu.

Inde etenim facile genus effluet omne malo-
rum;

440. Cum laxet, vinctum quod voluere
Dei.

Nusquam alias fuerit Divum donatio fraudi.

Quid si etiam medico fit medicina dolo?

Est quoque febris amor; fateor; permotio
quando est.

Sed febrium quasvis quis putat esse pares?

415. Elogiis etiam quasdam exornare Sophi-
stas

Non puduit, visos hic sibi paene Sophos.

Inde cohors veterum naturae praelia febrim

Credidit, adversum dum movet hostis o-
pus.

Haec ubi jam contra certamine functa secun-
do est,

450. Inde valetudo praemina opima refert.

Viribus ille novis semper si fortior instat,

Scilicet effoetam jam dare terga putant.

Hinc fieri, ut sese confanet ephemera passim

Sponte sua, temni digna, nec artis egens.

455. Sic quoque vix quidquam morbum cunc-
tantur amoris,

Quando is pro sano corpora nostra subit.

Imo ita si recto stent porro et cetera talo:

Naturae appositus (quis neget?) esse potest;

Sic,

Sic, ut jam vix haec male conflictetur a-
mando:

460. Infumat vires sed magis illa pares.

Inde quod est aliis epilepsia nomine turpi,

Virgilio est suavis membra per alta sopor.

Hoc Jovis exemplo, post Hectoris, ante at
Achillis

Lubricus ille Umber Demophoonta do-
cet. (*)

465. Ac dare recta queam de corpore com-
puta sumi:

Temperie de animi lis, puto, major erit.

Se tamen ille Cato, quem Stoica castra cele-
brant,

Usque Jovem Semeles ipse fuisse refert,
Semper fulguribus cinctum, semperque to-
nantem;

470. In thalamos adeo venit ut ille suos.
Quin etiam febribus dicunt quandam esse sa-
lutem:

Nam certe his liber rectius inde valet.

Hinc illis natura velut pus ejicit aegrum,

Cogit et hunc, qui non pharmaca sponte
capit.

475. Quam sit naturae, non est sapientia ma-
jor:

Utitur haec morbis, curat et ipsa suis.

Fert

(*) Propertius lib. II. Eleg. 22.



Fert nimios tellus utero dum foeta vapores,

Ac Titan solito plus favet igne facis:
Flaccida languescunt hominum jam corpora summo

480. Mane: trahunt aegre, quo calet aura,
diem.

Causa later; nisi quod se pinguior undique
prodit

Halitus, elixas lassat et usque fibras.
Taurus et ipse furens jacta petit aëra nare,
Ceu captaturus frigora, siqua forent.

485. Arescunt segetes; mutant vitiata colorem

Germina; tabe gravi cuncta laborat humus.

Longius haec durent: fitis hic, maciesque fupinas

Exstinguent plantas. Nimbe saluber ades!
Nec tamen in promptu est, ceu dum Phaëthonte reguntur

490. Solis equi: nec opem, si cadat illa,
feret.

Una salus febris est, intra sua viscera prudens

Quam natura sibi condit, et usque ciet.
Haec calidis miscens frigentia, electripotentem

Incitat in toto, qua patet, axe molam.

495. Fertae jamque, recens ceu bullit ficera,
nubes

Fermento spargunt edita quaeque suo.
Dissidiis crescunt, faciuntque coagula cursu,
Pugnacique volant caelica castra sono.
Hic utique et nimbi, et tenebrosa mole pro-
cellae,

500. Fulminaque, et grando turbine quae-
que furunt.
Quem feriunt, facer est: feriunt sine lege.
Sed omnis

Cetera, quae jacuit, nonne revixit hu-
mus?
Aura meraca redit, quando febris illa perac-
ta est.

Jamque virore novo roscida planta fragrat.
505. Has properat natura vices: obfistere fru-
stra est.

Ast superat ratio, consiliumque tamen,
Idque duplex: cura, vel ut absit noxa fu-
rori;

Aut hunc ut quoddam temperet artis opus.
Sic haud naturam tolles: sed ut effera ne
sit,


510. Hanc coges utens morigerare tibi.
Traduce perficies, seriant ut fulgetra certo
Tramite propositum, quem meditere, sco-
pum.

Alterum ut obtineas, distentos aëre folles
Resticula in superas fac volitare plagas.

Pars II.

R

515.



515. Pendeat hac Serum multo flamine tex-
tum,

Haerere electri cui fluor actus amat.

Hoc enim homaeotonon retines velut aëra
vincolo,

Cessat et occurfus faevior hujus ope.

Utraque consilii plena est via: et utraque
rursum

520. Convenit in febres, torte Cupido,
tuas.

Est his persimilis crisis, et medicina salutis:

Nec longe morbi dissidet ortus abhinc.

Hunc liquor ignaris secretus renibus excit:

Nec levior solis fax bona forma loco est.

525. Aurae mox velut electri se spiritus in-
fert:

Per jecur, et venas sic vaga flamma vo-
lat.

Pressa, repressa ruit, curis et sudat anholis.

Ah quoties longas lis trahit ista moras!

Tum quoque crudeli se saepe ulciscitur ictu,

530. Si gravis, aut stulta parte repulsa ve-
nit.

Legitimos quodsi thalamos hic consulo, cui-
que

Quo sua sit certo traduce freta domus:

Exleges tollent pariter, timidique cachin-
num:

Omnes hoc nullo nam monitore sciunt.

535. At quod tam promptum est, caret haud
discrimine duro.

Hic Rhodii saltus: huc, age, confer o-
pem (*)

Grata medela foret: sed lege statuminat usos
Tam rursus illa gravi; morbus ut ipse gra-
vat.

Si male provisum est, et si malus usus amoris;
540. Si disrupta jacent, quae tenuere
prius;

Si tua jura nequis defendere sumtibus ipsis,
Et tamen haec stabili conditione manent:
Nae paucis animi poterunt accedere, pacto
Ut tali laesum pectus amore levent.

545. Ast opis haud nostrae est, sed hos
solvere rerum,

Quos variis leges implicuere minis,
Consulere hae possunt. Sophiae nil dogmata
prosent,

Si currant alias publica jura vias.
Si lex abludat: tamen haud natura probrosa
est.

550. Haec vice mota nihil constitit usque
sibi.


Hac ego si facilem febrium defendo mede-
lam:

Nil, quod difficilem mos facit alter, obest.

R 2

555.

(*) De adagio: Hic Rhodus, hic saltus conf. plura apud
Erasmum Rot. Chil. III, Cent. III, Proverb. 28.



Nec tamen accuso: sed nec locus iste tuendi
est:

Natura ratio quid duce monstret, habe.

355. Qui cupit exstingui tantum, nimis im-
pete caeco

Brutus fertur amor, pugnat et ipse sibi;
Quando alimenta fugit sua: nam cur desinat
ille,

Ante ea si, merito quo caperetur, erat?
Sunt etiam pretiosa, sibi quae credit uter-
que:

360. Mutua sunt igitur federa dote pari.
Haec servant meliora, fidem si quilibet ad-
dat,

Esse sua illius; illius esse sua.

Natura haec stabilem spectent cum pignora
nexum:

Provida habet ratio multa putanda prius.

365. Nam licet haud unum natura imponat
amorem,

Cedere nec tetrīs calibus illa vetet:

Haec tamen effugia incurrupt in taedia rur-
sum.

Optima simplicitas, cui sua firma fides.

Hanc retinet natura lubens, gaudetque beato

570. Munere. Turbatur lege, vel arte nova.
Sed nexus primos gradus, et fortuna dire-
mit,

Dum datur haud multis vivere sorte pari.

Hinc

Hinc et jure suo decedere saepe necessum;
Dum pauper pretio deteriore meret.

575. Et meret ad tempus quoque, conditione
coactus.

Si nocet arbitrio haec: quis notet ergo
scelus?

Hac dejecta tenus si res, neque cura meden-
di est:

Esse quis ad tempus puta statura neget?
Reddite fortunam parilem (si posse saluti est)

580. Dispariles et erit posse cavere toros.
Hoc certe admoneo: qui per diversa vagatur,
Non volupe id capiet, quod fovet unus
amor.

Sentiet in variis demum tamen usque cadu-
cum.

Frustrantur dominum propria dona minus.


585. Credite traducibus non est confidere tu-
tum;

Ni bene scis, quo sit fixa catena loco.
Saepe quis articulos furto sublegit inepto:

Materies vitium saepe dolosa facit.
Tunc tibi sulphureus conversa cuspide retro
590. Sulcus, ut involitet sub tua tecta,
redit.

Sic, ubi tu temere, inque incertum mittis
amores,

Nescis, quid quondam federa rupta pa-
rent.



Nam cave, ne veluti deprensus pignore Judas,

Iustior est dicas, ah tua causa mea!

595. Sic et Afer, proles nimis ingeniosa Tagastae,

Congeminat, culpam persequiturque suam.
Tempus ad exiguum modo cum caruisset amica,

Non bene vir; tænit sedt amen illa fidem: (*)
Atque ita se merito levitatis crimine damnat.

600. Scilicet hunc callem federa laxa petunt.

Quanto autem melius circumspicit omnia paucis,

Expers qui fraudis nec timet ipse dolum!
Qui poterit; nec habet rem quaerere casse
necessum,

Cur fraudet dubia se vagus usque fide?

605 At tu, quem leges magis arcto carcere cingunt,

Degener hac tota fors eris orbus ope.

Traduce defendi non te fortuna finebat,

Traducibusve uti lex, animusque vetant.

Consilii alterius tibi proin jam indice promo

610. Est opus. Hoc princeps nunc caput
artis erit.

Vos

(*) Augustinus enim lib. VI. Conf. c. 15. se infelicem illius imitorem agnoscit.

Vos tantum lenes in carbasa nostra Favonif
Ito, ratemque levi ferte per alta trabe.
Et tumor, et rapidus procul absit turbo: re-
cusat

Temperies versu dia feroce cani.

615. Te Sophiam votis voco: tu Palinurus
eunti

Per scopulos ut sis, qui duo pone stre-
punt.

Hoc ego jam petere auspicio Symplegadas au-
sim;

Sic tamen, ut medium prora capeffat iter.
Contudit infamis quondam haud tot rostra Ca-
phareûs,

620. Quot geminum hoc cymbas aequore
merfit acron.

Fertur utrumque inter, qui, dum moderatur
amorem,

Nec penitus damnat; nec male versat opem.
Vates, Naso meus, sibi quam Podalirius ae-
gro


Promptior, ingenium perdidit hacce schola.

625. Nam qualis Medicus, vis morbi ubi fe-
derit intus,

Qui tantum externas admovet usque ma-
nus?

Quique ita praerupto sensum scit trudere fen-
su,

Ut vitium exaequet fons medicina suum?



Sic ubi non unquam vulsum est radice profunda,

630. Mox redit in pejus, quam fuit ante,
malum.

At neque, qui penitus morbum extirpare laboret,

Hic itidem punctum protinus omne tulit.
Nostri Stoa Sophis rem non persuaserit ultra.
Et tamen hic sunt, qui paene sequantur
idem;

635. Dum gravis accusant noxae genus omne voluptae,

Et vitium jam in re se reperire volunt.
Quanquam alii se parva negant agnoscere posse;
Non, quasi non essent; sed quia magna trahunt.

Hos ego confiteor laeso candore notari;

640. A vero ast propius fraudis abesse modum.

Fraus tamen est: cur vera tacent? Sic certius ajunt

Ambigua vulgus religione capi.

Posse negant, nisi falsa sinas intexere veris.

Errorrem haud populo posse deesse ducem.

645. Nam quid propositi est nostri, nisi damna cavere?

Qui magis assequitur, nonne priora ferat?
Sic mihi Dephorumque tripos, atque antra Tryphoni,

Lucus et Hammonis nunc stupefacta dolent.
Hinc

Hinc etiam populo quam multa salubria quon-
dam,

650. Responſa et dubio quot rediere duci?
At ſi mendaci patieris fallere fuco:

Quem poteris ludo jam ſtatuiffe modum?
Omnis erit meſura lucrum. Reſerare fene-
ſtram.

Si ſemel inſtituiſ : claudere porro nefas.

655. Nec modo dementi cantatur fabula vul-
go:

Pergit in auctores congeminata ſuos;
Conſtringitque ſophos; patitur nec vera li-
quere,

Deliciasque ſuas atria ſumma facit.
Et temni facile riſu digniſſima poſſent;

660. Non item ubi longa jam valere mo-
ra.

Dogmata nec curem; ſed quae falſa inde ſe-
quantur;

Quando ad plura eadem rurfus amiſſis e-
rit.

At quaſi non veri poſſet plus integer uſus?
Dum contra haud ſocia fictio faece caret?

665. Hinc cave, tu monſtres in parvis magna
vereri,

Tempore ne laevo ludat imago rei.
Nec tanquam infideat jam noxa cuilibet au-
ſo;

Sed tantum illatebrent quanta pericla, do-
ce.



Quae fieri possint; nondum at sint facta, cavendi;

670. Non jam damnandi jus tribuunto tibi.

Tu bene praemoneas; mala sed mendacia dicēs,

Si, quae nec levis est, sit tibi noxa gravis.

Non semper valido sonuerunt lubrica lapsu.

Saepe per haec modica pes catus arte volat.

675. Vera pericla putas: lemures cur fingis ineptos?

Terre ipsa intrantis lubricitate gradum.

Ducitur in longum facile sententia quaevis,

Anxius interpres grammata quando colat.

Vina suis Arabum voluit vitata Prophetes,

680. Occupet ebrietas ne male tuta viros.

Ecce superstitio quo pergit fordida! Fracto

Si forte in puteum sint mera lapsa cado. (*)

De lympha gustare nefas; quia guttula Bacchi

Imbuit ingentem quantulacunque lacum,

685.

(*) De his Mohammedanorum, qui se veros profiteantur Musulmannos, superstitionibus confer. Equitis d'Arvieux Itinerariam. Tom. III.

685. Nec satis. Iste latex si tostos irriget a-
gros:

Fas farre haud vesci est, quod feret illa
feges.

Amplius adde haedum, qui pastus ibat in
illos.

Hic quoque delictum se comedentis ha-
bet.

Affecta jam legis verus decernitur ille,

690. Qui tali obstrinxit relligione caput.

Cui redit inde bonum, nisi cui praestringere
fas sit;

Ut sit opus tali consule cuncta geri?

Ignarum facile est umbra terrere piachi.

Si pergas, etiam, quod licet, ille pavet.

695. Consultum redeat, si vis, ut saepius:
en tu.

* Quam belle infidiis nosceris ipse tuis!

Post ubi se lusam decepta licentia sensit;

Compensat ductas duplice besse moras.

Duxerat apricans puerilem forte catervam,

700. Altricis, custos, cui data cura do-
mus.

Non magis Acteon aspergine percitus undae
est,

Hujus quam ferit lumina scena repens.

Namque puellarum fluviali in littore turmam

Vidit iniri, hilari tuta lavacra joco.



705. Quid faceret? Fuerat propter transire necessum.

Consilium haud lentum talis arena tulit.
Versus ad ille suos: Cito claudite lumina,
dixit.

Qui videt, hic oculis protinus erbus erit.
Illi connivent. Tandem de haud segnibus unus,

710. Esto! unum tenebris spondeo lumen,
ait.

Sic aperit laeum: claudit panus altera dextrum:

Thiresiae totum ne sequeretur onus.

Ast ubi salva acies: dextrum quoque liberat umbra,

Laevo suppetias ut comes alter eat.

715. Ac: Nihil est, inquit, pueri mihi credite, nil est.

En video; atque isthaec saepe videre iuvet.

Omnis proinde cohors ad nymphas lumina pandit,

Inque tropum avertit dicta proterva senex.
Nasutosne fidem censes habuisse deinceps;

720. Siquid ab ancipiti fluxerat ore novum?

Suspicio manet haec: Fors rursus sublinnit ora:

Cur non, quod profit, dixerat ille prior?

Ex-

Expediit haud proin illudere talia fraudos,
 Condita nec parvis fingere magna dolo,

725. Nonne etiam petulans in seria transiit
 ardor,

Nomen ut auderent conscelerare rei,
 Haec tanquam in sese jam prorsus foeda de-
 ceret

Artificem, qui sic condidit ista, parum?
 Mollius ast alii: assignant sua munia mem-
 bris;

730. Quid natura velit; dos sua quove fe-
 rat.

His quod contra venire putant, pravum ili-
 cet in se

Decernunt. Utinam sat sua scita probent!
 Nam solitos constat naturae finis in usus.

Quis scit, praeterea quid sine fraude fe-
 rat?

735. Quisve omnes finire modos, aut sustinet
 actus,


Quin capiti noscas hunc tribuisse suo?
 Sunt equidem in quibus est hominum senten-
 tia concors

Naturae ut vitium rumpere septa putent.
 Atqui eadem clara ducunt ratione ruborem,

740. Non onerant adeo, quae dubitare si-
 nant.

Sunt quaedam propiora malo; simul adjice cau-
 sam:

Jam, tibi deterius quod fuit, ecce probas.
 Esse



Esse nefas scimus, calidum fudisse cruorem.

Vindictam qualem guttula saepe dedit!

745. Non, age, fit morbus; nimius modo forte
redundet,

Nigrave monstrificus somnia sanguis alat.

Mox tibi de secta crescunt convivia vena,

Nec quemquam vulnus tam geniale mo-
vet.

Quin si te ipse icis, quosdam ut tibi san-
guis in usus

750. Non multus scateat: quis scelus esse
putat?

Quando homines agimur sensu; neque vulne-
ra sensus

Aut facit, aut patitur, quis probat esse
nefas?

Parte pecus sit homo; quando simul est pe-
cus, et mens.

Ista suae pecudis, jus teneatque suum.

755. Ad venerem, dicunt, quidquid contem-
dit, ademtum

Est illi merito, cui Venus ipsa nefas.

Si tamen inde nefas, Veneri quia noxia junc-
ta est:

Non venit hinc coeptis omnibus ista co-
mes.

Quod caret hac igitur, dic, cur tu mittis ad
Orcum?

760. Quid, nisi quod per se rem facis us-
que malam?

Aut

Aut ita natura statutis devincta, resolvi

Ut nequeant, noxam vel resoluta creent.
Hoc doceas, opus est. Poteris vix, credo,
docere.

Est gradus: et gradibus pluscula jura fa-
vent.

765. Multa vacant hominum in plures munia
fines:

Cui foret in majus; jus minus esse negas?
Saepe aliquis nudo se federe pascit amici.

Delicium, ut dapibus, quis sociare vetet?
Quod somnis natura ciet, permittere rebus

770. Per se concessis num dubitemus i-
dem?

Nec semper, cui non meta est concessa, ca-
ventem,

Si poterit citra sistere, culpa notat.

Crapula aget stomachum vertigine densa, ca-
putque

Parva sapit stomacho, parva levatque ca-
put.


775. Si tibi coepta Venus dicantur suavia
quaevis:

Et, quidquid bibimus, crapula coepta ti-
bi est.

Non res foeda: facit sed foedam intemperies rem,
Et male pro Maniis quaeque libido venit. (*)

No-

(*) Erant Maniae Priscis, Festo teste, turpes, defor-
mesque larvae, quaedam etiam ex farina in ho-
mi-



Nomine abutuntur passim, dum crimen in illo
est,

780. Scrutantemque tamen causa petita fu-
git.

Quod scelus est per se, scelus id sit semper,
oportet;

Non alibi rursus definat esse nefas.
Legitimum si reddat idem res altera, per se
Infons, ex alio sic ubi pendet, erit.

785. Esse quidem poterit saltem. Tu confi-
ce causam

Criminis, hic ut sit; non sit ut illud ibi.
Hoc quam, tu citius fluviorum littora strin-
ges;

Hinc quae si claudas, tam magis inde no-
ces.

Nonne vides? Quot inire vias natura sube-
git!

790. Haud, quem tu velles, alveus unus
aquae est.

Ut mala sit res communis, sine crimine de
se,

Criminis in partem, quae comitantur,
eunt.

Hinc ratio videat, coëant quo cetera pacto:
Atque haec sunt, debet fons pudor unde
sequi.

Haec

minum figuras fictae, quas nutrices pueris minitabantur.
Hic denotatur, male rei turpis imagine libidinem
quamvis jam pro sese adumbrari.

Haec cum jam damnis expendere pleraque par
sit :

Ex aequo haud cunctos ista ferire que-
ant.

Namque alii nocitura parum tibi tetra ve-
nena

Fors contra fuerint vel temerata semel.
Cui fortuna favet, Genium curare licebit.

800. Imparis ast vires quaeque pusilla pre-
munt.

Cymbula mergetur fluctu, quo Pristis, et in-
gens

Sub rate Centaurus sentiet esse vadum.
Mercari mercem res est concessa cuivis.

Sed refert, quanto quisque, quod optat,
emat.

805. Ipse sibi damnum dederit, si pluris e-
matur,

Quam fortuna domus, quamque crumena
finat.

Otia qui captans mox paucula lucra ligurit,
Tempore non multo scilicet Irus erit.

Talibus inclamant omnes, ac jure cavillis

810. In re non alias probra merente stre-
punt:

Namque vident, istos quae denique fata se-
quantur;

Quamlibet est illis incita visa procul.

Hinc scelerei dant forte sua viventibus illud,

Quod lucro est, si non audit in urbe scelus.

Pars II.

S

Deli-



910. Delicias quasvis terit institor asper ad
imum,

Si puer his captus negligat aera suos.
Nec tamen hic vitium reprehendi in ditibus
ullum,

Si caro redimant gaudia, posse putat.
Qui sibi provideat minus, aut quo laeditur
alter,

820. Huic fustem impingunt, huic probra
iusta parant.
His rerum adjunctis penduntur damna vo-
luptae,

Causaque momentis statve, caditve suis.
Hinc opus in primis pulchre tua noscere, te-
que,

Ne subeat damni culpa pigenda tibi.
825. Principium est a te: minor undique ce-
tera noxa,

Si modo te solum fat bene noris, erit.
At morbi hic sedes. Fugimus nos scilicet
ipsi;

Atque oculos facile quilibet ante tenet.
Hic tibi tu rectus, prorsusque videbere frugi,

830. Ac animi solita simplicitate probus.
Haud nosti temet; licet hactenus iste fuisti,
Atque es adhuc. Sed ama. Quam procius
alter eris!

Quid possit, nescis, affectio corde potita.
Hunc hominem ante oculos tu tibi siste
prius.

835. Siste prius: feriunt etenim praevisa remissæ,

Ac bene vitandi dant quoque sæpe locum.
Aspice præcipitem scopuloso e pariete Rhe-
num,

Quem nebula ex imo spumea paene tegit.
Non strepitus finit audiri lamenta virorum,

840. Et modo femineis irrita vota sonis:
Nam conata diu necquidquam appellere na-
vis

Impete diripitur prorsus agentis aquae.
Sera opis. In limbo vix punctum hanc cer-
nere possis,

Atque simul subtus fragmina sparsa vides.

845. Cessisset monitis una maturius hora:

Iam religata suo littore fiaret adhuc.

Et, puto, cessisset, si vim prænosset aqua-
rum,

Quas decuplo celerat lapsus ad ima gra-
vis.

Tam refert nescire nihil, ne tempora fallant,

850. Queis procul in tutum salvus abire
queas.

Nec tu credideris rapidos magis amnibus ac-
tus,

Dum cadit ex altis unda supina jugis,
Quam rapit incautas amor in sua vincula men-
tes.

Vix sapiens volucris sat queat esse Deo.



855. Non tibi tot miscet simulacra procacia
Morpheus,

Ad vivum pictor, sed stator usque levis:
Nec tot Vertumnus species objecerit illex,

Ex vetula juvenem reddere gnarus anu:
Nec tot Getulis variant tibi ludicra filvis

960. Gens, simiae, nugis fallere sueta dies:
Quot lepidas rerum formas, obversaue in
unum

Federe monstra suo jungere novit amor.
Ille vel in nudas cautes, tua tesqua, Canope,

Thebaidosque altas scit penetrare specus.
865. Non ibi solivagos horret, nec inhospita
tecta:

Sed macie graciles torret et igne suo.
Quid fugitis frustra? Tamen hic quoque lumina pascet,

Hucque puellares inferet ille choros.
Usque loquax formis latus ob versatur utrumque.

870. Luditur haec vario fabula prima joco.

Sed jamjam hic hami latitant, innoxius inde
Hoc minus exhibis, quo placuere magis.
Jam captus capies, jamque uno fructus ad
illud

Ex solito perges, quod tibi porro velis.
875. Ut prima obtinuit, sic rursus audacia vires
Successu semper velificante capit.

Si.

Sique vel hic abfit, jam dextram astutia jun-
get.

Hic tua simplicitas; hic, age, candor ubi
est?

Nam fodicat stimulus nimis irrequietus aman-
tem,

880. Qui semper quaedam ceu meliora pe-
tit.

Illiciere igitur, neque respectare valebis,

Quo primum in spatio siveris ire pedem.

Terruerit temet tam scaeva licentia saltus;

Propositi nunquam qui fuit ante tui.

885. En hac lege salutatur amor. Sic inde ca-
tena

Nectitur: urgetur sic gradus usque gradu.

Invidiane putas Superum quaecunque coacta

Pyxide Pandorae delituisse mala?

An malles bonitate Deum sic carcere clau-
sa;

890. Nil alibi noxae quo superesse queat?

Utraque causa labat. Naturas altera nescit;

Convenit in Superos altera nempe parum.

Dic mihi sed, bona res cur hic male cessit
habenti?

Et noxae tegmen cur relevasse fuit?

895. Inter se rerum quamvis elementa repug-
nant,

Ac vires aequas quilibet hostis habet:

Ordine vineta tamen Diu composuere secundo,

Ut sese alterius quaeque salute juvent.



Sic acor est dulci immixtus, sic pingue volanti,

900. Sicque itidem in nostro sanguine juncta natant.

Haec nequis temero vecors divelleret ausu,
Dii passim dederunt integumenta super;
Nomine quae caeco plerumque oblecta recur-

fant,

Fungunturque etiam vindicis ipsa loco.

905. Ac recte utentem bene te tractata juvabunt.

At poenas, franges si male claustra, dabis.

Nam quod spissatum fuit ante salubriter intus,

Compedis impatiens jam volat omne foras.
Nec fatis hoc: jungunt alias inversa figuras,

910. Jamque nova sese mutuo lege cient.
Tunc etenim glomerant turmas, quae stare deinceps

Imperiis cogunt debiliora suis.

Inde lues, pestesque meant; dira inde venena:

Quae male missa Deum calliditate putant.
915. Sic et amor, nisi scita manus monstretur artem,

Immemor, indomitus, perfidus inde ruet.
Hinc juvenes, puerosque, nimis male cauta pericli

Pectora, quam poteris, fac, ut amare vetes.

Nam

Nam neque res aetas isthaec, neque novit habenas.

920. Hoc mage pernicis praeda futura Dei est,

Immatura simul Veneri, matura vigori,
Crescere quo vires, sanaque membra petunt.

Addidit hinc ultro complura his tegmina prudens

Natura, ut stimulos falleret ipsa suos.

925. Quis mihi Riphathi claram de stirpe juven-
ventam,

Quis celebret fatis, hanc qui docuere, Patres?

Hanc illos sophiam video, normamque secutos,

Naturae ac proprios rite notasse gradus.

Corporis usura, venatu, cursibus aetas

930. Exacta est, robur quae juvenile parat.

Siquis amor, belli in studiis socialibus unus;

Nondum vicenni femina crimen erat

Hinc pubes Germana graves excrevit in artus,

Et sobole hinc vegeta tam valuerit tori.

935. Parcite deliciis teneras incendere mentes;

Parcite proposita sollicitare lupa.

Si bene succrescunt, sensus sat leno suusmet

Est illis, partes ac stimulantis agit.



Jamque ultro in placitos deflectere lumina
vultus,

940. Quaerere amicitias, ire frequenter a-
mant.

Iam multa arcana secum sub mente volutant,

Nec pueri pueris credere voce timent.

Et tamen est illis haec pandere cuncta pa-
renti

Relligio; arbitrii sed rubor hujus obest.

945. En retinacula, suo quae scite tempore
noscas

Instita naturae, nil nocitura dehinc.

Postmodo nam facile dissilabunt huncce pu-
dorem,

Quando opus haud porro cautio talis erit.

Cautio nam quaedam est, non fraude inducta,
sed ortu.

950. Ne passim excuses utilitate dolos.

Decipit haud Auctor, vel cum glaucomate
nasci

Dum finit. Ast homini hoc addere velle ne-
fas.

Hinc quamvis pueros arceri ab amoribus op-
tem:

Chironem Aeacidi te tamen esse vetem. (*)

955. Pullulet et quamvis intra praecordia quid-
dam,

Et facere hic nidos jam videatur amor:

955.

(*) Alluditur ad Invenalis locum Sat. VII. v. 213.

Tam caecum hoc tamen est (absint exempla,
requiro),

Arbiter innocuis rebus ut esse queas.

Plus habet integritas rudis, et manifesta le-
poris

960. (Sic, velut in catulis) vindice quam
fit opus.

Cum rerum fit trames adhuc incognitus, ae-
tas

Utilis est monitu quolibet ista regi.

Fac, opus objicias, quo distineatur abunde;

Et fac, amoveas, queis laqueanda foret.

965. Fac studiis gustum, juvenum quibus
emicat ardor:

Jam longe oblitis flammula segnis erit.

Si nimis invigilas, tanquam male sedulus au-
ceps:

Jam puer ex isto suspiciosus erit.

Et si vi reprimas, legesque severus acervus;

970. Tam magis obdures, alliciasque ma-
gis.

Ipsa parant corpus Veneri flagra, et astibus
aptant.

Excitus e nervis spiritus inde volat.

Ingenium quoties servile haec verbera quon-
dam

Exacuere! Luit, quae male jussit, herus.

975. Nec tu confidas versutis artibus asper:

Et pueri nasum rhinocerotis habent.



Verum age , qui validis jamjam est maturior
annis,

Cum Paphio nobis litiget ille Deo.

Jam dixi, haud poterit: melius nisi noverit
ante

980. Adversas vires; norit et ipse suas.
Hasque nisi teneas, jam dura catena malo-
rum

Te serie nexum disimulante trahet.
Quod blande intrabat, fatalem denique mor-
sum

Inferet, ut calido fota colubra sinu.

985. Taeda velut magico vitiabit lumina vi-
tro,

Ut videant, quod nil; non videantque, quod
est.

Esto, licet primo te telo haud flexerit ar-
cus.

Saepius at peragent jam repetita latus.
Fascina praestringent te sensim plura caven-
tem


990. Iam minus, atque minus: dum da-
bis ultro manus.

Hoc neque dissimulo, vel cum dispendia
fero

Sentit amans, monitus hos prohibere pa-
rum.

Namque ubi concaluit, cursusque amor ex-
plicat orfos,

More ruit ferrum sponte petentis apri.



995. Hei mihi! quae nimis impavidus discrimina spernit!

Tantine est, quod sic, tamque profusus amat?

Jamque age, si species placuit tibi digna pen-
tente:

Tene oculis unum pulchra notare putas?
Quod lacias plures, cupient et scilicet ipsi.

1000. Ast hic te miserum mille pericla manent.

Cura coërcentem nimis irrequieta tenebit:

Taedia erunt minimae suspiciosa morae.

Quid si etiam nimium dolor hic exasperet iras,

Ut tibi conturbes ipse petita magis?

1005. Adde, quod innata sibi dum bonitate
dolosos

Metitur, passim caecus aberrat amor.

Hinc qui delicias sibi tuto est carpere vi-
fus,

Se spoliū insigni credulitate facit.

Iamque et fortunae siqua inclinatio facta,


1010. Est miser, ac multis vix miserandus
erit.

Laius infelix frustra post terga Micholis

Plorat, jam viduus prosequiturque comes (*)

At

(*) Phaltiel, filius Lais, maritus antea Micholis. II.
Reg. c. III., v. 15.



At neque sic omnis fert in dispendia : sed
plus

Contentos media parte beavit amor.

1015. Eminent infelix quidvis, oblivia fau-
tis,

Dum nemo numerat, multa venire solent.
Non omnis male cessit amor; bene plurimus.
Eja

Quae causa est. cur hic laedat; at ille ni-
hil?

Hic in consilio, si te bene noveris ante,

1020. Quae tibi circumstant, quaeque se-
quantur, habe.

Ex his damna solent manare, improvida si
mens.

Materiem haec praebent: tum male texit a-
mor.

Hinc sit id in promptu positum tibi cernere
certo,

Non quid ames; quamvis hoc quoque nos-
se decet:

1025. Verum id praecipue, numne et confi-
stere possit

Captus, vel potius concipiendus amor.


Tum ne te limes fallat, nova quaestio li-
mes,

Tu momentosum *Quatenus?* adde mihi.

Nam nisi te portum contingere rite puta-
bis:

1030. Jam dudum studii contrahe vela tui.

Quin



Quin et amicitia an possis contentus abire,
Res est consilii non minus ista gravis.
Nomine namque sub hoc saepe est ingressus
amator,

Et sibi delituit, delituitque suae.

1035. Ast age, siqua etiam (casus quis enim
effugit omnes?)

Sint in amore tuo plena pericla metu:

Monstrandum haec quonam incolumis mode-
ramine fallas;

Si modo tu tuamet flectere frena scias.

Offibus albebat quondam tua terra, Pelore,

1040. Vel tua, quam dedit hic Hannibal
asper, humus. (*)

Illic dulcisono blandae Sirenes ab antro,

Dum canit ista; flat haec; pulsat at illa
lyram,

Quasiibet admissas sibi detinuere carinas;

Nec fuga, personuit si melos aure, fuit.

1045. Hic quoque Dulichius reperit tutami-
na Ductor,


Ut fociis ceras; at sibi lora daret.

Audiit impunis, quota quod ratis ante lue-
bat.

Invitum servant vincula, docta Ducem.

Sed

(*) Pelori promontorio nomen factum putant a Pelori
Navarchi caede, quem Hannibal suspitione perfidiae
ibi interemerit. Alii tamen nomen jam multo anti-
quius autumant.



Sed mage consuluit mens jam secura pericli,
1050. Quod sapiens pedicam vicerat ante
suam.

Non labor est magnus praesens vitare vene-
num.

Vincere sed vires illius artis opus.
Quin hoc si cogas ipsi servire salutis:
Tunc mihi tu Paeon, tunc mihi Phoebus
eris.

1055. Miscendo efficiunt, ut vim vis temperet
apte:

Namque habet antidotum quaelibet herbæ
suum.

Serpit humi subtus nimium depressa voluptas.
Oppositu parili tu face, ut alta petat.

Iam semel aërios jussi dimittere folles,
1060. Temperiem caelo reddere si quis a-
mat,

Sic, ut idem dubio exemplum quoque profit
amori:

Quando opus hic freni se moderantis habet.
Altius attolles caput: inferiora videbis

Sub pedibus: sicet compede liber eris.

1065. Huc demum Sophiae te dogmata dia
levabunt:

Temperies dehinc alma deesse nequit.
Non auctor tibi sum, ut nubes, et inania
capes,

Queis ad proflandum Stoica secta tumet.

Hinc

Hinc Chaeroneus ventosius usque Poëtis

1070. Commentum nugas hoc genus esse
putat. (*)

Huic tamen , invenies , quaecunque salubria
constant ,

Esse Epicureae consona scita scholae.

Haec quoque corpoream vel eodem teste vo-
luptam

Persequitur captans ; ut capiatque , fugit.

1075. Haec quoque vult animos temulento ab-
ducere sensu

Quemque Sophum , ut felix , et Sophus esse
queat.

Quaerere Stoa jubet , quid res sit quaelibet
in se ,

Ut bene contemni non moderata queant.

Lucretio quoties redit ipsa haec quaestio , fa-
num

1080. Quae sola in cunctis dat retinere ca-
put ?

Et Senecae secta est , vena et tibi secta , Pe-
troni ,

Dum morti addixit brutus utrumque Nero.


Stoicus is vix se fortem tum praebuit aequae ,

Ex Epicureo lautus ut iste choro. (**)

In

(*) Plutarchus Opp. Tom. II , pag. 1057 , seqq.

(**) Non videtur hic idem esse *Petronius* , Iosepho me-
moratus (Antiquitt. Iud. lib. XVIII , cap. XI , &)
qui



1085. In quo igitur pugnax sententia conflatur
utrosque,

Praestantis Sophiae tu caput esse scias.
Dicite quis putet invidiae tam multa licere,
Ut veterum summus vapulet usque Sophus?
Siccine mancipium hunc faciunt, qui forte
magistrum

1090. Frenandae illecebrae non habet arte
parem?

Tam-

qui sub Caligula Syriae Praetor fuit, vir humanitate, moderatione, aequitate, atque in primis prudentia ad summam laudem ornatus, ac, si fuit ille Epicureus, uti ex Petronii posterioris iudiciis colligere videmur; quando apud Romanos ferme secundum familias pensare sectas licet, magnum profecto hujus scholae decus: quale hominis ingenium, Philosophia eo perductum, multo cum grati animi sensu Philo describit (in suo de Legatione ad Cajum libro); siquidem inter insanientis Caligulae potentiam, et gentis ad necem obstinatae desperationem conflictatus Petronius sic ad felicitatem publicam suo cum periculo vertit omnia, vix ut Pomponius Atticus, aut Titus quispiam, si cum potestate ibi tum fuisset, melius potuisset consulere. Veri est tamen simillimum, Parentem hunc fuisse, aut maxime propinquum certe illius *Petronii*, cui *Arbitri* cognomen est factum, eo fortassis, quod nullas Nero, nisi ex ejus demum arbitrio, delicias probabat: quem tamen postmodum a Tigellino aemulo conjurationis inlimulatum mortem sibi iussit consciscere; uti pluribus Tacitus Annal. lib. XVI, c. 17, seqq. Quidni in Filio Nero voluit ad factum cedere, quod in Parentem Caligula frustra consuluerat: jam enim mandata ad eundem Roma dederat, uti se ipse interimeret, optione duntaxat, quo perire mortis genere mallet, eidem relicta.

Sed

Tamne queat livore suo premere aemula ve-
rum

Turba, sub ambigua serpat ut hocce nota?
At vel ab invitis Gargettius abstulit olim
Ille Sophus laudes, quae dubitare ve-
tent. (*)

1095. Est mihi pro minimo, Physicis sit quan-
tus in ore;

Nec quidnam de Diis senserit ille, moror.
Multa fefellerunt veteres inventa novorum,
Et veterum fallunt optima multa novos.
Ast

Sed citius de Caji interitu nuncii, quam fatales Petro-
nio litterae, perferentium cunctatione, Syriam atti-
gerunt. At sub Nerone, ut Tacitus indicat, jam
omnis Petroniorum familia ab *Arbitro* videtur pepend-
isse; quem Epicuri sectam complexum, frustra refra-
gante Consilio de Salas (in Praeludio I ad Petronii
Arbitri Satyricon) eruditi plerique notis pluribus, iis-
que etiam arcanioribus moti judicarunt. Equidem
Epigramma, quo Epicurum inducit Petronius, vari-
as admittere Lectiones non diffiteor, quas in editione
Burmanni conferre queas. Sed cum Epicurum certe
Patrem ibi appellet, perinde uti Lucretius, ac sec-
tatores alii Philosophiae quisque Auctorem suae sic
nuncupant, jam vel hinc de istius professione dubi-
tare vix possum,

(*) Cicero, et Plutarchus, licet adversarii, tamen Epi-
curum potius commendant. Sic ille prior de isto (lib.
III Tulcul. Quae sit.) *Quid ergo? tu Epicurum existi-
mas ista voluisse, aut libidinosas ejus fuisse senten-
tias? Ego vero minime; video enim ab eo dici mul-
ta severe, multa praeclare.* Et idem de Epicureis
(lib. II de Finib.): *Ac mihi quidem, quod et ipse*



Ast hunc versatum morum in rationibus apte,
1100. Naturamque bene hic consuluisse
puto.

Hoc refert hominum magni, cum cetera fal-
lant,

Vel vera et profint cognitione minus.

Per-

*vir bonus fuit, et multi Epicurei fuerunt, et ho-
die sunt et amicitii fideles, et in omni vita con-
stantes, et graves, nec voluptate, sed officio con-
silia moderantes. Hoc videtur vis major honestatis,
et minor voluptatis. Plutarchus vero (lib. de audi-
endis Poët.) etſi celato Epicuri nomine has tamen
ejusdem ſat notas ſententias dilaudat: Mortem nihil
ad nos pertinere: Naturae divitias eſſe definitas:
ſelicitatem, beatamque vitam non in numeroſa pe-
cunia, aut poſſeſſione rerum ampla; non in princi-
patu, aut potentia dominatrice conſiſtere, ſed in va-
cuitate doloris, ſedationeque affectuum, ac diſpoſi-
tione illa animi, quae iſſis naturae finibus omnia
circumſcribit. Cum Cicerone concinit Seneca (Lib.
de Vita beata c. 13): Mea quidem iſta ſenten-
tia eſt (invitis hor noſtris popularibus dicam) ſanc-
ta Epicurum, et recta praecipere, et, ſi propius ac-
ceſſeris, triſtia. -- Itaque non dico, quod plerique
noſtrorum, ſectam Epicuri ſlagitiorum magiſtram eſ-
ſe: ſed illud dico: male audit, infamis eſt; et im-
merito: nec hoc ſcire quiſquam poteſt, niſi interius
fuerit admiſſus. His adde S. Gregorium Nazianzenſem
(in Iambicis v. 18):*

Contendit Epicurus meis laboribus
Illam voluptatem eſſe verum praemium,
In quam bona omnia definunt mortalium.
Et ne hac voluptate improbam quis crederet
Laudari, honeſte, et continenter vivere
Inſtituit ille, dogma moribus probans.

Perfer, et evita, fuit omni tempore vitae
Illud Epicteto fons acroama boni.

1105. *Ast vita, aut patere, o quanto sapientius*
hausit

Atticus ex certa conditione senex ! ()*
Pauca quidem restant ex illius undique scitis ;
Quae tua, Gassendi, cura redempta dedit.
Et quaedam, ut fatear, veluti pugnantia car-
pes ;

1110. *Quae filo invento jam sociare queas.*
Omnia nam pendent ab summo prorsus ad imum :
Summus at est illis esse necesse gradus.
Quae non sunt : poterunt naturae consona
ferri :

Consona quae neque sunt ; fursuris instar
erunt.

1115. *Ad summum, ut video, pertenderat ip-*
se Magister :


Formaque nec reliquum terruit ista gre-
*gem. (**)*

T 2

Quan-

(*) Nusquam hoc scitum inter Epicuri sententias verbis conceptis sic positum lego. Sed est tamen brevissimum quoddam ejus compendium doctrinae, quae apud Ciceronem de Finibus recensetur: dum voluptate docet abstinendum, ne graviores inde cruciatus, sed potius ut majores ex ejusdem fuga postea voluptates praetermittendo consequantur.

(**) Cum nec asse dimidio Epicurus in diem viveret: erat tamen in suos pro cuiusque natura indulgentior. Sed et de istorum abstinentia, et frugalitate confer Porphyrium in Lib. de Abstinentia ab usu animalium.



Quando supra decies septem duo vixerat annos,

Cum functo haud vixit forma gemella scholae.

Tum quoque mos, tandem venit cum Plinius Astu, (*)

1120. Natalem toto ducere mense fuit.

Gratia tanta Viri meritis est reddita, felix

Moribus is rectis dum bene monstrat iter.

Abfuit a vitio tantum, indulgentia juncta

Ni foret, ut ferri haud frena severa queant.

1125. Namque, nisi quae prorsus habet natura necesse,

Quis labor est cunctis se spoliare bonis?

Frugali fuerat confors huic coetus in horto;

Coena Hecates, tenuem vix meritura quadram.

Ad panem nam mica salis, tum deinde legumen

1130. Daps turbae, obsonat dum lepos, omnis erat.

Ast

(*) Hoc ex conjectura duntaxat verisimili accipiendum; Plinium enim scimus complura confecisse itinera, vixque dubium, quin pro Romanorum adolescentium consuetudine etiam in Graeciam, Athenasque perrexerit. Idque et inde fit admodum verisimile, quod et Epicuri ceteroquin sententias secutum videmus, et quod hujus Philosophi natalem (Hist. nat. lib. 32. c. 2) quemadmodum sua tempestate Athenis agi consuevit, sic describit, tanquam ipse praesens interfuisset.

Ast hortos circum pulcherrima quaeque pu-
ella

Perpetuae suberant in statione faces.

Boidion, Edejan, Nicedion, atque Themistae
Nomina posteritas nunc quoque sera re-
fert. (*)

1135. Quam tibi victricem moderatio mira pa-
laestram

Hic aperit! Quantos res probat ista Sophos!
Agmine de tanto lassavit nemo puellas.

Integra pellaci his corpora flore vigent.


Sublimes animae, fixus queis altior ordo

1140. Haud nimium est passus fidere cor-
pus humi.

T 3

Quod

(*) Recenset haec nomina Plutarchus (in Commentar. adversus Coloten Opp. Tom. II, pag. 1086) omissa tamen Themista, pro qua Leontium ibi ponitur. Ex hoc ipso autem scripto adversario satis intelligimus, sine abstinencia singulari vires ita integras, vegetasque conservari non potuisse. Ac Leontium quidem Metrodori, cum Epicuro viventis, concubinam fuisse, Gassendus (in Epicuri Vita, lib. VII, cap. V. Tom. V. Opp. Florent. Typis Regiae Celsitudinis) non ignoscitur: sed eam uxoris instar patrio more habitam putat: qualis et Aristoteli Herpillis fuit, ex qua susceptus est Nicomachus. Aliorum Philosophorum illustrum exempla dat Athenaeus (Lib. 13). Porro id Metrodoro Epicurum, quamvis caelibem, prudentia consulente indulgisse Gassendus autumat; qui et Leontium observat, Plinio teste, Sopham cogitantem depingi solitam, talemque et Themisten ibi fuisse, Leontei uxorem.



Quod habet hoc pecudis, sic et mens expo-
lit ipsum,

Ac studiis lenit, quod feritatis habet.

Aspice fidereum, sublimia pectora, Flaccum,

De grege se licet, ut deteriore, notet.

1145. Interiora etenim proles Epicurica
quaedam

Claustra habuit, Senecae ne patefacta qui-
dem. (*)

At quamvis varie gustet Venusinus amorem:

Non illi imposuit fortior iste pedem.

Hoc vel ab omnivagis exulta scientia libris,

1150. Atque agitata gravi carmine vena
dedit.

Hinc quaeras, num certa fides, narrataque
de se

Ex alio potius sumpta Poëta canat.

Ac licet attollat mentes multo altius ipsa

Ethica, ni nimis follihus illa tumet:

1155. Vis tamen est aliis quoque non levis
artibus, ut ne

Saltem haerere diu te sub amore sinant.

Iam-

(*) Fuisse Epicureis arcaniorem quandam inter se soci-
etatem Seneca indicat (l. c. de Vit. Beat. c. 13) Ip-
sum vero ad hanc non esse admissum, Gassendus
(in suis ad Diogenis Laertii librum X Animadversionib.)
annotat, non addito Auctoris loco. Idem tamen in Vita
Epicuri (lib. II, c. 6.) inter Epicuri sectatores Roma-
nos Senecam omnino enumerat: qui mihi tamen in
Stoam videtur propensior fuisse.

Iamque vel hoc magnum, si sis modo compe-
dis expers;

Sic possis semper juris ut esse tui.

Si te desleat studium, desletere rursus

1160. Sic aliud poterit: jam neque ser-
vus eris.

At licet hoc profit: tamen huc te tollere par-
vum est.

Altius, optarim, te mea Musa levet:

Scilicet ut, licet et subitis amor evolet alis,

Iacturâ turbet pectora tota nihil:

1165. Sic tamen, ut virtus a te non exprimat
istud

Barbara, et ingenium vel sub amore fe-
rox.

Odrysii tribuunt tam pingua corda tyrannis,

(Ulla si haec praefert fabula gente fidem)

Se prophet ut quisquam mactata pellice for-
tem,

1170. Ceu summe queat hic obvius ire
sibi.

Obviat ille sibi, quaevis ut bellua sano;

Quae furiis vinci praebeat ipsa suis.

Quod superat feritate modo, durable non est:


Destituunt temere concita quaeque fidem.

1175. Tu facito semper possis, neque mentis
habenas

Improvisa etiam sistere causa queat.

Huc denum assurget virtuti juncta voluptas;

Atque hinc temperies nascitur aequa polo.



Haec sibi naturam asciscens componit in unum,
1180. Consilio ac mores, lege soluta, re-
git.

Pleraque consilio satius deducere possis,

Si tibi sint recte semina jacta prius;

Quam si scita putes inde invariata reponi,

Cogere queis homines sub juga docta solent.

1185. At penes est rerum prudentia quem-
que suarum,

Cui leve momentum pondera saepe facit.

Nam se siqua repens res inclinavit in usu;

Computa erunt alia jam redigenda manu.

Quae nequeat ratio constanti fixa tenore,

1190. Haec neque te certa lege tenere puta.

Musica, picturae, tum quidquid et artis ubi-
que est,

Quaedam ad dissidium facta licenter amant.

Ipse valetudo (si prima oracula quaeras,

Paeonia queis haud nomen ab arte novum
est.)

1195. Exlegi vice longa per intervalla juva-
tur,

Et veniam erroris firmior inde probat.

Sit venia haec epulis: negat illam Epicurus
amori;

Quem prodesse nihil; saepe nocere monet.

Haec illi Sophia est, cessare ab amoribus arcta

1200. Lege, supervacuum nec temerare
bonum.

At

At jam corporeae, mentis prior ipse voluptam

Substituit, siccum vivere teque negat.

Occupat adversum, medicina praede, Galenus. (*)

Qui pro se pugnent, sed tamen alter habet.

1205. Omnia si penses, dirimet prudentia litem,

Quam penes arbitrium nec Sophus esse negat.

Hanc modo festeris, tibi praecipit ille: sat aequus,

Satque illi fortis, sat moderatus eris.

Virtutum hanc etenim germanam ait esse parentem:

1110. Qua sine fit, reliquis ut potiare, nefas.

Hoc quoque defendam, nec iniqua mente paciscar.

Est aliud de quo jurgia nostra sonent.

Sensibus abducit nimium Gargettius Auctor,

Iamque hominem sibimet vix superesse finit.

1215. Estne operae spoliare adeo? Quae praemina reddet

Solius in mentis clausa volupta sinu?

T. 5.

Au-

(*) Reprehendit enim Galenus Epicuri severitatem ceu nimiam Comment. i in lib. III Epidemicorum Hippocratis; itemque in libro Medicae Artis cap. 86.



Austeram sequar hanc sophiam, si quando neces-
se est.

Si vacet, haud ipse sponte severa petam.
Sic equidem visum mihi. Sed prudentia tactâ
1220. Ad latus immemoris protinus aure
stetit.

Siccine nil igitur, quae tristia damna cane-
bas,

Nil erit, haec praeceps qui pede calcât,
amor?

Nescin', quanto haec sit tibi contra opus aggere;
factum,

Sique minus modico feceris, esse nihil?
1225. Dic, age, tu nimium quando, peritu-
rus ab hoste,

Qui soleat cautos fallere, cautus eris?
Quique modum transire ardet, deparcere cau-
tim

Amplius huic justo nonne necesse vides?
Hoc quoque jam vinci est, curae si negligis
expers

1230. Praelia, quae tutum te repetita pro-
bent.

Hostem quam male te nosti, qui parcere per-
gas,

Cum tibi amicitiae nomine bella moves?
Pectora quae frangunt; hebetant quae men-
tis acumen,

In medium serpunt, ceu subit unda, sinum.

1235. Hic si de pugna sonuit tuba clara repente :

Tempora quam tolles semisopita toro!

Hic mihi tu vafro Alcides pugnabis amori;

Limite defixo jamque receptus erit?

Intra concessas ni fuesti flectere metas:

1240. Iam neque par bigis tum moderator
eris.

Dura quidem vis est (nisi certa pericula constant)

Quae tibi tam placeant, ut velut ense feces.

Si tamen huc mentem levet altior illa voluptas:

Non vis, sed virtus hic erit alma rigor.

1425. Asperius faciunt studium quodcumque
magistri,

Queis caret, et larvas addere saepe solent,
Dum celant rigido conjunctum dulce decoro,

Nec monstrant faciles, multifidasque vias.
Obligo nil quidquam. Monitus sese obliget ipse;


1250. Si cupit in summo vertice nosse
jubar.

Nec tamen hoc sponsor tibi consulo. Forte
videbis

Aptius ex alia parte patere latus.

Hoc modo fat certum, juga quod superare
necessum est,

Temperie in celsa qui velit esse domi:



1255. Qualis in aetherii spatiiis jactatur O-
lympi,

Ut fabulo inscriptas non levet aura notas.
Sub juga ni veniat quaevis affectio, sudam.

Dicere nec mentem; nec retinere queas.
Hoc tantum assequitur monitis moderatio cau-
tis,

1260. Nam nocet et fatuis cultibus illa tibi.
Tu tibi praestiteris, nequeat quae figere quis-
quam.

Hic quoque ne pare, si tuus esse potes.
Tum dici poterit voti sententia compos;

Tumque animi liceat noscere dona tui.
1265. Non mihi mira placent, neque sunt sub-
limia cordi,

Empyreo jactant quae radiare Sopho.
Quid dignum tanta feret haec promissio lucta?
Quae nova jejunae pabula mentis erunt?
Tum mihi mira probes quaedam licet: usque
quis arcu

1270. Contento studiis tempora longa da-
bit?

Daedala quae tantum struit ars, fugitura pa-
laestram:

Sunt eadem haud tempus ferre, nec apta
vices.

Me potius comperta juvent, neque dura pa-
ratu,

Officii in partem quaeque venire queant.

1275. Myſterii at quamvis res eſt nullius: ha-
bebit.

Participes paucos mentis amoena quies.
Deſieris nam opus eſt cujuſque cupidinis ante,
Qui contenta fui pectora ferre velis.

Tum fuerint tranquilla tibi mox otia praefiſto,
1280. Et nil, virtutem quod remoretur,
erit.

Si poteris, ſe mens in pauca ut contrahat ul-
tro:

Divitias aequet regia nulla tuas.
Haec etenim, e gremio quo ſe diffundat ubi-
que,

Pauper inexhauſtam ſemper abyſſon habet.
1285. Gaudia ſed Sapiens in pectore geſtat
abunde,

Et docto eſt illi crapula ſana mero.
Num petere eſt extra ſatius, quod mulceat
intra?

Quidnam aliud demum quaeritur arte foris?
Quidnam aliud cupimus. niſi ſcilicet eſſe be-
ati,

1290. Quod ſinat ex aliquo capta volupta
bono?

Quod minus in promptu eſt, et quod minus
affluat, illi

Nonne ſuperſedeat mens mage dives opum?
Ingenii nunquam, virtutis et ubere nunquam
Sic valet haec, veluti dum requieta vacat.



1095. Tunc parit ipsa sibi, tunc nidos feti-
bus implet:

Nunquam ad multa magis sufficit illa veges.
Otia rem geminant: alacri virtute quod exit,
Delicio duplici mentis ad ima redit.

Perfentit benefacta aliis, et pascitur illis:

1300. Faustior est, qui dat; quam data do-
na ferens. (*)

Non fugiunt aliis quaesita Penatibus illam

Gaudia; quae ducit sed minus aequa suis.
At nisi qui didicit sibi clam sic vivere secum,
Hic, quae se fugiunt, morio stulta vocat.

1305. Contra ea naturae tenues sapientia vo-
ces,

Et mutum arguta percipit aure melos.
Innocuis, aquilina licet, dum spectat ocellis,
Innocuae arrident omnia fronte pari.

Indiga quo minus est, magis allicit externa,
cornu

1310. Ac sese obtrudit copia tota suo.

Blan-

(*) Legi praeclaram hanc sententiam alicubi inter Epicuri effata, nec tamen in memoriam regredior, ubinam legerim. Interim recensetur eadem a Gassendo in Syntagmate Philosophiae Epicuri (Opp. Tom. III Edit. Florent. Typis Reg. Celitudo. pag. 86.) Ad eandem alludit Horatius Epist. 17: -- *Tu poscis villam; verum es Dante minor, quamvis fers te nullius egentem*, Et affine est illud Aristotelis (IV Ethic. 1.) *Virtuti magis proprium est benefacere, quam beneficium accipere.*

Blandior Eoo Titan hinc fulget ab ortu;

Blandior Hesperio dum vocat astra lacu.

Dulcius afficiunt fata laeta, ac ruris honores.

Multa Dryas dicit, multaque Najas: ave.

1315. Terra oculis ludit; garrit lympha auribus: afflant

Nares prata; ori quaelibet esca sapit.

Cuncta placent, quia cuncta decent: facit illa decere

Simplicitas: tegitur simplicitate modus.

Idem quando animum placidissimus obtinet ordo:

1320. Tam sibi blanditur mutua forma magis.

Candida pastorum tenet hunc quia vita tenorem,

Praecipue hinc illi sensus amoenus inest.

Multa negant Arabes quenquam sentire, quod ipsi;

In patula nomades dum stabulantur humo.

1325. Cernis, uti teneros tot ludicra casta puellos

Detineant totos ad sua scruta dies.


Si quaeris, cur hos tam parva crepundia captent:

En causam! Vacua sunt quia mente, juvant.

His quod simplicitas confert ignara profusi,

1330. Plenius hoc medica sobrietate feres.

Haec



Haec ipsam, dum rara venit, novat usque voluptam,

Ac modulo quodvis vincit aroma suo.
Nonne igitur duri pretium fers dulce laboris,

Hunc ita si penset maesta medulla boni?
1335. Quem situs hic animi fugit; et quam pauca faginent

Naturam: frustra hic gaudia cara locat.
Thyadas is tantum probat, et strepitosa tumultu,

Queis nimia affricus crassior arte venit.
Hinc, motus hebes ad teneros, amat acris sensu,

1340. Quae soleant tardas vi lacerare fibras.

Quam feret ista diu tua machina? Nonne tendo

Carpitur, annosum quod stroularer alii?
Fac, nil depereat; nil hoc labefiat ab usu:
Ipsius at subeunt taedia nonne boni?

1345. Plus sat si semel est: satias fastidia ducit:

Immigrat in blandi nausea prava locum.
Haec poena immodicae, simul et medicina faginae,

Tam si inamarescat capta volupta cito.
Saepius at vitium non fert hoc porro medellam,

1350. Dum sine deliciis vivere posse negat.
Hinc,

Hinc, quod desipuit, pensat graviore saburra,

Atque novum fractis viribus addit onus.

Temporis impatiens omnis fine lege cupido

Imperitat, quidvis subdere certa iugo.

1355. Cor tenet haec totum: cuncta hic re-
feruntur ad unam;

Et frustra, nisi quae velificentur, habet.

Sed neque se damnis carptim consumere par-
cit;

Iam licet effoeto robore membra trahat.

Aspice Trinacriam, Dionysii ad festa secundi

1360. Ut facta est epulis festa trimestre
suis! (*)

Dum Baccho, et choreis certat, noctesque
diebus

Rex convivali jungere lege jubet.

Et jubet, et monstrat talem durare magistrum,

Ebrius hic tantum dum fuit usque semel.

1365. Dirutus ast idem prostrata mente va-
lebat


Iam nihil, ad sanum nec caput ille rediit.

Cui firmata Parens ceu regna adamante re-
liquit,

Haec is consilii praecipitavit inops.

Nec

(*) Portentosa haec Dionysii II Bacchanalia in Dione memorat Plutarchus; eundemque Dionysium ob ebrietatis vitium in contemptum incidisse Dionis, observat Aristoteles Politicorum lib. V, cap. 10.



Nec jam unquam fortis, nec prudens, vappa
Dioni est

1370. Visus, et a modica concidit ille ma-
nu.

Tam nocuit nescire modum, capiunda volup-
tas

Quo fuit, et sine quo nec queat ipsa capi.
Nonne vides haec prona, sinum si pandis a-
mori?

A duce deliciae quae procul esse queant?
1375. Ipse ubi jam primae consuevit corda vo-
luptae,

Quid, nisi quae sua sunt hic alimenta, fo-
vet?

Has jam pompa petit, jam luxuria avara re-
quirunt;

Jam focianda strues; jam recreanda fames.
Si tam difficile est compescere cetera sensus

1380. Illicia: an summus te minus angat
agon?

Qui tuus esse per haec nequeas: satis esse
duobus

Num poteris; tot ubi poscit et alter amor?
Hunc prius expugnes opus est lege ordinis
hostem:

Aut nudas reliquis omnibus ipse latus.

1385. Nec nisi velle labor. Velle at mens con-
scia cogit;

Cui sint haec nexu cuncta relecta suo.

Tum

Tum leve consilium est sibi quaerere: cuncta
ta juvabunt:

Spes, mora, majus opus, mos, fuga, cura,
vices.

Sed decernentem juvet ut mage prona lubido,

1390. Majore arescat sponte volupta minor.
Haec age si possit tam te pessumdare: quidni
Parte tui malis nobiliore frui?

Haec damnum haud dederit; licet indulgentior
esses;

Turbata poteris nec ratione queri.

1395. Nec tamen ista velim totum te sola gubernet,

Corpoream pennis quae nimis exit humum.
Sensibus ast etiam summas ea mista tenebit.
Provida si cuius imperet illa modum.

Quam mihi tu citius de pumice presleris undas,

1400. Ac modo de nuda gaudia mente crees!


Non Sophus hoc ambit: ratio dum lucida primas,

Fert apud hunc; sola non ratione viget.
Corpore constamus pariter: jungatur utrumque.

Federe de juncto gaudia mentis erunt.

1405. Nam nisi quod sensu in cerebrum proficiscitur actum,

Alget, et arescit debile frontis opus.



Fulmentis mens semper eget de corpore sum-
tis.

Haec ut Arachnea confruit inde colo;
Ac porro in rerum filamina summa resolvens,
1410. Componensque, novum gaudet adepta
ta genus.

Ille Syracusius, clamans: *Εὐγενία*, Magister,
Dic mihi, corporeis entheus anne vacet? (*)
Balnea transiluit nudus, caecusque volupta,
Quae Dionysiacis non fuit ulla choris.

1415. Attamen extulerint mentis licet inti-
ma partum:

Gaudia non tamen haec corpore nata neges.
Gavissus fuit is formis, fuit arte reperta,
Luserit impensas ut malus emtor opes.
Non igitur sola licearis mente voluptam:

1420. Nec multum certes, quod genus; un-
de domo.

Pleraque mixta venit: quamvis, imitata Mi-
nervam

Quae salit e cerebro, laetior esse solet.
At solo veluti quae sensu lenta moratur,
Transmittit menti pabula rara suae.

1425. Plus suspensa juvat: calet irritata ca-
rendo:

Sic cum mente magis confociata valet.

Nec

(*) De Archimedis invento inter lavandum pluribus ex-
ponit Vitruvius de Architectura lib. IX, cap. 3.

Nec pretium refert: de parvo hic nascitur ingens;

Illic quam sumtu grande parare nequit.
Nonne Tagastæus, magnos dum captat amicos,

1430. Mendico sensit se nihil esse parem? (*)
Is stipe de modica temulentus regna canebat;
Regibus Orator dum placiturus eget.

Postera lux oritur: de pectore crapula cessit:
At se laetatum gaudet egenus heri.

1435. Postera lux oritur: tot sese anfractibus
aulæ

Ille salutator nil tenuisse videt.

Sunt bona sparsa locis: pariunt bona cuncta
voluptam:

Ast habet et fines cuncta volupta suos.
Hos ultra prodire nefas, procliveque multum
est:

1440. Haec foret incautis meta verenda
prius.

Gaudia proveniant unde unde; hinc dummodo
nil, mens


Quod merito carpat, quodque queratur,
erit.

Hinc Sapiens, quoties nasci plus inde doloris
Praecipit, austeram praestruit acer opem.

U 3

1445.

(*) Memorat hunc eventum Augustinus, ac bella comparatione illustrat lib. VI Conf. cap. 6.



1445. Aut fugit, ac, ne se vafra titillatio ver-
tat,

Mox procul hinc alio tendere vela jubet.
Aut fines intra tam gaudia parca coërcet;

Ut canis e Nili gurgite lingit aquam.

Ast ubi discrimen nullum videt esse voluptae;

1450. Ergo Sopho hic aliud jam modera-
men erit.

Hic quoque naturae (Sapiens ne desinat esse)

Servit, et ingenio dona reperta fovet.

Namque voluptates haud per se Epicurus ab-
horret,

Si possent aliquo quaeque carere dolo.

1455. Stoa negans factò vitium sejungere
posse,

Implicat effatis usque roganda suis.

Nullane consistat labis secura voluptas;

Vel si non sola condita mente latet?

Gargettiū Sophus hos Pastoris imagine difflet;

1460. Spectat ubi obliqua fronte, quod ore
tacet. (*)

Cur igitur tot res nobis natura propinat,

Si capere injecta religione vetet?

Quis-

(*) Scite Maximus Tyrius (Dissert. 33) ad Aesopi apolo-
gum alludit, quo Pastor inducitur ad leonis interro-
gata, numqua se ibi cerva abdidisset, quam perse-
quebatur, negans quidem ab se visam; interim ta-
men nutu locum monstrans; subjicitque, Epicurum,
si viveret, eandem illis similitudinem impaſſurum, qui
voluptatem voce accusarent, mente sequerentur.

Quisque adeo inficias ibit , concessa fruendi
Nil se laesuris plurima lege dari? (*)

1465. Contigit invidiae latratu multa gravari
Nomina , se solitus comere siquis erat.

Venit ab exemplis infamia. Sic Epicuri
Laeserunt sectam non tua, Piso, parum.

Hic quid tiro, scholae follers neque cognitor
hujus?

1470. Ludibrium meritis deferat ille suum,
Verum alii scitis docti sapientius horti

Utentes fastis nomina nonne dabant?


Atticus ille bonus, Cicerone aeternus amico,

Dic, vitae egregiae non paradigma tibi
est? (**)

1475.

*) Ipse Cicero, inter Epicuri adversarios gravitate, et oppugnandi subtilitate praecipuus, illud tamen caput, quod rem hanc maxime continet, in Oratione pro M. Caelio (c. 17) non confitetur modo, sed et eleganter illustrat: *Multa nobis blandimenta natura ipsa genuit, quibus sopita virtus conniveret, et interdum multas vias adolescentiae lubricas ostendit, quibus illa insistere, aut ingredi sine casu aliquo, aut prolapsione vix possit, et multarum rerum jucundissimarum varietatem dedit, qua non modo haec aetas, sed etiam jam corroborata caperetur. Quam ob rem siquem forte inveneritis, qui aspernetur oculis pulchritudinem rerum, non odore ullo, non tactu, non sapore capiatur, excludat auribus omnem suavitatem: huic homini ego fortasse, et pauci Deos propitios, plerique autem iratos putabunt.*

(**) De Attico, ceterisque Romanis Epicuri magno numero sectatoribus conf. Gallendum in Vita Epic. lib. II, c. VI.



1475. Isque Epicurum tibi nativis in sedibus
haufit,

Quam vixit placidos inter et arma dies!
Nec tamen ingenuae passus quid deesse vo-
luptae,

Sobrius ad lautum contulit hancce de-
cus.

Ac nisi qui iuste, qui fortiter, et moderate

1480. Vivat, delicias hunc memorare ve-
tant.

Hos igitur fines intra sit tuta voluptas.

Et nonne hoc fuerit limite semper opus?
Nec quae praecedat luctas, sed quae inde
sequatur,

Tutior est semper, partaque rite quies.

1475. Nempe caput duplex artis, modo po-
nere metas,

Et modo diversum conciliare genus.

Quid forte, ac iustum, dubitatio rara relicta
est.

Dic, quid mens prudens vult moderanter
agi?

Et tamen hinc certe primus fons pendet ho-
nesti:

1490. Et scin', notitiis pluribus esse lo-
cum?

Nunquam igitur fas hic hominum componere
lites:

Sed stet ab arbitriis quilibet, esto, suis.

Con-

Contemnique licet vulgi sententia digna est,

Quando agitur ratio; cum gregis instar eat:

1495. Non tamen in damnis, Sapiens quae pen-
fet, oportet,

Haec eadem recte computa sumpta putes.

A fama pendere bona bona plurima possunt,

Judiciumque affert multa sinistra malum.

Tu, licet ex alba venit obrectatio mente,

1500. Verbera ne flocci quaelibet oris habe.

Atque ubi tu nequeas torrenti obistere solus,

Moribus et canis semita trita manet:

Si felix tibi vita Sopho, tranquillaque cordi
est;

Hic catus offensas, invidiasque cave.

1505. Hoc magis alterius famam maculare vo-
lupta

Parce tua. Ad damnum pertinet istud idem.

Parendum est multis, ubi turba gubernat ho-
nestum.

Rex tibi si ratio quaeritur, unus eris.

Haec tamen ante tuam, sed palpi nescia, men-
tem


1510. Naturae certa cognitione regat.

Tum tu censorem poteris contemnere bardum

Teste Deo fretus, qui scit et ipse idem.

Corpore vincta quidem sunt, quae nos pulchra
vocamus.

Ast verum, atque bonum cernere mentis
opus.



1515. Inter utrumque putant magnum chaos
obstipari;

Cum sint finitimo limite juncta tamen.

Namque ita naturæ species has contulit Auc-
tor,

Ut sese excipiant ordine quæque suo.

Quid nisi consensus variorum junctus in unum

1520. Id, quod nos verum dicimus, esse
potest?

Quidve bonum, nisi quod vericeu sine quiescit,

Sive animo satiet, corpore sive tenus?

Jamque oculis ubi spectatur consensus, pulch-
rum est.

Quin commune animi dotibus istud idem.

1525. Quam facilis proin gradus est hæc in-
ter ad unum

Ex alio? Ut jungi sensile mente potest!

Hinc pueri ad pulchrum adtenti haud laedet
arundo;

Isthæc si bene sit trita palæstra tibi.

Fac verum, atque bonum id, cui tantum est glo-
ria pulchri:


1530. Tu bonus, ac verus sat quoque pul-
cher eris.

Seu te sustineas, sive indulgere licebit:

Haud parva innocuus commoda præstat a-
mor.

Sic tamen, ut virtus moderamina flectat u-
trinque;

Si, ne te fugiat vera volupta, velis.



1535. Is posita feritate truci te reddet amoe-
num.

Utere clementis simplicitate Genii.

Fac, vacet ut cunctis bonitas porro indolis ista:

Pectore jam tali gaudia mille creas.

Ufibus his jam si sese sapientia miscet

1540. Provida: quam fausto lustra tenore
fluent!

Nempe ut feminea poliuntur lege mariti:

Sic colit ingenium mitis et alter amor.

Tu modo congemina; mens ut jam fenora
sensu,

Jam redigat sensus mente juvante duplum.

1545. Nec tu corpoream rem tantum in corpo-
re prentes:

Nec tam corporeo grata sit illa modo.

Amplius excolito. Vibrata tendine si mens

Blanditer afficitur: blandius addat item.

Forſitan hoc agilipacto venit illa voluptas,

1550. Cujus Aristippi nomine secta cluet,

Ast voluit senior Gargettius esse quietem,

Cyrenes motum quod Sophus esse putat.

Pauca adeo restant hujus monumenta Magi-
stri,

Ut conjecturis vix nisi summa sequar.

1555. Si tamen hoc liceat; verbis propensior
hujus

Fors causa est; sed re vicerit ille prior.

Nam puto felicem, cui copia semper agendi est.

Ac dum felicem dico: quid hocce subest?

1560.



Est quoque (confiteor) virtus, cui semper agendum,

1560. Absque alio per se munere digna
peti.

Nonne etenim, ad verum, et pulchrum quod
pertinet, implens,

Et ratio, et sensus quod petit, illa patrat?
Nec tamen hinc bona sunt, nisi quod contin-
gere finem

Hic licuit. Sic est ultima meta quies.

1565. Atque eadem volupe est. Patiens petit
actio quiddam.

Hinc fetum virtus edit et ipsa bonum.
Isthinc felices etiam haud facit esse peten-
tes;

Dum, quod delectet, nescit abesse bono. (*)
Atque bonum certo petimus; licet esse vo-
luptam

1570. Non subit. Et tamen huc quid la-
cit, ipsa nisi?

Non, Epicure, bonis tua tam sententia dif-
cors,

Cordatum ut possit jure pigere sophum.
Quid nisi Christiadis Patris, Natiue voluptas
Pneuma? Et processus sistit ad hocce tenus.

1575.

(*) Non parum huc et illud Aristotelis congruit (lib. X, Ethic. c. 4): *Perficit enim voluptas actionem, non ut habitus inexistens, sed ut finis quidam superveniens, eo modo, quo decor florentes aetate com-
mendant.*

1575. Hinc parit et nobis Sapientia dia vo-
luptam:

Quoque ea pura magis, plenior ista venit:
Hanc et sensillum prudens exaggerat usus;

Plusque eadem ingenio ceu medicata juvat.
Gignit eam ratio: sed et istam notio rerum;

1580. Si natura satis jam liquet ante tibi.
Hanc quae consequitur, prudentia prima su-
bibit,

Dum rerum inservit finibus, atque modis.
Haec igitur demum est etiam fons verus ho-
nesti,

Plebis ab arbitrio dissocianda procul.

1585. Has at notities multum variare nota-
bam;

His alios alii dum superare solent.

Hinc vix constantem poteris deducere nor-
mam;


Arbiter et satius sit sibi quisque suus. (*)

Is videat se digna frui: et si viderit: ecquid,

1590. Tu, sibi quae expoliit scitius ille,
vetes?

Hinc

(*) Concinit cum his insignis locus Ciceronis (Tuscul. V. 81): *Sapientis est proprium, nihil quod poenitere possit, facere, nihil invitum: splendide, constanter, graviter; honeste omnia; nihil ita exspectare, quasi certo futurum; nihil cum acciderit, admirari, ut inopinatum, ac novum accidisse videatur; omnia ad suum arbitrium referre: juis stare judiciis.*



Hinc quidam et tenuem navant velut arte voluptam,

Uti intervallis, dum vicibusque sciunt.

At virtute magis volupe ad fastigia demum

Perduces: et eruit optima juncta sinu.

1595. Munera tam bene qui moderatur credita, multos

Ut se contentus rursus et ipse beet:

Is se scit rerum summo placuisse Satori;

Omni dum fines illius urget ope.

Hujus amicitia virtus secura voluptam


1600. Dum cumulat, quid vis? Nonne futura tenes?




Emendanda.

Pag	lin.	lege
8	- 16	strieturas
18	- 21	vagabunda
19	- 9	ferrens
34	- 17	querulas
36	- 18	confociare
52	- 18	queror
60	- 4	Rolliano
63	- 20	Premeditantis
94	- 10	vernacula
133	- 7	ingemio
138	- 17	alles
147	- 5	Palasgos
151	- 11	truoem
172	- 16	justem
174	- 10	Aristotelea
176	- 5	majoris
178	- 19	foilicet
180	- 7	supplexue
185	- 18	aslecla
192	- 3	thalamos
200	- 1	fit
205	- 16	rapa
206	- 11	aegtis
215	- 9	Phxsficae
224	- 7	Propositio
233	- 3	ipla
235	- 9	anchelat
245	- 5	statis
256	- 5	later
258	- 13	anholis
266	- 19	Itinerarium
268	- 4	erbus
	- 7	panus

V A 1
1551726







110

55



